

**SPEAKER** : Mi thilphal chu mawlsawmin a awm ang. A chhang mi rethei a pek thin avangin. (Thufingte 22.9)

Starred Question No. 81 na hi Pu Sainghaka zawhna a ni a. A damloh avangin a lo tel thei lova. A zawt turin Pu Rohluna a Authorise a. Mahse, kan dan khan a List-a kan dah tih zawh hnua lih tur a ti tlat mai a. Kan kalkan rih ang a. Starred Question No. 82 na zawt turin Pu Liansuama i sawm ang.

**PU LIANSUAMA** : Pu Speaker, ka zawhna No. 82-na Minister incharge Trade & Commerce chhan atan - Bangladesh leh Mizoram inrina Mamit District huamchhungah hian Border Trade Centre din ve theih a ni ang em?

**PU AICHHINGA MINISTER** : Pu Speaker, Member zahawm tak Pu Liansuama zawhna chhanna chu - Mamit District huamchhungah Border Trade Centre din ve rawtna te a awm a nih chuan Department-in a enfiah ang a, tha tawka a hria a nih chuan Central sorkarah Border Trade Centre din ve tura rawtna theih a ni ang.

**PU LIANSUAMA** : Pu Speaker, zawhbelhna - Border Trade Centre hi kan ram hian a tangkaipui hle dawnin a hria a. Mamit District a kut-hnathawktute tan hian Zokhawthar a mite leh Tlabung amite hi tangkai pui a har deuh dawn a. Sawhthing te, Serthlum te, India ram chhunga kan market banphakah ai hian chhipa phurh pawhin Serthlum te leh thlai tharte nasa taka manhla zawkin a hralh theih a. Chuvangin, theih anih ngai chuan Aizawl District khawthlang lampang Aizawl Area tan pawh anih tho ang. Zokhawthar lam aimahin a manhlain a kalkawngte a rem bawk a. Chuvangin, rawtna kan rawn thlen thei ang em tih kha min rawn chhang tawh a. Tun kan Session chhung la la te pawh hian MLA ten rawtna hi kan rawn thlen ang a. Kan Ministerk-in hma min lo laksak thei dawn anih chuan a lawmawm ngawt ang a. Chu rawtna chu Official-in min pawmsak thei mai ang em?

**PU LALHMINGTHANGA :** Pu Speaker, a relevant tho turah kan ngai a. Tlabung Border Trade chung-chang saw ka zawt zauh zauh tawh a. Saw saw report hmuh danin a Progress hi a chaklo hle mai a. Kan hriat tur pawimawh tak chu Zoram kan relchhuah kut hnathawktutena sum kan lakluh ve theihna chi ho Sawthing te Hmarcha te, Serthlum te Mau te heng ang hi tunah hian Border Trade hi awm diak diak lo mahse, a kal viau va. Sawrkar pawhin beng lo chhi deuh sela. Kha kha an hlawkna tur a ni a. Saw saw Zokhawthar te nena rual tlanga rei pawh a rei tawh a. Chak taka tih theih ni ta selang chuanin tuna Mamit bilatu sawi ang khan chhim lama kut hnathawktute tan sawn a Income tha tak an neih theihna tur a ni a. Tuna hetilam Silchar lama kan hralhte ai hi chuan awlsam pawh a awlsam a. Tin, Bangladesh lam atang hian thil chi hrang hrang mamawh tam tak a rawn lut chho thei dawn bawk a. Chu chu sawrkar hian engtingge hma a lak tawh? Engatinge Progress hi a awm theih huah loh tih kha kan zawt duh a. Progress awm ngei tur hian kan Minisgter in-charge mai piah lamah House Leader pawh hi kan ngen duh a. Tun thal chhoah phei chuan a tul ang apiang hi nawr turin kan zawt a ni e.

**S P E A K E R :** Chhang turin Pu Aichhinga Minister in-charge i lo sawm ang.

**PU AICHHINGA MINISTER :** Pu Speaker, Pu Liansuama rawtna kha a lawmawm a. He Border Trade hi State sorkar kut a ni chiah lova. Central leh Central inkar thil anih avang hian thiltih chak a har khawp mai a. Rawtna a awm phawt chuan sorkar chuan theih ang angin kan bawhzui ang a.

Tin, Border Trade Centre nei tur hian kawng ina chhunzawm a ngai a. Bangladesh lam atang pawhin kawng a awm a ngai a. Mizoram Aizawl District leh Bangladesh inrina laiah hian Mizoram lam atangin kawng chu a awm thei bawk a. Mahse, Bangladesh lam atang hian kawng tharin a pawh lova. Mahse, a awm theih dan tur te enthat angai a. Engpawhnise, rawtna a awm chuan hma lak hi kan tum ang a. Keini lam atang chuan ngaihtuahna chiah kan la nei lo ti ila, a diki ka ring.

Tin, Pu Hminga han rawtna kha Kawrpuichhuah hi Bangladesh Trade Centre kan ruahmanna hmun hi Central atang pawhin sanction engemawzat kan hmu tawh a. Nuai 113 lai kan hmu a. Chuta tang chuan Infrastructure tur ruahmanna kha kan kalpui a. Nuai 5 lai kan hmang tawh a. A baka kha a vaiin PWD ah kan transfer vek tawh a. Engineer Week anih avangin Trade & Commerce Department atanga khawih mai theih a ni lova. P.W.D. transfer a ni ta a. P.W.D. in Building te an buatsaih mek a. Tunah hian an zo tep niin kan hria a. Chu chu tun tuma Central a ka zuk kal khan Trade & Commerce Minister hmuh tumin ka inbuatsaih a. Mahse, kan hmu thei ta lova. Secretary te nen kan sawi ho ta a. Secretary tun April hian a lo chho ang a. Myanmar lampang Zokhawthar, Kawrpuichhuah te a tlawh ang a. U.C. min pe ula, a bak pawh kan rawn sanction leh ang a ti a. Chu chu tuna kan nghah a ni a. Approve sa hi nuai 280 lai pawisa a awm a. Sanction tawh sa nuai 113 a ni a. Chuan a bak zawng pawh kan rawn pe leh ang che u min ti ani. U.C. kan pek thlak hun hunah min pe mai dawn niin a lang. P.W.D. atangin U.C. pe thla turin ruahmanna a awm mek niin ka hria.

Tin, Bangladesh nena kan Border Trade hi kan sawi angin Central leh Central inkar anih avangin keini lam hi kan inrawlh thuk thei vak lova. Thahncmgai takin kan Chief Minister in a nawr reng a. Chumi karah pawh duh angin a chak thei lova. A pawl kan ti a. Nawr zel leh tan lak mek zel ani. Secretary a lokal chuan kori a tu turah kan ngai deuh a ni e.

**SPEAKER** : Starred Question No. 83-na zawt turin Pu Sailothanga Sailo i lo sawm ang.

**PU SAILOTHANGA SAILO** : Pu Speaker, ka Starred Question No. 83 na zawtna chu hei hi ani.

(a) Social Welfare Department hian Anganwadi engzatnge a enkawl mek? (b) Engzatnge thawktu awm (c) Eng zat nge an hlawh? tih a ni e.

**SPEAKER** : Chhang turin Social Welfare Minister Pu R.Tlanchmingthanga i sawm ang.

**PU R.TLANGHMINGTHANGA :** Pu Speaker, member zahawm tak Pu  
**MINISTER** Sailothanga zawhna chhanna chu hetiang  
hi a ni e.

(a) Social Welfare Department hian  
Anganwadi Centre 1361 an enkawl mek. (b) Thawktu Anganwadi Workers  
leh Helper mi 2722 an awm a. Anganwadi Workers mi 1361 leh Helpers  
mi 1361 an awm a ni. (c) Hlawh chungchang ah chuan -

1. Matriculate more than 10 years	-	Rs. 1063/-
2. Matriculate more than 5 years	-	Rs. 1031/-
3. Matriculate less than 5 years	-	Rs. 1000/-
4. Non Matriculate more than 10 years	-	Rs. 1000/-
5. Non Matriculate more than 5 years	-	Rs. 969/-
6. Non Matriculate less than 5 years	-	Rs. 938/-
7. Helpers	-	Rs. 500/-

**PU SAILOTHANGA SAILO :** Pu Speaker, zawh belhna ICDS Prog-  
ramme hi India ram chauh nilo khaw-  
vel ram pumpuiah pawh ngaih pawimawh  
leh pawl lian ber ani thin a. he Angan-  
wadi hi a pawimawh hle mai a. Chung zinga a kentel infant mortality te  
pawh tlalhiam thei tura beisei leh naupang school la kal tham lote chaw  
tha leh ei tur tha an neih theihna tura sorkar policy leh programme ni si hi  
ka bialchhungah an thil sem dan hi ka zawh tum tak chu a ni a.

Pu Speaker, he Programme hi a  
pawimawhzia a chian theih nan sap tawngin an sawi a, 'ICDS is the world  
largest programme for other childhood care and protection' tia sawi ani thin  
a, a pawimawh hle a. Ka bialchhung Lungdai khuaah hmanni lawkah  
Calcium tablet 500 awmna an sem a, an chhian a, a tling ta lova. Tablet  
500 awm turah 350 leh 342 a awm a, a kim lo nasa hle a. Pahnihnaah  
chuan, 2004 - 2005 atana sorkar in buhfai a pek thin kha kan la dawng lo  
baw a, hei hi midday meal ni awmtak ani a, chu chu kan zawh belh duh  
a Pu Speaker. Pathumna chu Anganwadi Centre hi sorkarin hawn belh  
tumna anei em tih kha ka zawh belh duh a.

Tin, India ram leh hmun dang kan  
ngaihtuah chuan Mizoram sorkar hian inpe tha khawp mai a, lawmthu kan  
sawi niselangin, hei aia tam deuh hi pek belh dan a awm em? tih kan zawt  
duh baw a ni.

**PU LALDUHOMA**

: Pu Speaker, hmanni khan hetiang deuh hlek hi ka zawt tawh a. Mizoramah Anganwadi Centre engzatnge la awm tih ka zawh min chhanna kha Minister zahawm tak hian Mizoram a khaw awmzat a hre lo kha ani a. Centre la awm lohna khua engzatnge awm a, khaw engzatinge la mamawh tih a hre lo kha pawl ka ti a, a hre hlei theilo anih pawhin Officer fel tak takte an awm a, zawt sela an hrih theih ka ring. Tunah hian engemawzat dil mek a ni a, an nei belh leh dawn tih a lo lang a. Ka bialah khian buai avanga khaw khawm, an thil neihsa pawh chhuhsak leh vek, vawiinni thlenga census-ah pawh khua anga la lang ve lo ie, a awm nual hlawm avangin sorkar thil tam tak hi an dawng lo fo mai a, chung zingah chuan tunhma lama Kani an tih thin tun hnua Zokhawthiang an tih tak khian he Centre hi a la nei lova, khua ve lem, V/C te pawh nei vek tawh hi, eng emawzat centre nei belh a ni dawn bawh a, min rawn ngaih pawimawh sak thei ang em tih kha ka zawt nawn leh duh a ni.

**PU R. TLANGHMINGTHANGA  
MINISTER**

: Pu Speaker, zawhna neitu Pu Sailothanga sawi kha a lawmawm hle mai a. Dam-dawi mum 500 awm turah 350 leh 342 awm thieng mai a, a rawn hria kha alawmawm hle mai a. Khawi laia fel lo nge tih chu sawi mai a harsa a. Tin, khatiang fel lo rawn sawi chhuah hrim hrim kha a lekkawhtu tan leh a mawhphurtu tan thil tangkai tak zel ani a. Chuvang chuan, kha kha kan lo enzui ang a. Engvanga lo awm nge tih kha kan hriattlan atan lo chhui zui turah ka ngai a.

Tin, Anganwadi Centre hawn belh tumna a awm em tih kha hawn belh tum hian theih tawpin ka bei reng a. Keini chu a recommend-tu leh a neitu Central Sorkar kut vek a ni a, tunah phei chuan khawpui veng laili leh Aizawl khawpui ngei pawh lo nei hi an awm nual mai a. Achhan chu a tir lamah khan a tangkaizia kan hre tawh lova, chuvang chuan, thingtlang lamah hian a tlangpuiin Anganwadi Centre hi a lo awm a. Aizawl khawpui tunah hian an hre thar ve a, an rawn dil nasa em em a, tin, Centrek nei tur hian population prescribe a awm avangin hengah hian India sorkar an rawn pek theih norms chin a hi chu tunah hian kan excess tawh ani a, chuvang chuan, han hawn belhna tur lai han chhuanlam tur hi avang angreng a. Chuti chungin nikum hmasa lama ICDS Centre pahnih kan block headquarter ah min pe rawh u, ka ti Central sorkar pawhin a department-in lo tih hram kan tum dawnnia ti a meeting

amin lo tiam tawh pawh kha an tihpuitlin theih loh avangin, chumi aiah chuan kum hmasa ral tepah khan 20 min rawn pek belh a. ICDS Centre han tih hian CDPO atanga Circle Officer ¼ vel leh Staff te dah a ngai a, induh bera hi chu Anganwadi Centre dah belh hi a niin kan hria a, engpawh nise, hemi kan hawn belh theih loh avangin Anganwadi Centre hi kuminah hian 20 kan pek belh ang che u an ti a. Chung 20 an pek belh te chuan tunah hian 1341 ni thin kha 1361 ah kan kai chho ta a.

Tin, hetihruah hian Aizawl khawpuiah leh thingtlangah pawh Anganwadi Centre private a veng mipuiin lungruah a an lo run a awm a ni, private in tam tak a awm, chung lo run rei tawh a kum bithliah a lo senior deuh a te chu tuna 20 an hawn belhah khan kan han regularised sak a, chutiang chuan tunah hian kan pawimawh leh mamawhzia kan innawr reng a. Chu chu a puitlin hun tura chu kan sawi thei lova.

Tin, hlawh thuah pawh hian 'hlawh' pawh hi an han ti ngam lova, 'honorarium' tih ang chauhvin lawmman ang deuha kal tir a ni a. Hei hi a tlem tham tih kan hria a. Tin Social Welfare Minister kal khawmina ziakin kan inpe kual a, 'Hlawh hi min tihpun sak rawh tiin Central Minister hnenah khan signature pe vekin kan han nawr a, chutah pawh a la puitling hlei thei lova, amaherawhchu, chuti chungin tunlai khawvel sum harsatna leh thil man to chho zelah hian hei hi a awm a ni tih chu Central lam mawhpurtute pawh kan fak hle a. Lawmman tih tama hi kan beizui zel ani.

Tin, Anganwadi Centre 1361 kan neih bak hi khaw tam tak a awm tih ka hria a. Tin, khaw awmzat, leh awm lo zat hre tur chuan Village awm zat hi hretu nih a ngai a. Kan Department concern ani lova, kan Official-te pawhin an hriat tur pawh ani chuang lova. Kan neih china hi kan hre em em a. Tin, neih belh ngai khaw tam tak a awm ani tih kan hre bawk a. Chuvang chuan member ten Mizorama khaw awmzat kan hriat duh chuan a concern Department L.A.D. te leh Statistical Department ah pawh an hre viauvin ka ring a. Anganwadi Centre enkawlina kawnga mawhpurtute hi khaw awmzat lam hi a detail lam hi kan concern a ni lova. Chuvang chuan hriat duh chuan L.A.D. or Statistical Department te hi zawt ta sela, tin, keini chuan Health Department kan nih avangin kan hriat china hi Anganwadi Centre awmzat a ni. Heta khawza tel a awm lohna a awm a i tih hi ka hria a. Chuvang chuan helaiyah hian Anganwadi Centre awm lohna zat hi a detail ka sawi thei lova, hre tura ngaih pawh kan ni lova. Tin, khaw pumpui awmzat kan hriat tawh chuan tuna kan

member zahawm takte hian 1361 ah Anganwadi Centre a awm tih an hriat tawh hnua a awm lo zat khaw engzatnge awm tih zawn chhuah hi chu an tan a awlsam khawpin ka ring a. A concern LAD lam zawt sela an hriat theih mai ka ring. Chu chu ka kawhhmuh theih dan a ni. Pu Speaker.

**S P E A K E R** : Starred Question 84 na zawt turin Pu Lalrinliana Sailo i lo sawm ang.

**PU LALRINLIANA SAILO** : Pu Speaker, ka zawhna Starred Question No. 84-na Relief & Rehabilitation Minister zahawm takin a chhan atan -  
(a) MNF Returnee Remna Run chhuakte hmamthatna turin Mizoram sorkarin engnge atih tawh ? (b) Engnge tih leh zel a tum ? tih ka zawt e.

**S P E A K E R** : A chhang turin Relief & Rehabilitation Minister Pu Lalrinchhana i lo sawm ang.

**PU LALRINCHHANA MINISTER** : Pu Speaker, Remna Run chhuak han tih bikah, a hranpaa thil ruahman hi engmah a awm iova, amaherawhchu, MNF Returnee te Welfare en chhohnaah erawh chuan tun kan hunah pawh hian nikum 2004 ah pawh khan Housing assistance Rs. 14,850/- theuh pek an ni. (b) Tun maiah tum bik engmah han siam a awm hrih lo, tih kha ka chhanna a ni e.

**S P E A K E R** : Pu Lalrinliana

**PU LALRINLIANA SAILO** : Pu Speaker, zawhbelhna. Returnee han tih hianin tunhmaa mi pawh kha MNF Returnee an ni thei vek mai a. Chuvang-in "Remna Run chhuak" han tikhhera hi

rilrua lian a ni a. Kan zawhbelh duh a. Hei Tuikuk lokirte duhsakna, an hamthatna turte pawh sian ni dawnin a lang a. Tahchuan, Remna Run chhuakte hamthatna tur hi hei aia sang deuh hianin an dawn tawh hrang hrang hei tunah hian harsa ve tak takte an awm a. Hmanni khanin kan thiante pawh an ni a. Hei hi an ngaihpawimawh leh vui avangin min brilh a ni a.

Pahnihna, Rambuai lai 1966-a Riangleia an kahhlum Indian Army "Khawzawl sipai" an ti mai a. Chumite kahhlum tana tanpuina lokal leh turah hian Biate MNF Block President chuan, "MNF a inrawn inpek loh chuan kan pe thei lovang che u" tiin a campaign a, chu chu tlangval Sangzuala S/o Thangthuama a ni a, pakhat chu. Pakhat leh chu tlangval Lalvena S/o Ngurchhawna a ni a, tunah hian Biateah an awm a. An pate hnenah hianin tuna MNF-a inrawn inpek loh chuanin heng tanpuina lokal tura hi kan pe thei lo ang che u an ti a. An vau kan ti zawk dawn em ni? Pu Speaker, Political Party politics-a awm duh lem lo mihring tam tak awm a ni a. Kohhran anni emaw sorkar hnathawk pawh anni thei e. Khatianga an fate Ram leh Hnam tana lo inpe tawh, Martyr zahawm tak te tuna Party hamthatna tura lak tum vak mai hi afuh em? MNF Party awm lo se, khami mithite tanpuina tur kha pek theih a ni tho em? tih ka zawt a ni.

**S P E A K E R**

: Pu Andrew Lalherliana.

**PU ANDREW LALHERLIANA** : Pu Speaker, ka lawm e. Kan Minister chhannaah khan Remna Run chhuak kher ni lo, Returnee te a huam zui tak em avang khan kan zawhbelh duh a. Hei Rambuai avangin kan tuar a. A bik takin ramhnuai atanga lo haw te, theih tawpa ram leh hnam tana beite an tam em em mai ani. Niminah khan, zawhnaah khan kan sawi thuak nain zawh ka duh a. Ramhnuai atanga lo chhuak returnee ho hi a MNF pumpui, President hial lo ni tawhte an awm a. An harsa hlawm khawp mai, vawiinni thlenga In leh lo neilote an ni a. Heng hi tuna kan Ministry hianin an ngai pawimawh ve thei lawm ni? Hei hi a huam thei lawm ni? Entiman kha, niminah khan chiang takin kan hmu tawh a. Sorkarin a tum tak tak chuan kan Tuikuk unaute tan pawh khan 28 crore bakah 30 crores chuang hmuh tawh awm thei khawp khan kan MNF Returnee a Remna Run chhuak ni kher lo, bul lo tum tawh tam tak han



sawi zau deuh ila, rank sang tak tak, retheia mualliam an tam a ni. Chuvangin, khawngaih takin hei hi ka sorkar hian a ngaihven thei lawm ni? midang pawhin an thikin ka ring lo. Chhawmdawlna, In leh lo nei khawp talin a ngaihtuah thei lawmni tih kha kan zawt duh a ni.

**S P E A K E R** : Pu Saikapthianga.

**PU SAIKAPTHIANGA** : Pu Speaker, Remna Run chhuak atangin Returnee zawng zawngah kan kal ta bawk a. Ka zawh tur hi a huam thoin ka ring a. Kawrtethawvengah khuan Sipaiina ram an luah, ram buai avanga an luahsak chhungkaw pali, dilna vawi tam tak, an ram luah man dilna thehluh tawh process sak ngai reng reng loh an awm a. Tunah hian rawn thehluh leh ila, sorkar hian a la buaipui thei ang em? tih kan zawh belh ang e.

**S P E A K E R** : Chhang turin Relief & Rehabilitation Minister i sawm ang.

**PU LALRINCHHANA MINISTER** : Pu Speaker, zawhbelhna – Pu Lalrinliana zawhna kha – Tuikuk tanpuina tur leh MNF Returnee te tanpuina tur chungchangthuah chuan a hunbi ain ang tawh lo em em mai a. 1986 leh vawiin inkarah chuan pawisa hlutna a danglam/sang hle mai a. Kha kha anih avangin vawiin leh khang hunbi ami kha tehkhin theih a ni lo a.

Tin, tanpuina chungchangah hian India leh sorkar hmasa ten a bi tur an ngaihtuah hunah Central sorkar pawhin a huam theih chin chu In leh lo chante tan Rs. 60001 – mithi tan Rs. 15,000 chu chu Central sorkarin a pek theih chin a nih avangin hetiang hian pek a ni.

Tun tumah Tuikuk chungchang pawh kan Home Minister sawi ang khan Central sorkarin a bi an buatsaih pui a, hetiang chin hian kan pe thei an tih ang chin kha tun tumah pawh kalpui a ni. A tlem leh tam thuah chuan State sorkar leh MNF aiawh a Central sorkar indawrte khan a tam theih ang ber chu kan nawr a. Mahse, Central sorkar tih thei chin a zat bi hi tih ani tih kha kan hrilhfiyah theih dan nise.

Tin, rambuai a thi luman pek tur list khawn chungchangah he thilah hian a lo dawngsawngtuin Relief & Rehabilitation Department in Board a din a. Chumi te hnenah chuan V/C kaltlang angai hauh lova, MNF Unit kaltlang a ngai lova. Anmahniin an claim hi an pelut thei vek a ni. Tunah hian a hma anga kan chhinchhiah reng rengah MNF an ni emaw, ni lo emaw Security Force kuta thi an ni emaw, an zavaiin ram tan a thiin an pawm a. Chunggho chu ex-gratia grant pek tur hian kan huam tir vek a. Pek tawhsa engemawzat kan awm a. Tunah pek leh turin Central sorkar kan nawr mek a.

**PU LALRINLIANA SAILO :**

Pu Speaker, Minister chhanna kha a lawmawm a. Chutih rualin an Block hruaitute hi hrilh ta se, in rawn nih loh chuan tih kher a kha a nia ka ngaih pawl mawh lai chu.

**PU LALRINCHHANA  
MINISTER :**

Pu Speaker, chutianga an lo ti anih pawhin anmahni emaw bialtu pawhin Relief & Rehabilitation Board-ah an hming zu pe lut rawh se, a dik tih an pawm chuan.

Ex-Gratia grant hi pek vek kan tum a ni. Tunah Central sorkarah crore 3 chuang lai pawisa kan dil mek a. Home Minister pawhin pek a tiam a. Chu pawisa chhuah hun chuan a dik tak a pek ka tum.

Mahse, a list buatsaihtute pawhin an en chik chuan rambuai vang a thi hming list ah khan vawiin thlenga dawng an awm a ni. Chung chu a ni a, report dik hriat a harsa hle ani. Uluk zawkin an en ang a, a dik tak te chu pek ngei tum a ni.

Tin, rammu tawh MNF returnee reng reng remna avanga chhuak ni lo, a hma a chhuak te pawh tanpui dan ngaihtuah theih nise tih a ni a. State sorkar chuan theih ang angin harsatna ah chuan chhawmdawl turin kan in buatsaih a. Mahse, Central sorkar atanga tanpuina tur erawhchu Central sorkarin remna avanga rawn haw te chiah chu a huam avangin Central atanga dilpui turah erawhchuan remna avanga rawn hawte chin chiah kha a pe dawn a ni. A bakah remna avanga rawn haw te pawh State sorkar chuan midang angin an harsatna hrang hrangah a dang ang bawkin harsatna phuhrukna tur chuan theihtawp chhuahin hma ala

mek a. Tunhmaa rammu tawh MNF returnee te pawh harsatna tawkte chuan Relief & Rehabilitation Department ah pawh harsatna thlen sela, atheih angin lo ngaihtuahpui kan tum dawn nia.

Tin, Pu Saikapthianga zawhna kha - Ram luah sak compensation chungchang hi revenue lam kut a ni a. Hei hi sipaiin ram a luahsak te compensation chu pek tura ruahman ani a. Tunah hian pek kim loh pawh an awm a. Heng hi an awm anih chuan Revenue lamah thlen ni se.

**S P E A K E R** : Starred Question No. 85 zawt turin Pu H. Rohluna i sawm ang.

**PU H. ROHLUNA** : Pu Speaker, Starred Question No. 85 na Rural Development Minister chhan atan - Border area development pawisa hi a Guideline angin sorkarin a hmang em tih ka zawt e.

**PU AICHHINGA MINISTER** : Pu Speaker, Pu Rohluna zawhna chhanna chu - Border Area Development Programme pawisa hi Guideline ang taka hman a ni e.

**PU H. ROHLUNA** : Pu speaker, zawhbelhna - Minister khan a guideline anga hman a ni a ti a. Hei hi a guideline ah hian 'Since the people living in the border area must have a direct say in the relation of the schemes, village level institution such as gram sabha should be involved in the decision making process' tih te, Tin, mipui hian direct in Aw an nei tur a ni tih a ni a. Hei hi a department hian tuna hma an lakna ah hian kan Minister hian aw nei tawkin a hria em ?

Tin, a scheme thlan chungchangah hian BADP hmasawna pawisa kan hman theih awmchhun chu a ni tawh mai a. Chuvangin a pawimawhin a tangkai em em a. Scheme proposal tarlan chung-

changah hian V/C emaw akhawmi te hian an ngaih pawimawh loh zawk deuh hlek, thawh te awm theiin ka hria a. A chhan chu BDO ah emaw an thekhawm a an proposal hi. A thlan lehna lamah khan V/C ten thu an nei leh ta chiah lova. BDO ten an ngaih pawimawh zawng chunglamah an kal chhoh tir ta thin a. Chu chu anih avangin Khawtlang hruiatu V/C te pawhin an ngaih pawimawh loh zawk hmalak hmasak a te a tang thin hi a pawi ka ti a. Chuvangin V/C te hi tun aia tangkai deuh zawkin emaw a hmang thei ang em? A dan pawhin a huam tho a, tih ka zawhbelh duh a.

Tin, a screening chungchangah hian Chief Secretary chairman na hnuaiah a awm a. Hei hi lehlamah chuan Official lam an ni a, Central lam atanga guideline awm a ni a. Mahse, helaiyah hian 'the State Chief Secretary may dropped members on the Screening Committee depending on local requirements' tih a tel a. Helai a a border area bik a a hming a mipui aiawh tura te Committee a tel lo pawh ni ila engemaw mipui a bial chhung bik a mipuite scheme lak tur an ngaih pawimawh zawng deuh te hi chu ngaihdan thawh ve theihna chance te a awm thei ang em? Helaiyah hian provision ah a tel tho bawk a, tih ka zawt tel bawk a.

Tin, Annual Action Plan kan nei hleithei lo a hmuh pawh kan hmu phak ve lova, MLA a bial chhunga awm ve te pawhin. Hei hi kan Minister hian a concern BADP area a MLA te hi Annual Action Plan hi tuntumah a copy a pek ve theih angem? A dik tak chuan a area wise a kan mipuite a hmalakna tur sorkarin a thawh tur angte hi hre ve lova han awm hi chuan an hnathawh ang angte sanction engzatnge tih hi hriatpui loh chuan han enzui pui a harsa hle. Kan minister zahawm tak hian hei hi Annual Action Plan a concern MLA te min pe ve thei se.

Tin, Employment generate thei ang bera tih nise tih kha a ni bawk a. Hei hi a scheme hi contract system a kal vek lo hian entirnan engemaw chena Party Worker an lo induhsak te hi chu kan zuk thik em em lo turah pawh ka ngai a. Amaherawhchu, 50% emaw 40% emaw tal te hi chu heng kawng laih tih angah te hi chuan mipui, a local area amite inhlawhna tur hian kan Minister hian min siam sak thei ang em? tih kan zawt tel duh bawk a ni.

Tin, Pu Speaker, thil pakhat chiah zawhbelh leh duh ka nei a, hun neih a khat a, a relevant tho turah ka ngai a. Tualchengah hian hei nimin maiyah lehkha ka hmu a Minister hi a Office lamah pawh sawipui a tha viau a, mahse, kan sawi tlang mai ang a, kan zawt

tlang mai mai ang a. Pu Speaker, Tualchengah hian nikumah nuai 2 man Phaikawn to Chhankawha lungdawh kawng, Tualcheng kal tawh chuan kan hria ang a, a khaw thlen dawna kawng inthlep tha lo deuh mai a awm a. Chumi nuai 2 BADP hnuaiah sanction a ni a, hei hi a hna thawktu pawh Ruling Party lama mi Pu Zothanpuia Venghlui leh Pi Hmunsiami, Tuikual 'A' anni a. Amaherawhchu, anni hian Sub-Contract in an pe a, Pu J.Lalsangliana, Bawngkawn leh Maitawka Ramhlun 'S' an pe a. Anni hian an han thawk ta a. Mahsela, a hna khi, kei pawh ka han kal a tun March ni 1 khan tah chuan ka han en a, a kawng a zim hle a, a tha lo em em a, Motor han tlanna chi a ni lova, Jeep pawh a leng lo a, chutichuan a khawtlang mi Tualcheng khua an inhlawh a, V/C te, K.T.P. te leh mimal te pawh an inhlawh a, mi 25 a mimal ang chuan anni a. Tahchuan KTP leh V/C te nena han chhian pheih chuan 27 lai anni a. An inhlawhfakna pawisa hi pek awm miah lovin an tlanbo pui a ni. Chu chu kan Minister hian min lo enzui sak se ka duh a. Tichuan, min chhui sak se, khawngaih takin, min chhuisak thei angem? tih ka zawt duh bawka. A chhan chu a Bill hi an lak hmian BDO lamah tlankhalh ila an ti a, mahsela, a Bill kha an lo la fai vek tawh mai a ni. Chutiang chu a ni a, a hnathawktuten pawisa an hmu bawka silo. Tualcheng khua hi Khawzawl BDO hnua ni kha Ngopa BDO in a khawih tlat bawka si a. Chutiang chuan a pawisa kha an lo la fai vek tawh a ni a. Tichuan, hlawhfa pawisa a vaia an pek loh chu Rs. 52516/- a ni a. Hei hi khawngaih kan Minister-in min lo chhui sak se. Pu Speaker.

**PU LIANSUAMA**

: Pu Speaker, Department lam atanga kan lo hria danin kan Minister hian BADP a hnathawh turte hi tun hnua chuan khawtlang V/C te kaltlangin BDO ah tichuan DRDA ah Chief Secretary-ah kal chhovin a hnathawh tur chungchangah hian hma kan la tawh ang, tihte kan lo hria a. Hei hi tun kum tharah hian a hman theih tak tak tawh ang em? Pu Rohluna zawhna neitu zawh nen pawh khan a inthuhmun thova. Chu chu pakhatna ni sela.

A dawt lehah chuan Session hmasa khan BADP hman dan diklo ka ngaimawh thu ka sawi chhuak a, chung zingah chuan Chhippui leh Tut inkar kawng laih anga sawi laih si loh, Phailenga Damdawi In Rs. nuai 10 a sak order engkim awm vek si sak si loh, Tuirum leh Dampui inkar Rs. nuai 5 sanction lak si, thawh si loh, tiang ka sawiho te kha chhuizui anni ta em? A scheme ang taka hman a nih loh zia ka sawi lanna pakhat a ni pahfawm a, engnge aan tak? tih hi wawiinniah Department in action engnge a lak tih ka hre duh a, khang lo te pawh kha tam tak a awm naa, chuti chin chu ni mai rawh se.

**PU LALRINLIANA SAILO :**

Pu Speaker, ka lawm e. Zawhbelhna, kan Minister zahawm tak khan Guideline angin thawh a ni e, a ti a, a lawmawm e. Amaherawhchu, helai hi kan sawi lawk teh ang. Hei hi Guideline a ni a. Tam tak zingah hei chauh hi kan sawi ang e. Kan zawt ang e. Meeting of the Vigilance and Monitoring Committee tihah hian at each level are to be held at atleast once every quarter after giving sufficient notice to all the members including all Hon'ble MPs and MLAs tih a ni a, hemi anga alan dan chuan Quarter tinah Meetings of Vigilance and Committee hi neih tur tih a ni a, kan nei ngai lem lova hei hi. Neih theih a ni tawh ang em ? tih hi kan zawt duh a. Tin, Pu Speaker, Guideline angah chuan hna alokal reng rengin khami ang thlap khan hna hi thawh tur tih a ni lain tunah khian Lungdar te Biate te, Sialhawkte chu an buai ang reng viau a. Rural Development Director-in a lehkha thawnah hian Dt. 21 February, 2005 ah. Tahchuan construction of Minor Irrigation Scheme including construction of road at Lungvazau to benefit the residents of E.Lungdar, Biate and Sialhawk tih a ni a, a benefit turah chuan Tlangpui pawh an la tel ta cheu a ni. Hemi hi tunah hian ka hriatsual loh chuan an buai viau a, N.Vanlaiphai bialtu zahawm tak hian E.Lungdar Community Hall bul siam nan divert a tum a ni. Hei hi Guideline kalh tlat niin ka hria a. Divert tir atum niin ziak meuhin ka dawng a. Tin, mihring pawh an rawn tlan thla a. Hei hi khawngaih takin Guideline ang thlapa kalin divert lovin hna tura an rawn buatsaih ang hian min thawh tir thei em ? Biate te, Sialhawk te, Lungdar te pawh a ni thovang leh Tlangpui khua te tan hia a tangkai dawn si a. A hna tur anga an riruat ang thlap hian khawngaih takin min thawhtir thei angem ? tih hi ka zawt a ni e, ka lawm e.

**PU SAIKAPTHIANGA :**

Pu Speaker, ka lawm e. Zawhbelhna pahnih chauh Phuldungsei bialtu MLA zahawm tak zawh ang deuh kha a ni a. Pakhatna chu BADP pawisa hi hnathawktute hnenah hian tu ber hian nge pechhuak. D.C. nge, BDO nge, khawi atangin nge pawisa hi draw a nih ? tih ka hre duh a.

Tin, a dawt lehah chuan hnathawh tawh anga lang, pawisa pawh lak vek tawh a hna awm si lo hi sorkar rawn hriattir ila, sorkar pawhin an duh chuan enfiah sela. Chu hna chu a awm lo ngei anih chuan sorkar hian a tisualtute chua hrem ang em ? tih ka zawt duh a. Ka bialah khuan Rest House lian tak a bo daih a ni.

**S P E A K E R**

Awle, a tlangpuithuin GPC ah khan kan rel tawh a, a pawimawh viau naa, a sei viau tawh mai a. Chhang turin Minister hi sawm mai ila a tha ang e, i lo sawm ang u.

**PU AICHHINGA  
MINISTER**

Pu Speaker, zawh bellhna kha atam deuh a, kan chhan hmaih palh ang tih pawh a hlauhawm viau a, kan lo hmaih palh pawh-in min rawn zawt leh mai sela. Pu

Rohluna khan mipuite duh dan angin, hemi a Guideline ang deuhhlekk hian a hna thlan thuah hian tihdan a awm lawm ni tih kha Pu Liansuama zawhnanen khan a inang a. Hei hi tunah chuan kal kan tum danah chuan BADP atana hna ka siam tur, kan neih tur ang chi hi Schedule of Works hi anih dan phungah chuan Chief Secretary hovin Screening Committee in an rawn final thin a. Chu chu Central ah kan thawn thla a, tunhma khan Planning-ah a awm thin a, tunah chuan Home khu Nodal ah kan nei tawh a. Tichuan annin min rawn approve sak a, tichuan kha kha execute turin an rawn pechhuak a, Department-in a execute ta ani tlangpui a. Chu chu khang hna te kha enga tangin nge siam anih? Tuten nge kha kha rawn originate ti mai ila, V/C te nge ni a, D.C. nge Block nge tih lai kha a rawn sawi tum leh a zawh lai hi niin a lang a. Tin, anin an rawn duh danah chuan V/C demaw khawtlang mipui te emaw khatlang aiawhte emaw an khawtlang a an mamawhte hi rawn propose sela chu chu Block-ah lo screen ila, Block atang chuan a kalna turah kal chhovin Screening Committee ah lut chho se tih ang deuhhlekk a ni a. Chu chu a hma pawha kan sawi dan leh tunhnuah chuan a tiha kan tih dan kha ani a. Chuvang chuan tunhma kha chuan a duh duhin mimalin emaw an ngaimawh kha Screening Committee ah an pelut tawp mai niin a lang a. Chumi chu Screening Committee tan pawh screen kha ahar em em mai a ni. Tunah chuan kan hna neih tur leh pawisa neih dan anga kan kalpui tura hi block level ah rawn thial ta sela, V/C tin ten block ah rawn ti se, tichuan block in rawn kalpui chhovin Directorate ah lo lut sela. Directorate in screen ila, tih tur tlak leh tling nia kan hriata kha Screening Committee ah pek luh ni ta sela, tih hi ka ruahman dan ani a. Chutiang chuan kal turin tunah instruction engkim pek a ni a, tunah pawh hian additional fund 7.24 sanction kan nei thar a, chumiah pawh chuan kum tawp dawn a ni tak avangin kan khawih hman tak loh anih vangin ka revalidate a, April thlaah hian chutiang ang kawng chuan kan tla tura kha an rawn ti ang a, V/C tin ten an khawchhunga pawimawh an tih a kha an thehlut ang a Block Committee khan a rawn screen ang a, chutiang chuan Directorate ah lo lutin chutah chuan kan kalpui tum dan chu a ni. Tunhmaa

duh duh tih ngawt ai kha chuan tlem chuan a tha deuh mahna, tih chu kan beisei dan tlangpui a ni.

Tin, a zawhna pahnhnaah khan hemi Screening Committee te hian MLA te ngaihdan hi an lak ve a rem lawm ni, tih laiah khan MLA te chu Block ah khan Committee Member vek kan nih avang khanin mahni Block theuhah khan hei hi chu a hranpaa screeninga va tih leh ai khan Block ah zawk khan awmzia a nei zawkin ka ring a. Chu chu screening-a va kaltir leh kha chu emaw Screening Committee ah voice va neih kher ai chuan Block atang kha voice va nei mai sela a that zawk ka ring a.

Tin, chu lovah chuan kan work schedule te hi MLA te hi min pe ve thei lawm ni, tih kha pek theih lohna tur a awm pawh ka hre hranpa hauh lova, kan lo pe lo thin anih chuan bialtu te chu pek kha mi concerned bialtu kha chuan approved tawh list na na na kha chu an neih ve mai kha asualna awm reng reng ka hre lova, hei hi chu kan pek theih ka ring. Engpawhnise, MLA te chu nei tur kan ni reng reng kan bial chung scheme hriat loh kha chu adik lo hrim hrim a, hei hi chu tih kan rawn tum ang e. Tin, contract ang veka lak tih chungchangthuah hia contract anga lak loh theih lohna chin a awm a, kan hnate hi Construction Work a ni tlangpui deuh a, kan hriat theuh angin kawng laiah te, leihlawn dawh te, sikul te, khatiangin construction work hi atam ber ani a, chu chu Public ah tih ngawt chi loh tam tak a awm a. Tunah School nilo, hei hmun thenkhatah chuan khawtlangin an rawn dilna anga zovin tunah pawh hian khawtlang hnatlang anga an tih tur ang chi pawh tih laite a awm a, a tam berah erawh chuan mimalah contract ang deuhin working - agency kan ti a, working - agency ang deuh pawhin kan lam lova, working agency siamin hnathawktu hi ka ruat tlangpui a hmun thenkhatah erawh chuan tul bikna V/C ten an rawn sawi dan a zirin khawtlang mipuia an inhlawhna ang tur zawng pawhin ka siam sak lai chu a awm zeuh zeuh, chutiang chuan khua in a mamawh dan a zirin hei hi chu tih theih tho ani.

Tin, Tualcheng chungchangthu kha kan lo la hriat loh thil a ni a. Kan lo enzui anga, hei a awmziaah chuan hnathawktu a ruata kan ruata te hia hnathawktu an ruaia hlawh an pe si lo ni berin a lang a. Chulai chu hnathawktu leh working agency inkar pawh a ni viau a, amaherawhchu, hetiang hi a awm tawh lohna tura hma kan lakah pawh kaihhruaitu thui tak niin ka hria a, chu bakah hemite harsatna hi department ah ka lo en ang a, enge tih theih kan nei em? tih te ka lo thlir ang a.



Tin, Pu Suama zawhna pakhatna kha chhangah ngai ilar, a pahnihna ah khan Session hmasa a ka thil sawia kha chhuizui ani ta em? tih lai kha ani a, kan en nual a, amaherawhchu, thil fello a awm tih chu ka hmu a, amaherawhchu, khangah khan (PU LIANSUAMA : Pu Speaker, kan Minister hian min thawhpui thei angera? Khang kha en ho ka duh em em a ni. Kum nga kalta chhung vel khan thil hi atawp nasa lutuk a ni.) Remchang a awm hunah kan la kal tlang ang chu. Amaherawhchu, kan Engineer leh Officer ten an en tho a, ka hria e, tih kha ka chhan theih tawk ni ta sela. (SPEAKER: Khawngaihin i tih zel hmian Question Hour hi a tawp mai a, supplementary awm sa kha an chhang zo dawn lo em ni ang? a ni aw.)

Pu Speaker, Pu Rinliana zawhna Vigilance Committee-in heng quarterly ah en tur ani tih a mahse, en a awm lem si lova, a tih a, engemaw chenah ka hun chinah hian Vigilance medeting hi neih a ni a. Chuan Aizawl leh Lunglei leh Saiha hi chu kan han en tha tawk lova hei, tunah kan inti a, kan Office ho pawh ka in detail a, en turin tunah hian ka intir chhuak mek zel a, kan la en kim lo na a, a ni tih kha ka chha theihna ni ta sela.

Tin, khilai Irrigation pawisa hungna zau tih lai bawr vela kha nia pawisa a awm a, amaherawhchu, hei hi divert a rem lawm ni, tih rawtna a awm reng a mahse, kan la divert chiah lem lova, rem dan leh a rem loh dan te a hman dan tihte kan entir mek a ni.

Tin, Pu Saia khanin pawisa hi tuingge pe chuak, tih lai kha tun hma kan hun hma kha hna tam tak BADP hnuaia hna tam tak hi V/C kuta dah a awm a, a then chu BDO kuta dah a awm bawk a, chutiang chuan thliar hranin a awm a. Chu chu ngun taka kan ngiahtuah hnuin tunah chuan Directorate-ah Work-execution hi Directorate in kalpui taw se, atha e, tihna kan nei a, a chhan chu engineer te kan nei ta a, kan hna zawng zawng hi construction work, engineer work technical work vek a ni si avangin R.D. hian engineer kan neih loh chuan hna athawh theih dawn lova ka ti a, tichuan kan Chief Minister te duhsakna in E.E. thlengin tunah chuan kan nei a, A.E. kan nei tawh bawk a, J.E. engemaw zat kan nei bawk a. Chuvangin kan work-execution hi Engineer te hmanga tih ni tawh se, kan ti a, tuna tang hi chuan Directorate atang vekin pawisa pawh pekchhuah tawh ni sela, kan ti ta ani, chu chu kan kalphung thar deuh a ni. Hnathawh tawh alang awm silo a hna tak tak awm si lo hi tunhma kalphung deuh hlek ang khan hmun tam takah a awm a ni tih hi kan hria a. Chu pawh chu tunah hian kan en vel mek a ni. Thil kal tawh ani a, kan hrem ngei ngei ang kan ti lova, amaherawhchu, hetiang hi aawm tawh lohna turin theih tawp kan chhuah a ni tih kha House kan hrilh duh a ni, ka lawm e.

**S P E A K E R** : Kan Question House chu a tawp ta a, rem kan tih tlan chuan kan member lo kal thei lo zawhna lo chhuak si kha han chhiarchhuak leh ila. Pu Sainghaka zawhna Starred Question No. 81 na Power & Electricity Department Minister chhan atan - (a) na Tipaimukh a Hydro Electric Power siam tur hian khawi State te nge anghawng a, Ram chim chhiat tur anei em? (b) na A nei a nih chuan a chim tur zau zawng hi engzat nge? (c) na Componsation hmuh na chi a ni em? (d) na Power a siam chhuah zat atangin heng ramte hian hlawkna engzatnge an neih ve dawn tih a ni.

Tunah chuan Public Accounts Committee Report 12, 13, 14, 15 House a present turin Pu Lalduhoma member ilo sawm ang u.

**PU LALDUHOMA** : Pu Speaker, i phalna leh Public Accounts Committee Chiarman-in min authorised angin 12 Reports of Public Accounts Committee relating to Public Works Department 13 Reports of Public Account Committee relating to Sericulture Department 14 Reports of P.A.C. relating to Social Welfare Department leh 15 Reports on Appropriation Accounts for the year 2001-2002 excess expenditure te hi he House zahawm takah hian ka present e.

**PU ANDREW LALHERLIANA** : Pu Speaker, ka lawm e. I phalna leh Subject Committee V - te remtihnain kei Chairman hian Subject Committee - V First Report relating to Animal Husbandry and Veterinary Department te Second Report relating to Public Health Engineering te Third Report relating to Horticulture Department te hi he House ah hian ka rawn lay e.

**S P E A K E R** : Subject Committee te hi House aiawh a Hnathawk an ni tih kha kan hre theuh a. Chuvangin report te hi a concerned Minister te leh concerned Department zawng zawngte khan lo ngai pawimawh turin kan han inngen nawn leh a ni.

Discussion and Voting on Demand for grant ah kan kal dawn ang a, kan List of Business a a lan ang khan vawiinah hian kan Minister 4 te Demand kan la nghal dawn a ni. Tichuar, tum danga kan tih ang tho khan a vaiin la lehngal mai ila atha kan ti tlang mai em? Awle, minute 10 theuh in pe ila, Minister zahawm tak Pu Lalrinchhana chu a Demand No. 30, 34 leh 42 te hi House-ah rawn submit se a tha ang e.

**PU LALRINCHHANA  
MINISTER**

: Pu Speaker, Governor recommend-na leh i phalnain ka Demand No. 30, 34, 42 - na 2005 - 2006 a ka Department pathum te hman tan Rs. 41,24,56,000/- ka rawn move a chungte chu hetiang hi a ni e. Demand No. 30 na Relief & Rehabilitation tan Rs. 4,00,80,000/-, Demand No. 34 na Animal Husbandry atan Rs. 18,36,65,000/-, Demand No. 42 Transport atan Rs. 18,87,11,000/- avaiin Rs. 41,24,56,000/- a ni e, ka lawm e.

**S P E A K E R**

: Pu H. Rammawi i lo sawm ang.

**PU H. RAMMAWI  
MINISTER**

: Pu Speaker, on the recommendation of the Governor of Mizoram with your permission sir, I move the Demand No. 4, 12, 31 & 31 for Rs. 73,01,75,000/- only for meeting expenses during 2005 - 2006 in respect of the following Departments - Demand No. 4 - Law & Judicial Department Rs. 3,14,35,000/- Demand No. 12 - Parliamentary Affairs Department Rs. 21,60,000/-, Demand No. 31 - Agriculture Department Rs. 57, 58,95,000/- and Demand No. 32 - Horticulture Department Rs. 12,06,85,000/- Total Rs. 73,01,75,000/- ka lawm e.

**S P E A K E R**

: Tunah Pu K.Sangthuama, Minister zahawm tak a Demand No. 17 na, 37 na leh 41 na te House-ah rawn submit turin ilo sawm ang.

**PU K. SANGTHUAMA MINISTER** : Pu Speaker, on the recommendation of the Governor of Mizoram and with Your permission sir, I move the Demand No. 17, 37 and 41 for Rs. 1,06,15,31,000 only for meeting expenses during 2005 - 2006 in respect of the following Department - Demand No. 17 - Food & Civil Supplies Rs. 92,99,16,000/-, Demand No. 37 - Co-operation Rs. 6,96,75,000/- and Demand No. 41 Sericulture Rs. 6,19,40,000/- total Rs. 1,06,15,31,000/- ka lawm e.

**SPEAKER** : Tunah Pu Z.H. Ropuia, Minister zahawm tak a Demand No. 22, 28 leh 43 na te House-ah rawn submit turin ilo sawm ang.

**PU Z.H.ROPUIA MINISTER** : Mr Speaker sir, on the recommendation of the Governor of Mizoram and with your permission sir, I move the Demand No. 22, 28 & 48 for Rs. 12,02,72,000/- only for meeting expenses during 2005 - 2006 in respect of the following Departments - Demand No. 22 - Sports & Youth Services Rs. 6,13,60,000/-, Demand No. 28 - Labour & Employment Rs. 2,81,30,000/- and Demand No. 43 - Tourism Rs. 3,07,82,000/- total Rs. 12,02,72,000/- thank you.

**SPEAKER** : Le, tikhan kan Minister pali ten an Demand an rawn pharh ta a. Sawihona kan tan anga minute 10 theuh hun inpe ila kan tih kha. Tunge han tan ang? tih hma hmam a sawi chak deuh tawh aniang Pu Duhoma ilo sawm ang u.

**PU LALDUHOMA** : Pu Speaker, Demand No. 41 na Sericulture atang hian kan tan ang a. Thahnem ngaihna avangin nikum lamah khan hemi Department chungchang thilte ngaihthlak nuam vak lo, te pawh kan sawi chhuak tawh a. He house-ah ngei hian. Tunah chuan Minister zahawm tak leh Officer te tanlaknain hma pawh an

sawn hlein a lang a, a lawmawm ka ti a. Hei, he Department hi kan rama chhungkaw engemaw zat te eizawna ngelnghet an neih theihna tura kan neih that ber te zinga mi a ni chung hian Department te takte a la ni reng mai hi paw ka ti a. Chutichung chuan kumtinin Pangang khawitu an pung zel a, kan Cocoon thar zat te pawh a pung chho mek zel a. Amaherawhehu, heng Cocoon a factory a han thlen hian a green cocoon atanga a dang cocoon inkara weight loss hi atam em em mai a. Za a sawmsarih weight loss te a awm thin a, kum rei tak chhung chu. Hengte hi adrying chambers (drying system) tha a awm loh vang te leh a transportation a harsatna a awm vang te, a dah thatna a awm loh vang te a ni ber mai a. Tin, training te a that tawk loh avangin cocoon quality hrim hrimte hi achhian mi ram cocoon quality a la tluk lova. Tin, cocoon atanga silk siamna pawh hian All India standard ah chuan 15:1 a ni a, a ratio hi, keini ah chuan 20:1 a la ni rih a. Hengah te pawh hian kan la hnufual hle mai a. Heng zawng zawng hian training tha kan mamawh zia a tilang a. Tin, cocoon dah thatna tur storage building te, cocoon carrying van te he Department hian a mamawh em em a ni, drying chambers te bakah Motor an hmuh theih ang ang a cocoon an han phurhte chu relable hi a awm mang lo a ni, a chanve aia tam hi achhe thin a ni. Chuvangin, a hlawk tur angin a hlawk thei lova. Chutiang chu anih avangin hmalakna tur a la zau hle a ni.

Kumina kan budget-a sum awmzat kan en hian a tlem tham em em mai a. Hei hi Department hian tham taka kan dinchhuah a, pawisa pawh kan phalrai leh zual hi a tha hlein ka hria a. Tin, an inenkawl na atana kan State atanga budget kan dah hi chu engmah tham a ni ngai lova, Central Silk Board atangin helam atanga tihpui vang em em pawh ni lovin, kan Officer te remhriatna avang tein sum tam tak an hai chhuak zawk thin a. Chumi chuan an intung nung a ni ber mai a. Keini a State sorkar hian kan sum bawm ngei atanga nasa lehzuala kan tanpui hi tul hlein ka hria a.

Tin, Directorate puitling a la nei lova, mipuite eizawna tur pawimawh tak anih avang hian Director puitling pek a tihlen chhoh ve zel nise tih hi ka rawt duh a ni. Pawisa sen belh ngai lovin Superintendent post 3 an neihsa surrender-in Director puitling neih an rawt niawm tak ani a. Hengte pawh hi sorkar-ah a la tlang chiah lo niin hriat a ni a. Chutiang ang rawnate chu sorkarah tih puitlin sak nise a tha hlein ka hria a ni.

Tin, Demand No. 30 naah hian kan kai leh ang a, Relief & Rehabilitation ah hian - nikum lamah rial leh thli te, ruah te hmun hrang hrangah kan tuar a. Keini bialte pawhin kan tuar nasa

hle a. A tirah silpaulin tlem te te, In 200 tan silpaulin 20 te min pe a, a ngaihna hi a awm thlawt lova. Khami min pek tih loh kha chu tun thleng hian nikuma kan tawrhna atang khan chhawmdawlna kan la dawng lo a ni. Hmanniah he House-ah ngei hian Minister zahawm takin zawhra achhannaah khan hma lak mek ani tih a la ni chauh a ni. Nikuma tuartute tanpuina tur tuna pawha hmalak mek ala nih chauh si chuan, tunah hian Kolasib, Kawnpui, ka bialte, Saiha ah te hian kuminah thli leh ruah kan tuar leh der tawh ani a. Hemi te hian nakum an nghak leh dawn em ni ang? Tunah an In te a chhia a, an mamawh em em lai a dawn nghal mai tur kan sorkarin an nei lo hi chu a pawl takzetin ka hria a. Relief & Rehabilitation budget hi kan en a, a tlem ber mai a. Disaster Management hi kan hlamchhiah lu deuh ani. Mipuite lungchiaa an awm lai a hetiang tuam hlawnna tur nei lo khawp tur hi chu kan ni bik em ni? Hei aia fund thahnem zawk hi pek nise a tha hle ang. Heng ang chhiatna te hi kum tin kan tawkdawn ani tih lah ka hre lawk vek si a. Dil chawpa, scheme siam chawp a, Central lama dil chawp a, kum a liam hnua intanpui chuan awmzia tehchiam a nei lo a ni. Kan mamawh lai ngeia kan inpek theihna turin nasa leh zualin he department hi thuum that a thain ka hria a. CRF an tih te, NCCF guideline an tihte hi ka hrechiang ve lova, a copy te hi min pe ve thei se ka duh hle a. Hengah te hian siamthat ngai a awm a nih chuan en that vat nise a duhawm hlein ka hria.

Tin, Demand No. 43 na Animal Husbandry ah hian ka han kai leh ang a. Hei Piggery Village Kawlkulh-ah hian a tirah beneficiary engemawzat an awm a. A hlawnchham chian em avangin tunah 17 chauh an awm tawh a. He Piggery Village a an dahte tan chuan inhremna ang hial a ni e, an ti hial a ni. Rs. nuai 194 vel sen a ni tawh a, engatinge a hlawnchham aw, ka ti a. Chutiang bawk chuan project hlawnchham kha zawngchhang niawm takin Kawlkulh - II an han ti leh a, Sairangah, nuai 141 zet sen a ni leh tawh a. Pukpuiah Model Piggery Village an han ti leh a, beneficiaries 60 awmnaah Vawkte pakhat theuh pawh an la dawng kim lo ani. Pu Speaker, engtinge maw ei an hmuh ang le? Hna dang thawk lovin khatah khan kan khalhkhawm taw si a. Hetiang scheme awmze neilo sum tam tak tak luanralna leh a beneficiary-te tan dinchhuahna awm silo ang hi chu ennawn a, tih tawp ngai a nih chuan tihtawp mai nisela, a thain ka ring. Hetiang zat zat sum kan seng dawn anih rau rau chuan, mimal pahnih, pathum tih tak taka tan la turte hi zuk finance ta zawk ila, privatisation hian a hlawnhtling zawk ang, tih ka ring a. A scheme pumpui hi ennawn leh deuh a tul lawm ni? Hetiang kum tin pawisa sen vak vak reng mai hi sim a tha ang. Hei department-in Base Pig Breeding Farm Selesih leh Lungpher, Lunglei lama a neihte pawh hin atir atanga study a, sum engzatnge lut tawh? engzatnge hlawnkna awm?

engzatnge an chawi belh tihte pawh hi hriat chian a, a tul anih chuan private kuta hlan a, hlawk zawka kalpui theih anih ka ring a ni. Development of sustainable base for Pig production tihahnte pawh hian vaibelchhe 7 dawn an seng tawh ani a. Mahse, eng ruai kan la ang lova, kan Animal Feed Plant, Tanhril ami lah chuan kum khat chhungin a nikhat capacity a thawkchhuak thei chauh mai a ni a. Hei hi kan vei hle a, he House-ah pawh hian sawilan a hlawn ta hle a. Cheng tam tak senga khawl ka bun te hetu mai mai anih si chuan engtinggemaw kan tih ang le? Management-ah hian kan fail ani tih hi pawm a, a bul tan that te hi hreh loh a tha hlein ka hria ani.

Tin, Demand 32-na Horticulture hi kumtin mai Horticulture Department budget hi a tlem tual tual ringawt mai a, hei hi a awmzia ka hre lo hle a ni. Sericulture ka sawi ang chiah kha ani a. Horticulture hi Zoram mipui inngahna tur a ni. Zoram pumpui hi Horticulture huan ni thei tura Pathianin a duan ni te pawhin a lang a ni. He department kan enkawl dan hi a nep ka ti a. Budget kan pek te hi a tlem a ni. Tunah hian kan budget pangngai atang chuan chet theihna tak tak an nei tawh lo. Central atanga Technology Mission lokal hi an inngahna ber ani ta zawk mai a. Heng Central lam thil lah hi kan Chief Minister zahawm takin a sawi fo angin Vai rilru mila rawn duan a niin kan inmil tehchiam lo lehngal a. A hmante hi a har em em a ni a. Huan tanpuina tur pawh Balhla leh Serthlumah chauh lo chuan dil theih loh tih a ni ta zel a. Tichuan a hmasawn zawng chu sawi loh, a hnungtawlh zawngin kan kal tlat mai a ni. A pawu ka ti khawp mai, kan Grape te leh Sapthei te leh thildang tam tak tunah hian hralh theih tawh loh, process ngai kan ni ve tawh a. He department atang hian a processing unit dinna tur, tanpuinate thleng hian budget-ah hian rawn awm se, atha hle a. Link road fahran han laihna te pawh hi sum an nei lo a ni ta mai a. Medicinal Plant te pawh Zoramah kan ngah em em a. Heng Zo damdawi hmang hian Hospital hial te din te pawh kan tum tur a ni. Chutiang zawnga hma lakna te pawh tun kan dinhmunah hian a lang reng reng lo mai a. Hei hi a lungchhiat thlakin ka hria a.

Tin, thil chi, mamawh lem loh tam tak an lei chiam chiam lain kan mamawh ngawih ngawih Horticulture Department hnuaiah a awm lo leh si a, thil chi tam tak keini bial pawhin kan mamawh ka zuk sawi thin a, kan nei lo tih a ni deuh vek mai ani. Mipui ten an mamawh thlai chi hi tih tam nise atha ngawt ang. Tin, Meihawl atanga meihawl tui kan tih maite pawh hi, hei Organic-ah te kan kal dawn a ni pheih chuan thlai ven nan leh a mannure atan pawh a tha a. Hengte pawh hi mi tam tak eizawn nan siamin, sorkar hian leisak tawp mai se, a tha hlein ka ring a ni.

Tin, Demand No. 31 - na Agriculture ah hian ka han kai ang a, Pu Speaker, nimin atang tawh khan Bell hi i hmet hma deuh zelin ka hre mai a. Kan Agriculture Minister zahawm takin zawhna achhannaah khan chemical fertilizier lak luh khuahkhirh nan sorkarin hma ala mek tih kha kan hmu kulh mai a. A lungchhiatthlak hlein ka hria a. Engvanginngge Organic kan tih ka tih chuan Zoram zawng zawng hi i organic ang u, tihna a ni lo, kan ni dawn chuang hek lo. Sawhthing tih te leh thil dang te hi eng ang pawhin lo ti organic pawh ni ila, thil dang tam tak Dal, Chana, Buhfai etc. te a organic vek seng dawn chuang si lova, chuvangin kan inveng seng dawn chuanglo reng reng. Hriselna atan tih hi chu inzawrhna tlak a tling lo. Amaherawhchu, item pahnih, pathum kan tih organic theih hlauh chuan a commercial value-ah a market a tha dawn em e, tih thil hi kan sawidan tur ani zawk ang. Chutih lai chuan chemical fertilizier mamawh tam tak kan la awm a, India sorkar pawhin a subsidise-a a ti char char a, buh thar tam a duh chuan subsidy a tipung mai a. Chutih laia khuahkhirh dan kan ngaihtuah mek, hma kan la mek, tih hi a dik hauh lo ang. Organic Farming hi organic lo nen hian a kal kawp reng a ngai dawn ani zawk. Chemical Fertilizer mamawh tute hi organic manure kan supply hneh tawh thei a nih hma chuan kan hrekin ka tihtawp sak mai mai tur a ni lo tih hi ka han sawi duh a.

Tin, MIP atan hian crore 31 ngawt mai sen a ni tawh a, hei kuminah hian Central Additional Assistance-ah khan tam deuh mai, crore 24 zet alo kal leh bawk a. Kan sum sen tawh zozai hi Pu Speaker, han ngaihtuah teh, chhungkaw 10 tel mahnia eizawng thei tawhin kan siam tawh em? Hetiang project puitling tak tak thei si lo atan sum sen chiam reng mai ai hi chuan an thlai thar leisak nan te hian hmang zawk ila, hmanah In thar an sa tawhin, T.V. te pawh an lei tawh tur ani. Kum tam tak tawh hnu leh vaibelchhe tel sen tawh hnua at that leh that loh kan en nawn dawn, tia hluhlawn leh si tur project duan duan maite hi a sumthuninu tak tak hian ka hria ani.

A tawp nan point khat chiah Pu Speaker, hemi demand hnuaiah hian, a dang ka kai dawn lo. I.W.D.P. hi kum 2003 - 2007 kum 4 chhung atan ruahman ani a. 2003 - 2004 ah hian engnge hma an lak tih ka zawt duh a ni. User-Group te hian sum an hmu tawh em ? kum 2004 - 2005 ah hian sum an hmu tawh em ? Kum hnih chiah an la nei a, kum 2 kalta atan sum an la pe lo anih si chuan heta sum lokal zozai hi engtia hman nge an tum ? entir nan Sihphir ah te, user-group an awm a, engmah an la dawng lo. AAP (Annual Action Plan) an duang vek bawk si. Lunglei lamah te pawh a list of beneficiary nen ka nei vek. Hei hi a hmunah enfiah ila, an dawng chiah em tih hi endik ila, a thain ka



hria. A taka hmuh tur awm si lo, utilise nan certificate dik lo siam hi UWDP hnuaiiah hian a tam lutuk a. Hei hi kan check thei lo anih chuan kan Minister te hi an inhnamhnawih ve ani ang, tih a rinawm khawp ang. Minister fel fai tak kan nei anih chuan a department hnuaiiah heng hi a thleng a thleng tur a ni lo. Vawi hnih khat a thleng anih pawhin a titawp thei tur a ni. Chu chu kei, ka ngaihdan a ni a. Chuvang chuan, IWDP hi a tawp ru riau mai a. A agency lah hi an sawn an sawn a, tunah agriculture-ah an ti a. B.D.O. hnuaiia DRDA hnuaiia A.A.P. an siam tawh zawng zawngte kha engtingge an tih dawn ? an chhunzawm dawn em ? tunah hian felfai takin Agriculture-ah hian a lut law law dawn a nih chuan tun atang hian lut fel mai selangin. Tin, heng execute tur hian NGO angte pawh hi hman ve niselangin maw le, an eiru lo deuh ang. An ti dik deuh ang tih ka ring tlat ani. Tu tute emaw contract-a pek ral ringawt ai chuan kan chhawr zawk ang tih hi ka hmuh dan ani. He IWDP hi tunah hian kan hman danah scheme duan vek a ni a, hei an A.A.P. te pawh ka nei a, mahse, User Group ten la dawng si lo. Sihphir te hi han verify mai theih a ni a. 2003 - 2004 chhung apek tur pawisa tarlan a tam mai. Mahse, cheng khatmah an la dawng si lo, 2004-2005 ah pawisa pakhatmah an la dawng lo baw. Kum a ral chu a ni leh tawh si, engtingge hei hi ka tih ang, tih hi ngaihtuah tham a awmin ka hria a. Chuvang chuan, heng zawng zawng hi dik taka a kal theihna turin helaiah action kan la dawn loh, ti mai maia in hrut ral chi ani lova. Dik lo, member tena kan sawi, Rest House ngei pawh sa a, an insawi hmuh tur awm si lo, ang chi hi chu engahnge maw action kan lak loh ang le, la lo tu Minister chu atelve ani ang, tih hi kei chu ka ring dawn tlat. Kan ram hi kan thenfai loh chuan, Pathian kan hlau baw si lo, Setana kan hlau baw si lo, Na deuh takin a Minister changtute hian hma rawn la se, hma sawnna hmel hmuh kan lo tum ang e. Ka lawm e.

**S P E A K E R**

: Tunge han sawi leh ang, a tir lamah hian kan ti duh mang lova, a tawp lamah hian kan phar leh sup sup ang e. Pu R. Lalzirliana maw.

**P U R. L A L Z I R L I A N A**

: Pu Speaker, ka lawm e. Hei Demand 41 ah khan kan lut ve nghal ang a. Nikum aiin hei Sericulture-ah hian pawisa chu kan han dah tam deuh a. Amaherawh-

chu BAFFACOS-ah 125 lakhs kan dah hian a ti tam chauh niin a lang a. Hei hi earmarked, tumsa nei niin a lang a. Kan han sawi duh chu ka hmaa MLA zahawm tak kha a sawi nual hlawm a. Nikum lama kan han sawi khan Cocoon phurh khawmna tur Van te hi lei nise a tha mange kan ti a. Heng te hi lei ani tawh em ka hre lova. Tin, Mau tam do nan pawh hian BAFFACOS pawisa pawh hi he Department-ah hian dah tam a tha hlein ka ring a. A chhan chu kumin atang hian pangang khawiin Mizoram pumpui a kan lo neitu te hi lo awm niselangin Mau tam 2007 ah chuan Buh ching lovin Cocoon an thar chhuak thei tawh ang a. Chu chu kan hnam tan pawh hian athain ka ring a. Chutiang zawng chuan kan sorkar hian hma lak ni thei sela. Tin, Director nichina an sawi ang khan hengte hi tun hma khan MSC te an awm thin a. Khatiang awm ai khan tunah hian he Department hian hma a la chak ta emaw tih theihin a awm a ni. Chuvang chuan atu apawh chu niselangin Director puitling nei lova charge la ang lek a Department Zokhua khawih tak mai kan nei si ahi a dik lova. Chuvangin Director puitling kan neih thuai hi a pawimawh hle a ni.

Demand 22-naah hian Sports and Youth Services-ah hian kan kal leh ang a. MLA zawng zawng ngen puina avang te pawh ani thei ang a. Kan sorkarin tun kumah hi chuan Budget estimate-ah an ha dah hnem ve deuh a, alawmawm khawp mai a. Kum dangte nikum lam angte anih phei chuan R.E. te nen chuan 700 lakhs dawn lai kan hawlh te pawh beisei ta ila. Sumah Budget Estimate ah hian 430.60 lakhs emaw dah a ni a. Tichuan sum leh pai tam tak kan ha nei chho ve a, Department dang ngaihtuah chuan a tam lo. Amaherawhchu, nidang ai chuan a tam deuh a. Heng kan hmannaah hian kan fimkhur erawhchu, a ngai hlein ka ring a. A chhan chu kan thiltih theih chin leh chin loh te Minister ten kan hriat a pawimawh a. Tute pawisa hman tur emaw leh tute thawh tur emaw avanga Sports Council thiat ngawt mai te adik lohzia mite hi chu Choak dum hma anga awm mai mai anni tawh bik lova. Thudik leh dan a lo awm vek a. Tiang chuan dan hnuai ah hianin thil ti thin sela athain ka hria a. Sumah pawh hian zahthlak takin High Court-ah Rs. 5,000/- chawi turin Minister hi thu an rawn niin kan lo hria a. Heng thil zahthlak tak a awm loh nan fimkhur takin sum leh pai hi anihna takah hmang se ka duhsak khawp mai a.

Tin, Demand 28-ah Labour and Employment hi kan kal leh ang a. Sawi tur a tam viau a mahse hun kan nei tlem si a Pu Speaker, Muster Roll a thawk te hi ka sawi tawh thin a, skill one te hi an hlawh hi Rs. 4000/- awrh a ni a. Unskill hi Rs. 2000/- awrh a ni a. Chutiang phaklo pawh chu tam tak an awm a ni. Amaherawhchu, kan sorkar hi Muster Roll te tellovin kan kal hlei thei si lova. Tunah pawh hia atam zaw ber an ni mai awm mange mi 7992 ka zawhnaah kha an awm a ni an

ti a. Chuvangin heng hi an hlawh pun te hi an dil ve a, tunah hian a thuphung pheih chuan remtih implement loh niin a lang a. Mi pakhatah Rs. 8/- te emaw engemawzat chauh kha pung tur niin a lang a. Thenkhatte a sang te, a sing tel a a pun laiin anni chu hna hnuaihnuung thawktute anni a, inngaihbel theih tak a an awm hi a fellovin ka hria ani. Mi rilru kan tira lutuk ang tih ka hlau khawp mai.

Demand 30-na, Relief and Rehabilitation a hian han kal leh zawk ka duh a. He Tsunami a thleng a India ramah, India ram State-ah chhiatna rapthlak tak kan tuar a, chung tanpuina chuan kan phal emaw phal lo emaw sorkar hnathawk ten nikhat hlawh kan thawh khawm a. Tahchuanin sorkarin a belh nge crore khat lai tanpuina kan pe niawm takin ka lo hria a. Tin, chutiang lo pawh chuan a inkind in Mau nuaikhat chuang zet kan han thawn thla lehngal a, a lawmawm khawp mai kan State thenawm te India rama awm vek kan ni a. Kan tanpui kha usual ka ti lova, amaherawhchu, Zoramah mahni chipuite, mahni hnampuite helai roreltu a min siamtu ten chhiatna rapthlak tak an tuar a, rial a tla a, thli a tleh a, nikumah buh nasa takin tihchiat ani. Kuminah pawh nasa takin Iskut ching te le ching velo te pawh an thlai leh an In te achhia a ni. Chung tanpuina chu a them thei hle mai a, a beitham hle a ni. Kan hriat theuh angin nikumah chhiatna rapthlak tak mai Armed Vengin an tuar a. Chung lei tlahniamah chuan Minister tam tak Officer te hnuaiin an lokal thin a, thlamuang takin lo awm rawh u an ti a. Amaherawhchu, thlamuanna tur a awm chuang si lova. Chaw awm chuang silovin puar takin lo ei rawh tih ang chauh kha ani. Chuvang chuan heng tanpuina te pawh hi a rang thei anga tih a tul a ni. Hei fur ani leh mai dawn tawh a, chhiatnain min belhchhah leh hma hian kan sorkar hi tanpui turin kan han au takmeuh meuh a ni a. Motor kawngpui te achhe vek a, chungte chu kal theih lovin waviinniah hian a la awm a ni. Heng te hi chu tih theih ve nise a duhawm khawp mai.

Tin, Demand 32 na Horticulture hi tawitein. Hemi technology mission hnuaiiah hian Alu te an lei thin nin a lang a. Hei hi report ka dawn dan chuan nikum lamah khian Chalfih tlang bawr vel lamah khian quintal ah Rs. 48/- in Aizawl atanga an phurhna chauh kha chawi tirin an thlen thei a. Kuminah hian Rs. 400/- in thlen ta niin report ka lo dawng a, telephone vawihnih, vawithum ka dawng tawh ani. Hei hi enchian a tha hlein ka ring a. Direct arevenue apawisa khalut leh tur ni tawh chuang lovin helai a phur chhotu leh engemaw sorkar hnathawk te inkarah khan thil awm thei a ni. Chu chu mipuiten an tuar leh avangin enngun deuh nise ka duh khawp mai.

Tin, Demand 31 na Agriculture-ah hian han kal ve lawk ila, MIP kalphung hi thlak tur ani e tiin kan Minister zahawm tak khan a sawi a. He programme hi mipuite tan athingtlang lo neitu te dawmchhuah nan a kan ti anih tak tak chuan sum leh pai a kan sem lo tur hi engeni ngaihtuahna awm aw tih ngaihtuahna min neih tir a. Kan sem lo rau rau anih chuan tunhma anga ram hluizia anga Antam chi te an chin duh tur lem loh barh luh a lei vak vak a pek leh kan tum anih phei chuan a tha o viauin ka ring a. Chutiang ai chuanin thlai chi leinan ni lo an tharchhuah lei nan hianin pawisa tam tak Mau tam tam donan hia athain ka ring a. Chutiang anga ka tih chu a felin ka ring a.

Tin, hei MIP hi kan MLA zahawm tak tak ten Party enrolment atan inzuar a ni an ti a. Ka lo awih meuh thin lova, nimin lam te, tukin zingah te thu hriat belh zel ka han nei a. Hei hi chu a rinawm viauin ka hre ta a. A chhan chu Party membership zawn nan MNF Unit chauh nilo kan Minister a changtu pawh hian alo zawng niawm tak ani. Chutah chuan a bial Pang khuaah hian tunhma chuan mi 209 MIP dawng tura tih anni a. Tunah chuan 143 chauh thlan an ni ta. Hei hi engvangnge, MNF chhungkua le sorkar pawhin MNF nia an hriat te kha hetah hian an thlang ta ani. A pawh khawp ani, hei hi, a run thlak hle a ni. Tunah hian Thangchemsanga hei Pangkhuaah hian a la cham reng a, nizanah te leng velin MNF ah enrolment inrawn tih chuan MIP atang hian Rs. 4000/- kan pe ang che u, Session zawh veleh kan Minister, a bialtu hi alokal dawn a ni tiin Party enrolment zawn nan hian a hmang char char mai ani tih thu ka dawng a. Chuvangin, minister bialah pawh hetiang an tih chuan MNF worker te chuan engvangmahin an ti lo tur a ni lo ani. An infuih dan hi a dik lo hle ani. Chuvangin a bul thum atanga hetiang ang thil dik lo hi kan hrut ral, kan tihchhiat hi a ngai takmeuh meuhin ka hria a.

Pu Speaker, Demand 17 na Food and Civil Supplies ah hian han kal leh zawk ka duh a. Consumer Affairs, Consumer Forum ho hi Headquarter Aizawl-ah hi chua D.C. Chairman a ni a. Chuti chung chuan lungawina consumer ho hian an hmu mang lo a ni, a pawh hlein ka hria a. Tin, District dangah phei chuan Aizawlah lo phei chuan D.C. te hi Chairman anni vek a. Chutiang chu ka ngaihtuahin karhmasa nilai zan nge ni azan chiah ka hre ta lova, chutiangah chuan Serchhip ah phei chuan an D.C. khan tu emaw license a la a, a halral sak daih mai an ti a ni. Chutiang khawpa Dan lova che duh te an awm chhunga hetiang Consumer President atana D.C. te kan han dah hi chu a dikan ka ring lova. Tin, a hrim hrimin D.C. te hi an lo buai a, khawi hmunah pawh President hi Additional D.C. te hi ni zawk sela, Consumer ho tan hi chuan ahlawk zawkin a tangkai zawkin ka ring a ni. Pu Speaker, ka lawm e.

**S P E A K E R** : Awle, a lawmawm e, Pu K. Lalrinliana i lo sawm ang.

**PU K. LALRINLIANA** : Pu Speaker, ka lawm e. Hei vawiinni kan Minister zahawm tak takte Demand he House zahawm takah pass an rawn dil hi, an sum dinhmunah chuan duhthusam chu ani hauh lovang tih chu arinawm a. Kan Minister theuhte pawhin an chanpualah hian hei aia tam hi nei thei vek ila hnianghnara kan intodelh chhoh theihna tur atan te, hei aia tam sum hi nei thei ila tih hi kan Minister zahawm tak takte pawh hian a duh dan a nih ka ring. Amaherawhchu, tun dinhmun han thlir chuan kan sum neihte nimin lawkah Budget Discussion ka nei a, kan sum neih theih atanga han thlir chuan vawiinah hian Demand an rawn tih hi a tha tlangpuiin ka hria a. Tin, a tlangpuithuin kum hmasa te term hmasa te sorkar hmalakna han thlirin lungawi lohna tur leh han sawiselna tur em em a awm lova. Tunhma atanga State puitling kan lo ni chhoh atanga vawiinnia kan kaldan mek han thlir erawh hi chuan kan kalnaah hian duhthusam ni vek lo mahse, lungawi thlak thawkhat niin ka hria a.

Vawiinniah pawh hian a bik takin hei Demand 30 na Relief & Rehabilitation ah hian MNF Returnee te, hmannah kan ngaithla tawh a. Budget Discussion ah pawh, mi 572 te cheng nuai 85 lai tanpuina akal kan hmu a. Tin, chhiat tawhte Natural Calamities tana tanpuina tur Leimin tur venna atan silpaulin 15200 lai sem ni tawhte leh Rangva Inchung pawp thawmna tur atana Bandle 5000 lai mai sem a ni tawh te hi kan Budget hmasa kumhlui tunkum kal lai mek a mi kan en chuan a thiltih hi ropuiin ka hria a. Tin, kumthar lo awm tur kan Budget ah hian District 8 atana heng chhiatna lo thleng thut thei atana invenna tur nuai 200 lai mai ruahmanna awm hi athlamuan thlakin ka hria, dukhawp chu ani hauh lovang. Hei kan District chhungah pawh hian tun kum chhungin, nichinah member zahawm tak Ratu bialtuin a sawi ang khan, vanduaina kan tawk nasa mawlh mawlh khawp mai a. Tun kum chhungah pawh hian Kawnpui bialah pawh Rialin Lungdaite, Zanlawn te nimin lawkah Thingdawl te pawh Rialin a suasam nasa a. Tin, ka bial chhung Kolasib ngeiah pawh karhmasa hmasa leh lawk maiah khan nasa takin Rialin inchung rangva te tichhiahin In te atichhia a, thlai te atichhia a. Chutiang chuan manganna namenlo kan tawk ani a. Chu chu kan District a kan tawh a ni a. Chutah pawh chuan hei sorkarin theih ang tawk tawkin chhawmdawlna sawi tham awmlo mahse chhawmdawlna D.C. hmangin an kalpui chho ani a. Heng kawngah pawh hian Rangva inchung pawp mai kha silpaulin han zar sak

emaw kha atawk lo viauin ka hria a. A chhan chu thiah a ngai a. Rangva dang chih leh a ngai a, chung ang chi atan chuan tanpuina ngaihtuah hi angaiin ka hre khawp mai a. Keini District a rial tla khu gram 250 a rit te ani a, a tlaka inchung aden hnuah leiah a tla a, a darh leh hnuahthe pawh khan chutiang khawpa rit te chu a ni a. Chuvang chuan rialin min suamsar:na khulai ka District Area bik khu kan vanduai a. Thleng leh taw lo se ka duh ngawih ngawih a, ka thu ani si lova, abik taka ngaihtuah kan ngaiin ka hria a, chu chu ka sawi duh a.

Tin, tunkum kal tur atan 2005 - 2006 inkar atan Exgratia grant la dawng lo te tana mi 2075 tan cheng nuai 311.25 dil mek a ni tih nichin lawkah pawh kan Minister Relief & Rehabilitation Minister zahawm takin a rawn sawite kha a thlamuan thlakin ka hria a. Vawiinnia manganna kan tawhte tanpui dan ngenna ni pahfawmin ka sawi duh a.

Tin, Demand 34 na Animal Husbandry & Veterinary ah kha kan hmu a, Budget Speech ahte ka ngaithla a. Ran talhna hmun tur ruahman a ni ta te hi a lawmawmin ka hria a. Lehlamah duhtusamin la nei kim lovin a tenawmna leh mihring hriselna atan pawha hlauhthawnawmte han sawi thin mah ila, vawiinnia kan dinhmunah sorkarin nasa takin tan a la a. Ran chawa kan intodelhna tur atan a ruahmanna kalchho mek Tanhril ah hian dukhawp herchhuak thei lo mahse, kan han neita te pawh hi aropuiin ka hria a. Tin, Dairy Plan (Bawnghnute dahthatna) Kolasib ah peih tep ani a, tunkum chhunga peih hman tur a ni te khu lawmawm ka ti a. Tin, Veterinary Centre te, tin, ran damlo enna (a hrik/hreivei) Laboratory Investigation laboratory kan neite hi alawmawm ka ti a. Ran hrisel ka ei hi a pawimawh hle tawhin a lang a. Thlai hrisel kan duh a, Organic Farming ka ti lai mek pawha ran hriselna lampang ka ngaisang hi mihringte lo hrisel chhohna tur a ni dawn avangin hengte hi alawmawm ka ti a. Tin, tunkum lo awm tur kan Budget ah mi 200 tan Biogas plant per unit ah Rs. 7500 pek tura ruahman te. Tin, Bawng vulhtute mi 25 tana tanpuina aw thei tura ruahman te, tin Vawk vulhtute mi engemaw zat, Ar vulhtute tanpuina ruahmanna awm chho turte hi a lawmawm ka ti a. Hei Party in duhsakna chungchang sawite Saitual bialtu zahawm takin a rawn sawi kha, Kolasib ah khuan BAFACOS hmanga ran vulhtute tanpuina ruahman a ni a. Sorkarin ruahmanna a siamah hian kan Block hruaitute ka hnenah an lo kal a. Engatinge Party ang pawha kan hriat miah loh Ruling ka ni si a, an ti a, an thinrim an lo kal a, Ngawiteh keipawhin ka hrechiang chiah bik lo ania zawt chiang teh ang u ka ti a. Amaherawhchu, Central guidelines anga kal kha kan Minister sorkar duhdan a nih avangin thianghlim takin voluntary organisation tel tur ang chi te leh a

Department concern te tel tura ruahman ang chi chauhin thianghlim takin an thlang ani tih karhmasa lawk khan kei pawhin ka prove a, nichina ka ngaihthlak ang ngawr ngawr kha chu ani bikin ka hre lova, Chuvang chuan chulai churawn sawilan ve thain ka hria ani.

Tin, Demand No. 42 Transport te kha hei hmasawna nasa tak kan nein ka hria. Bus, passenger phurte hnen atang hian tun February thla chinah cheng nuai 134.97 lai mai Revenue kan lo hmu a, tin, Road Tax, Driving License siamna te Motor Registration vel atangin nuai Rs. 337.13 lai mai kan hmu thei niin kan hria a, ropui ka ti a. Tin, District tinah Registration leh Driving License siamna tur atana Computerise ani te kha ropui ka ti a. Tin, Passenger te an him theihna tur atana Bus thar lei ruahmanna awmte a lawmawm a, a thlamuanthlak ka ti a ni.

Tin, hei Law & Judicial lamah pawh Court Building sak Kolasib ah leh Saiha ah te kan nei chho a, mipuite chanvo a ni a, a lawmawm ka ti khawp mai a.

Tin, Demand No. 31 naah Land Development hmalakna te Minor Irrigation-in Land development an tih zawh hnua tui pekna an han siamte hi aropui ka ti a. Leilet neitute lawmthu sawina hi vawiinniah hia sawi dawn ila sawi tur tamin ka hria a. Hengte hi leileta Buh kan thar mai ni lovin thlasik thlai kan thar theihna tur atana inruahman chhohna mipui phur zia a takin a langin ka hria a. Potential area Connectivity Agriculture Link Road kan tihte Horticulture Link Road kan tihte vawiinniah hian nasa taka hmalak a ni. Tin, MIP hlamchhiah miah lo atun kan Budget a nuai 2000 lai mai dah ani te hi thlamuan thlak ka ti a. MIP hi ka ngaihthlak tawh ang khan sum leh pai sem lovang tih emaw, sem ang tih emaw ah hian buai lo ila a project kan hlawhtlinna turah innghat ila tih kha kan hriat a pawimawhin ka hria a. Kan Minister zahawm takin theihtawpin hma ala a, nasa takin a kalpui a, chutiang chuan Anthurium te pawh.

Horticulture Department-ah Demand No. 32 naah khan Pu Speaker, ka sawi laklawh lai tlem hi mi zawhtir thei la ka lawm hle ang. Hei Rain Water Harvesting tihte, tin, Anthurium te pawh State dangah kan lo hralh thei a. Chutiang chuan Demand hrang hrang vawiina kan ngaihthlak kan Minister zahawm tak tak ten an Demand Sports & Youth Services ah te pawh State Level Sports Complex hmun siamna tur atan leh District Level Sports siamna hmun atana ruahmanna kal mek te hi a lawmawm hlein ka hria. Thalaite min cho phurtu thalaite ti phurtu ani hi a lawmawmin ka hria a.

Tin, Labour & Employment ah hian EPF chungchangah MR leh Private Institution hnuaiia thawkte tana hamthatna an lo hmuh ve theihna tur atana ruahmanna tunah hia sub-regional Office pawh Aizawlah dah tura Central ah dil mek a lo ni te hi hnathawkte leh hnuaihning zawk thawktute tan pawha security lo awm thei tur hi a ropui ka ti a. Sorkar hna hi kan vai hian a daih seng vek lova, hetiang chi ruahmanna araw siamte hi a lawmawm ka ti a.

Chutiang bawk chuan Pu Speaker, Sericulture te hi sawinuum tak niin ka hria a. Khatiangami harsa zawkte chawikanna tur atana ruahmanna tur BAFFACOS ah pawh nuai 125 lai mai dah a ni a. Pangang a maimaw puana ka intodelh theihna tur atana ruahmanna ngaih pawimawh a ni te kha a lawmawm ka ti a, hun a zo tawh si a, kan Minister te Demand zahawm tak tak paliin an demand te hi pass thei ngei ila tih kha ka rawn support e, ka lawm e.

**S P E A K E R** : Pu Sailothanga i lo sawm ang.

**PU SAILOTHANGA SAILO :** Pu Speaker, Demand No. 30 naah hian han kal nghal mai ka duh a. Ka bial lam-in chhiat kan tawk nasa hle a. Khaw riat laiin kan tuar a. Kan tawrh nasat dan hi han sawi hmasak phawt ka duh a. Mau hnah ka chih a, mi ta takin sawrkar lama thei fal deuhin silpaulin ka khuh a, a then dapin ka khuh bawk a. Tichuan, tuna ka In tam tak khu grouping laia kan rangva dawn te leh rangve hlui te ani deuh ber a. Tichuan ka bialah report a lo kal a, tichuan kan sawi hmasak duh chu - Nikum dt. 28. 2004 khan ka bial Lungdaiah rial nasa takin a tla a, tichuan ka bialah kan zu kal vat a, sawrkar ah ka report a, chu kan report chu Nov. 28 2004 a rial tla kha 7 December 2004 khan report kan thelut a, chumi a khawih chhiat chu Rs, 1951500 lai a ni a, hei hi kan sorkarin a pek tawh leh pek loh kan zawt a, chu ka zawhna chu hetiang hi a ni. December ni 28, 2004 a Lungdaia rial tla vak khan thlai zawng zawng a tichhe vek ani tih sorkarah ka report achhannaah chuan dawng tawh nisi engtingge action a lak tih ka zawt duh a. CRF/NCCF guideline anga pek tum a hmalak mek ani tiin mi chhang a, hei hi khawngaih takin min pek sak vat turin kan dilpui duh a, Lungdai ah vek dt. 5.3.2005 tlai dar 5:30 P.M. vel khan rial nasa tak alo tla leh a, tichuan ka zu kal vang vang a In 190 a tichhia a, chung zinga chuan In 20 a chhe zual



ani a, sorkarah report pein kan hotute an fel a, kan Officer hote sorkar-ah report thehlut leh vatin rangva 1254 ridging 539 a chhia e tiin sorkarah a report a. Pawisain Rs. 450889 lai ani. Hetih laiah hia Relief & Rehabilitation Minister hi fak lo thei niin ka hre lova. Kan zu kal a, a hnuah a zu kal ve leh a, kan hotute a hruai a, tih theih chi kan nei a, tih theih loh chin ka neih kha hrerengin a zu kal leh a, mipui an thlamuang hle a ni tih kha kan sawi duh bawk a. E, Zanlawnah bawk mai kha dt. 7.3.2005 ni khan rial leh thli a lo tla leh vak mai a, chutah chuan In 74 a zu deng chhia a, a chhe nasa zual kha In 15 lai a ni a. Hei pawh hi Kolasib lama kan hotute lokal vatin Rangva 435 a chhia a, ridging 251 a chhe bawk ani e, a pawisa Rs. 101697 ani tiin sorkarah mi han thehluh sak a, lawmawm kan ti hle a. Tichuan Serkhan ah pawh hia a lo tla ve leh a, In le lo erawhchu a tihchhiat sak lova, Serthlum te, theite, te, theihai, Iskut leh Antam, Maian, Bean, Balhla leh Hmarchapui angte hi mi tihchhiat sak a. Chhungkaw 12 lai hei pawh hi sorkarin mi enfiah sak turin kan duh a. Tin, Mualkhang ah pawh dt. 6.3.2005 bawk khan rial leh thlir nasa takin a tla leh a, amaherawhchu, vanneihthlak takin In leh lo chu tihchhiat a nei lova, kan thlai leh Tengtere nasa tkain min tihchhiat sak chu sorkarin min hriatsak se ka duh a.

Tichuan, Thingdawlah dt. 20.3.2005

Sunday tlai dar 3 - 5 P.M. inkar vel khan thlir leh rial nasa tkain a lo tla leh a ni tih kan dawng a, ka zu kal a, In zawng zawng ka zu luh chhuak vek a, Zanlawn pawh In zawng zawng ka lu chhuak ve a, tin, Lungdai pawh In zawng zawng ka luh chhuak vek bawk a. Thingdawl ka zu kal chu le, In 450 vel ka luh chhuak vek a, kan hmuh danah chuan In tihchhiat hi In 250 lai niin a chhe fal bik hi In 20 niin kan hria a. Hetah hianin Inchung mai ni lo thlai te pawh nasa takin min tihchhiat sak hi ka lungngaihna pakhat ani a. Tichuan, Thingdawl thliin nasa taka den thu hi kan Minister zahawm tak kan hrilh vat a, tichuan a niin hma min lo lak pui a, Kolasib lamah D.C. te leh thuneitute a zu bia a, Thingdawl ka kal dawn tih hriain Kolasib atangin hotute an lo kal a, tichuan kan ha en ho a, heng ka hmu hi kan hriat theih chin leh dik ngeia ka hriat te a ni tih ka sawi duh a. Tichuan reiloteah report an rawn thehlut thuaiin ka ring a. Hei hi sorkarin tanpuina awm ang ang min lo pek sak turin kan dilsak bawk a.

Tin, Bualpuiah pawh dt. 23.3.2005

sunday ni bawk hian rial leh thliin a nuai leh a, tah hi chua In 35 tichhiain a chhe nasa zual hi In 10 niin kan hria a. Hei kan bial Kawnpui bial bik hi kan chhungte chhiat kan tawk nasa a, vanduaithlak hle mai a, maherawhchu, sorkar kan nei a, kan han thlaphang lo phawt a. Engpawh nise sorkarin min hriatpui a, a nasa zual khua Lungdai, Zanlawn khua In zawng zawng ka zu tlawh chhuak vek a, E, sorkara report thehluh ang te sorkarin

hriatpuia tichuan he. Relief & Rehabilitation Department-a kan Minister hi a arang thei ang bera tanpuina pe chhuak turin mi lo dilpui se tih kha ka sawi duh a. Ka bial a kan chhiat tawh chungchangah sorkar chungah hian lawmthu sawi loh theih loh niin ka hria a. Amaherawhchu, khati khawpa In chhia ve si chu a hminga lo MLA ve si chu hum te hi han nei ve tit tet thin ila a Silpaulin bandle hnih khat vel hi chu hum han nei ve thin ila. Niminah pawh kut lawng ngawtin ka kal a, E, kan hotu te pawh an hrih hai hlein ka hria a. A harsa ni pawhin a harsat dan te hi member te hrihin Silpaulin manah a vaibelchhe tel kan hmang thin si a, bialtu nihna anga Silpaulin pawh kan ha pe thei lo hi chu a lungchhiat thlak ka ti a. Chuvangin tun chinah chuan hetiang hi chu thleng leh tawh ngai lo sela. Tahchuan engemaw thir leh rial ah chhiatna an lo tawh thin a nih pawhin bial danga pawh tute tan pawh MLA te hi chu engtikawng zawng pawhin sorkarin stock kan nei lo a ni pawn mimal atangin emaw khawi la atangin emaw silpaulin bandle 2/1 tal hi chu min ken tir thin tawh turin sorkar ka ngen zui duh bawh ani e. Sawi tur tam tak a awm ang a, chu chu ka bial bik kan sawi theih chu ni mai rawh se, ka lawm e.

**PU R. KHAWPUITHANGA :**

Pu Speaker, Kawnpui bial leh Kolasib bial MLA tena an chhiat tawh chungchangthu an han sawi khan pawh ka tih pui hle a. Ka tawrhpuh ani tih kha ka sawi hmasa duh a.

Demand No. 4 na ah hian kal nghal ila. Law & Judicial chungchangthuah hian thil lawmawm tak mai awmin ka hria a. Ka sawi chak deuh a. Mizo hnam dan hi buaipui chhung hi a rei tawh a. Kan peih thei dawn tawh lawm maw ni le ka inti deuh reng a. Term hmasaah pawh khan. Mahse, an zo hlei thei lova, tunah erawh chuan zawh alo ni ta a. Cabinet-in hei hi a pass tawh a. A hman mai theih turin siam a lo nita hi a lawmawm hlein ka hria a ni. Hei hi kan hnam tana ro pawimawh tak ani.

Tin, adawt lehah chuan Separation of Judiciary hi kan sorkarin a a han buatsaih leh ta pawh hi han hriat danin reilote chhungin hei pawh hi hman mai theih turin a kal dawn nitein kan han hria a. Notify mai theih turin pass alo ni tawh tihte kan ha hriatin hei pawh hi hmasawna ropui tak niin ka hria a. Tin, chubakah chuan Aizawl Law Collegeth Liandingpuia Law College te amalgamate an ni kha hei hi Law lam atan pawh a department tan pawh hmasawna ropui tak a ni a.

Amalgamation te hi thil har tak a ni a, chuvangin achievement ropui tak tak tur hnaivai ah hian pathum Law and Judicial hian an neiin ka hria a. Kan sawi hmasa duh a. Tin, dan lamah hian min kalpui dan hi a tha hlein ka hria a. Kan mithiam te pawhin dan lam zir hi a pawimawh ani, sorkar hnathawkte pawhin tih thlengin awareness min petute an ni a. Chu chu kan sawi duh ani.

Tin, Demand No. 30 naah hian kal leh ila. Hei, sawi ahlawh viau mai a, tunah khan kan ngaihthlak zawh chiah kha ani a. Relief & Rehabilitation hi a pawimawh ta hle mai a. Chhiat rup rup nate hi kan ramah a lo thleng a. Nikum lamah te pawh khan keini South II lamah pawh chhiatna ka tawh a. Leimin kan tuar nasa hle mai a. Dam vengah te, Mission vengah te, Mission vengthlang ah te, Tlangnuam ah te, Tlangnuam ah phei chuanin zanah In a chim a. Tahchuan a neitupa a boral nghe nghe a. Tin, a bul lawkah a karleh maiah In a kang leh a. Hengah hian kan Minister zahawm tak a lokal rang hle thin a. Tin, kan D.C. te an fakawm a. Tanpuina a rang thei ang berin an pe a, chutiang bawkin hmun hrang hrangah te pawh a ni a. Salem vengah lei tlahniam ah te, Aizawl hmun hrang hrangah te pawh a ni a. Chuvangin anni Department tereuhte mah nise tanpuitu hnai reng an ni a. Hei tuna hmabakah hian tih tur tam tak mai an la nei leh dawn niin a hriat a. Aizawl kan dinhmun kan hria a. Amaherawhchu, tan an lakna a zarah Central lam atangin crore 10.86 lai mai sum an sawichhuak a. Tanpuina alokal dawn a. Hei hi tunah hian hman mai theih turin an siam ani tihte kan han hria a. Chuvangin an tan laknaah hian a lawmawm hlein ka hria. Mahse, nuai 400 vel chauh mai budget-a kan nei erawh hi chu a tlem hle a. Non Plan a ni a, a harsa deuh viau pawh a ni maithei a, Department ah hian. Nimahselangin a tihdan dan hi a awm lawm ni le, heti lo deuh hianin, nuai 400 vel lek budget-a a lo awm hi a duhthawhawm hle a ni. Chuvangin tam zawk sorkarin a dah sak a nih loh pawhin Central lamah tun atanga hma lak tan, chhiat ka tawh tak tak hmate pawh hian a tul hlein ka hria a. Tin, kawng dang dangah lirnghing te, kangmei te le thil dang dangah inrinlawkna tur thilte, Disaster Management Committee Chief Secretary Chairmanship hnuaiah khatiangte din a nite hi lawmawm ka ti a. Kumin atan pawh hian hetiang thil harsa lo thleng pawh nise kan thlamuanpui sa ani tih kha ka sawi duh a.

Demand No. 42 na Transport hi kan sawi leh duh a. Hei kan hriat angin Inter State Bus terminal sum leh pai tam deuh mai senna tur Chaltlangah an din mup mup mai a. Mi ramah te, State dangah te ka hria a, Bus terminal ropui tak takte an nei a. Mizoramah erawh chuan chutiang hmuh tur ka la nei lova, kan neih chhunte a la te tham a. Chuvangin lian tham tak mai tunah hian an han buatsaih a, cheng nuai 900

ah 30% vel nuai 225 senna tur an ta nei leh an thawk mek hi a lawmawm hle a. Hei hi Aizawl hmar lam atan chuan a ni ang a. Tichuan, Aizawl chhim lamah pawh siam an la tum zel niawmtein kan han hria a. Transport Department hmalakna hi a lawmawm hlein ka hria a. Tin, financial management lamah hian tan an la nasa hle mai bawk a. Nikumah leiba crore 1.97 lai an nei a. Mahse, tan an la a thil an leina tur chungchangthuah te pawh fimkhur takin an kalpui a. Tichuan, kum tawpah chuan an leiba kha an rul fai vek ani. Tunah hi chuan leiba nei lovin an awm a. Budget leh turah hi chuan zero base-in an kal thei dawn a. Hetah hian a fakawm hle a. Department dangte pawhin a entawn ve hial pawh a tha hlein ka hria a.

Tuna ka han sawi changtupa chan dangah hian kal leh lawk ka duh a, Demand No. 34 na ah hian. Hei kan ram enkawl dante leh ran kan talh dante pawh hi a thianghlim tawk lo hle mai a. Khawpui chhunga ran talh hrim hrim hian thote a ko tam a. A tlantu hi kan tam a. Mihring leh mihring lote pawhin kan tlan a. Boruak a thianghlim thei lo bawk a. Chumi kawngah chuan hma an la mek a. Slaughter House tur hi nikum lamah an zawng nasa hlein ka hria. Kum hmasa lamahte pawh an zawng a. Tunah erawhchuan, a sanction pawh sum tam tawk tak an hmu a. Chutiang chuan Bung Bangla bulah Slaughter House kan lo nei dawn ta ani a. Engti ang takin nge hma an lak zel dan tur hre lo mah ila, khawpui chhunga khawlaia ran talh ang chite, boruak thianghlim lo thlen tir theitu kan lui ti khawlo thei tute hengte pawh hi an seng hawi dawn ni awm te pawhin ka hria a. Mahse, engchen nge khatah khan ni ang, bawng chauh nge ni an talh dawn a, vawk nen nge ka hre lova. Engpawh nisela, hei hi a tawk lo a nih pawhin hmun dang dangah te pawh ran tenau zawkte talhna hmun tur pawh kha an la buaipui zel turah ka ngai a. Chuti anih loh chuan hmun thenkhat khatah te pawh kei ka bialah Salem vengah te pawh kluan tui hnar lam hmun thenkhatah te an han talh a, a thlang lama In tan chuan awm harsa khawpin a rimchhia a. Thal laiah chuan a lo thianghlim seng lo a, Fur laia tlengfai ang kha atlengfai theih lova. Chu chu a nih avangin hemi kawngah hianin tan la zel turin ka han chah duh a ni.

Tin, MIP te kha sawive ila, Demand 31 naah khanin MIP kan kalpui dan hi a chak tawk lo duhthusam awm lo hlein ka hria a. Hetah hian tan an la viau pawhin ka hria a. Tin, a lak dan chungchangah khanin Party induhsakna a tih kha a lo awm a, Party dangte MNF ten an lo sawm thin a nih chuan sawm tawh lo sela, a tha hlein ka hria a. Chuti tehchiamin sawm an mamawh pawhin ka hre lova. Tin, chu loa a sawitute pawh kha inen ve pawh a tha viauin ka hria. VCP ka ni laiin Tlangnuamah khian 1993 bawr vel kha a niin ka hria a. NLUP an sem lai

khan anmahni rulling party mi kha 25 a fai thahin an insem a, midang pakhatmah an tel lo. Additional a lokal leh a, 13 an lak zingah khanin 12 kha anmahni mi leh sa chiah kha ani a. Mi pakhat official-in an rawn telh ve a. Chu chu an hek zui a. 1<sup>st</sup> Installment ala a, 2<sup>nd</sup> Installment la lo turin an Unit te kha an hek tir a ni, amaherawhchu, official lamin em ema an ti a, a kaltlang zui ta a. Chuvang chuan mahni lam hi kan in en ve a ngai fo ani.

Tin, Horticulture lamah hian kan Minister zahawm tak a changtu hianin tan a la nasa hle a. Thil hlui pangngaiyah ringawt chuan Agriculture leh Horticulture ah hian ei intodelhna tak tak tha hi a awm tawk lo bawk a. Research an beih nasa a, hmun hrang hrangah te an kal a, Papaya te leh Steevya, Free sugar plant ang chi te pawh hi chin turin ruahmanna an han siam thar te hi a tha hlein ka hria. Assam phai ramah te pawh khuan sum tam tak tak luhnan an lo hmang tawh a. Tin, heng a hralh nalai tur marketing ah Company te nen agreement te pawh an lo siam fel tawh bawk a. Hma lakna ropui tak niin ka hria. Serthlum tam tihreh lamah hi chuan a tihngaihna an hre ngang lovah ka ngai a. Khawthlang lamah a tam zo va, Aizawl velah hi chuan tam lo ala tam hle a. A tam tihreh dan hi India ramah hian kan hre lo anih pawhin Israel mithiam emaw khawchhak mithiam emaw te rawih dan kawng a awm em? Serthlum tam hi kan tihreh phawt chuan Mizoramah a aia tha hi aawmin ka hre lova. A marketing lah chu a awlsam si a, a tui bawk si. Chuvangin, hei hi chu nasa lehzualin tan la se. Mithiam thenkhatin 'a tam a nilo' tih ngaihdan an nei a. Amaherawhchu, a tam anih loh chuan a eitu a hmuh theih baw si loh va. Kei pawhin ka huanah henglai Mithiamte kan han hruaia a ngaihna kha an hre vak tlat lo a ni. Chu chu a nih avangin Pu Speaker, han sawi tur ka la nei nual naa khalai, a Serthlum bikah khan tawk sela tih hi kan ngen duh a. A tlangpuithuin kan Demand te hi lo kal tawh zawng zawngah duhthusam ni vek lo mahsela, a tha tawk hle a. Pass turin ka han ngenpui ani e, ka lawm e.

**S P E A K E R**

: Minute 10 chiah chiah a awm a. Pakhat sawm leh ila. Pu H. Liansailova i lo sawm ang u.

**P U H. LIANSAILOVA**

: Pu Speaker, ka lawm e. Vawiina kan Minister te Demand hrang hrang kan han ngaihtuah hovah hian tlem tlem sawitur ka neih ve te ka'n sawichhuak anga.

Demand No. 30 naah khan Relief & Rehabilitation ah khanin kan hriat theuh angin leh kan ngaihtlak tawh angin leimin buaipui hun a lo hnai leh ta mai a. Keini bial saw aawih chhengchhe lai a tam bawk a, nikum pawh khanin kan va pur nasa viau mai a. Sawmi Bawngkawn Hmar Veng leh Ramhlun Vengthar leh Sport Complex velah ngawt pawh sawnin Silpaulin saw 300 dawn kan hmangin ka hria a. A then chu mimala an lo lak ve te pawh a ni a. A Department leh kan Minister chungaw pawh lawmthu kan han sawi a. Kuminah pawh hian hei Thallai a ni nachungin a lo khi deuh leh hlauhthawn awm lai rawn sawi an awm neuh neuh taw mai a. Chuvang chuan, hei kan mamawh tur a hriatsa mai a. Helamah hianin kan hotute pawhin hma min lo lak sak rang tuirin kan beisei a. Tin, hemi a mamawh thu han thlen thuah hianin D.C. lam atangin arrangement an siam tha hlein ka hria a. Officer, a bialtu bik a rawn siam a kan veng mi a lo ni kher kher bawk a. Engemaw rikrum thilah pawh ka tlankhalh hman lo te pawh a nih chang a awm fo mai a, a tihzia hlein ka hria a. Tin, a hmuna han en ngei leh a keimah pawhina ka ziak sak ngei ka fimkhur bawk a, a tehchiah chiah a an mamawh tur ang chiah chiah han ti ka ni bawk a, min tihlawhchham ngai lova ka lawm khawp mai a. Chutih karah chuanin engemaw hotute lam atanga lehkha lokal leh lo ziak sa hi a awm nual a, khang kha fimkhur a ngai awm hlein ka hria a. keimah ngei pawhin min hriatsual palh nge ni, Silplaulin i lei duh em? te min ti a, chulaia an han dil chhuah nuai 200/300 a han ni mai tur min rawn zawrh ve ti ti deuh mai a. Chuvang chuan kan hotute tupawh hianin ziak sa thuah hian fimkhur deuh chu a thain ka hria a. Khalai kha ka sawi duh a.

Tin, Animal Husbandry-ah khanin hei kan hotuten an sawi tawh a Piggery Village thil thar hmalak naah khan a hlawhchhama, sawitheih tak ani a. Kan sum sen te han ngaihtuah chuan, amaherawhchu, heti zat kan lo sen tawhah hi chuan kalsan tur ni lovah kan ngai a. An harsatnate, a programme fail chhan te kan hotute hian bih Chiang leh zual sela tihlawhtlin ngei dan tur kawng pawh a awmin ka ring a, chutah chuanin animal feed ah hian lei leh Department lam atanga pek ngawt ni lo, anmahni ina an china an hman theih tur heng Pangbal te, Kawlbahra te anmahni ramah an chin chuan chung atang chuanin a leia lei ngai chi, a feed a hi 50 - 60 % in a tih tlakhniam theihin ka hria a. Kei pawhin ka lo experience ve nual a. Tin, a lo ti tawh thin te nena kan sawi hova an tih lai ngei kava hmuh atangin Pangbal pheichu a hnah a tha a, a bul a tha bawk a. An phorova, chutiang chuanin mimal lo ti tawh hnen atanga ka zirna ah chuan 25% chauh hi a feed tak tak lei nan an hmanga a ti a. Vawk 40/50 mi malin a vulh theih a ni.

Tin, hei Law & Judicial lam Demand No. 4 naah khan han tla thla daih ila, hei Separation of Judiciary kan kalpui dawn niin a lang a, a lawmawm hlein a lang a. Hetih laiah hian kan Mizoram Judicial Service rules hi engnge ni ka hrechiah tawh lova, draft mek niin, amaherawhchu, tunhnaia kan hriat danin 25% hi Schedule Tribe tana Reservation awm angin sawi ani a. Tin, tun hmaa kan lo neih thin Mizo tawnga upto Middle School standard kha essential qualification a dah thin a kha awm dawn ta lo nia hriatna ka nei bawk a. Ka hriatna source arintlak ah ka ngaih avangin he lai chu kan hotuten in lo en fimkhur leh chu angaiawm mang e, 25% Schedule Tribe tana dah a ni chuan a dang zawng chu General tan a ni a. Keini Schedule Tribe chu competition-ah top-top ten-ah pawh tling mah ilangin ka quota a bawk khan bel tur kan ni a. Heiai hi kan hnam pumpui tana la thalo thei hlauhawm a awm thei a ni tih kan sawilang duh a ni.

Tin, Agriculture ah hianin MIP lam kha sawi tur tam tak a awm ang a, kan hotute sawi kha han ring titih tawh mai ila, amaherawhchu, NLUP pawh a ni a, MIP pawh hi a ni a. Sorkar programme anih tawh hnu hian, Party programme angin kan kalpuiin kan inngaihsak hi kan hlawhchhamna pakhat niin ka hria a. Chuvang chuan, tuna ka hotute thusawi tawh zawng zawngah leh kan lokal tawh atangin MIP hi sorkar programme a ni a, Party programme ani lo tih a hi tunah hi chuan kan kal dan turah kan ngai a. Chutihrual chuan siamthat leh tihchak angaihna laia hi chu tam tak a awm a. Kan hotuten a quideline te pawh ka ennawn dawn an ti a. Tuna kan kalphung pangngai a hi chu Party programme angin kan kalpuia kan inngaihsak a, chutah chuan kan inchuh a kan intheh vel niin ka hria a. A dawngtute lamah pawh hlawhtlin tumna sincerity a awm lova, tin, a department a a implement-tute tak tanah pawh harsatna a awm a ni. Chulai chu, kan sawilang mai duh a, thil tam tak sawitur a awm ang a.

Tin, helaiah hian Animal Husbandry nen khan ha sawi kawp hlek ila, Foders production khulaiiah Tanhrilah a khawl kan han bun a a tha hle mai a ni. Amaherawhchu, a hlawhchhamna chhan chu a raw-material awm loh vang kha ani, Chu chu Vaimim a ni leh mai a. Agriculture nen hian in tide-up sela chu, hei Vaimim chi ringawt pawh nikum hmasa lamahte quintal sangtel an lei a ni a. Khatianga kha achinna ngei tur hmunah MIP hmangin emaw eng scheme hmangin emaw khami ka khawl hrikna tur khanin a buaipui bik authority deuh siamin a market thleng pawhin buaipui ta ila chu, hlawhtlinna hi chu a awm chho main ka ring a. Chulam hawi zawng deuhte hian kan hotute hian ngaihtuahna lo hmang ta sela, hei kumin ah pawh kan budget ka en a. Agriculture lamah hian Transport subsidy tur pawhin 14 lakhs lai a awm a, chungte nena tangkawp chuan hma tha takin a lak theih dan a awm lawm ni kan hotuten kawng lo zawng se, tih kan duh a.

Tin, chu lolehah chuanin, hei Co-operation ah hia MIZOFED hi han la hmasa ngawt thin ila, ka lo awm tawhna ani mai bakah a pawimawhna hi hmuin ka inhria a. Tin, sawlaia kan thawktute sincerity saw kei rin ngamah ka ngai a. Tunah hian hma an lo sawn tawh viau mai a, nikum lam kan sawi laite nena han khaikhin chuan engeni an dinhmun diktak hi tiin ...a. tunah tak hi chuan thla khatah nuaithum, nuaili kan hlep hi chu a ni tawh an ti a, chuvang chuan, han puih leh hlek a, anmahni pawh intuamhlawm thei leh tangkai zawka hnathawk thei an ni a. Chuvang chuanin, Apex Bank-ah Credit accomodation zau zawk pek ni se, kan sorkar hianin grand-in-aid management subsidy lam zawngte pawhin liantham deuhva han puih nisela, tin, anmahni ho pawh an lo tang hle mai a. Disiplinary action lak-a engemaw thil tvisual zawng ang pawha hnathawk deuh kha chu warning te an lo inpe a, na taka kalpui an lo intum a. Chuvang chuan, helai hi kan hotuten lo chhinchhiah leh zual sela, thain ka hria a.

Tin, Sports & Youth Services ah hian hei infrastructure atanah kuminah sum kan nei dawn a ni tih kan budget speech ah pawh khan kan hmu a. Keini saw Ramhlun Sports Complex N-II biala awm a ni a. Chuvang chuan kan Sport Minister pawhin min lo chhinchhiah sak sela, kan hmabak thawh tura saw chu tuna sum awm hmasa ah hian kumin chhungah hian zawh ngei ni selangin, tin, tunah sawn mamawh zual tak mai a kan sawilai a hmangtuten an hriat leh a veng miten an hriat chu a In saw sawti sawn aawm rup deuh tawh a, Electric Connection saw a la aw lova, chuvang chuan tunlai thilah chuan kan nula tlangvalte pawhin engemaw thil thalo tihna remchangah pawh hman theih niin a lang a. Chuvang chuanin, a theih hram phei chuanin hemi LAD lam atanga high mass (light lian ang) chi te pawh hi hunna ruahmanna rawn siam tawh nise langin a tha hlein ka hria a, chu chu kan Sports Minister leh kan LAD Minister pawh hemi Sports & Youth Services chungchang sawina remchangah hian kan ngen nghal a ni.

Awle, sawitur a tam a, kan duhtawk tawh mai ang a, niminah kha kan pel deuh tawh bawk si a, ka lawm e.

**S P E A K E R**

A lawmawm e, chawhma lam a kan hun chu kan lo hmang zo ta rih a, kan chawl ang a, Dar 2:00 P.M. ah hian kan thukhawm leh dawn nia. Chawl rih ang.



2:00 P.M.

**DEPUTY SPEAKER** : Awle, kan business kan tan leh tawh ang a. Tunge bul han tan ang. Pu H. Vanlalthaliana i lo sawm ang.

**PU H. VANLALTHALIANA** : Pu Deputy Speaker, ka lawm e. Vawiin-niah hian kan Minister zahawm tak tak pali te Demand kan sawi ho a ni a. Pu C.Rokhuma tawngkam han hawh ila, American sipai number chhiar danin a tinung lam atangin a tih ang deuhin kan Minister zahawm tak Pu Ropuia Demand atang hian han tan mai ila thain ka hria a.

Demand No. 22 na, Sports & Youth Services Department ah hian han lut ila. Tukin Vanglaini kan chhiar a, India Football Captain Bhaichung Bhutia Mizoram a rawn tlawh chungchang leh a ni ina Mizoramin India ramah kum 5 (nga) hnuah Football-ah ro a rel ang tih a comment-na kan hmuh hian kan thalaite leh Mizoram infiamna ngaina tute tan challenge ropui tak niin ka hria a. Kan vaia kan hriat tlan angin Mizoram chhungah infiamna hmanrua kan tlachham em em a. Football te leh games dang dangte pawh khelmual hmun tha kan neih loh avangin sorkar hmalakna leh mipui tawiawm thatna a nih ka ring a, hei kum 4/5 chhungin Mizoramin India ramah Footballer tha deuh deuh kan han thawchhuak thei leh eizawna tlak a hma sawna kan han tawng hi ropui hlein ka hria a. India rama football thiam bera kan ngaihin Mizoram chhunga beiseina an nei ta mai hian sorkar hmalaknain awmzia a nei tih a tarlangin ka hria a. Khawvel hmun zau zawk te kan thlir chuan infiamna hi eizawna tlak anihzia alang em emin ka hria a. Infiamna atangin miropui tak tak an chhuak a. Thangtharte nun hruaitu tha pui puite pawh an chhuakin ka hria a. Infiam mi ni tur hian discipline tha mahni inthunun thei nih te a ngai a. Hei Mizoram NGO lianber YMA ten drug dona kumah te an han puang a. Hetih laih pawh hian hmanraw thabera ka ngaih chu Sport, infiamna hi a ni a. Hman kum Lawngtlaia YMA (YLA) President ka nih lain tournament kan nei dawn a. Tahchuan thlakhat hun kan la neih lai khan tun tournament a khel ve tur chuan tunthla chhung chuan meizial zu thin pawn an zu tur ani lo, damdawi ti thin pawn an ti tur ani lo, chutiang ti chu pakhatmah kan khelh tir lovang kan ti a. Chutianga khawng deuh mai a kan han kalpui chuan infiamnaa tui ho khatianga ti thin kha an insum vek thei a ni. Chutiang kawngte ka ngaihtuah chuan Sport hi kan thalai te nun kaihbruaite pawimawh tak niin ka hria a. Thalai ten tui tak mai a an

games duh zawng, an sport discipline duhzawng an tih theihna a nih chuan an phak tawka theih tawpa in control pawh an duh a ni. Amaherawhchu, sum leh paite ka neih loh avangin, khelmual tha te kan nei lo em em a. Chutiang hria chuan sorkarin tunah hian bul atan a, theihtawpin tan a la a. Tunthla ni 11 khan Lawngtlai ah ka va pheii a, Lunglei thlen dawn Zobawk bulah sawn, Tlawng hnar chiah saw zau em emin an lo lai a, hei hi eng atan nge intih inva lai nasa ve tiin ka zawt a. Lunglei District Sports Complex tur anih hi an ti a, a phurawm hlein ka hria a. Chawlhkar tawp apianga T.V. ka thlir ve hian, football khel hi ka thlir ve thin a. Inrinni leh Sunday tlai T.V. chu ka ta a ni a, hundang chu in thu thu ni rawh se tiin ka chhungte hi ka hrih thin a. Chutianga tui taka infiamna ka lo thlir lai a Sports hmanrua tur khelmual tha tak Sports Department-in an han buatsaih hi ropui hlein ka hria a. Lawngtlai ka va thleng pheii a, sorkar hmasa khan a field hi chu min lahsak vek a, a levelling te atha lo em em a, lungte a tam a ka awmna atanga kan thlir thla kha engemaw tiin mual kha alo ti teuh mai a, engngatinge khutia mual khu intih le tiin ka han zawt a. Tahchuan mual saw a levelling arual loh avangin levelling an bei mek anih khu an ti a. Min ti phur em em mai a. Sorkarin thalaite mamawh leh eizawna kawnga sport hmantlak a ni theihna tura hma an lakna kha ropui ka ti a. Thangtharte tan thalaite tan chona ropui tak hunawl hmanthatna pawimawh tak tur kha sorkarin a buatsaih niin ka hria a, ropui ka ti tak tak a. Sorkar hian helamah hian ngaihtuahna a seng a. Nichina Saitual bialtu zahawm takin a sawi tak ang khan. Nikum ai chuan sorkarin Sport te ah, infrastructure ah sum leh pai pawh a dah tam a ni. Heng zawng zawngah hian Mizoram sorkar leh achangtu. Minister zahawm tak hian Mizoram mamawh leh thalaite mamawh ngaihtuahin hma a la ani tih kha alang hlein ka hria a, ropui ka ti a. Chak leh zuala hma an lak theihna tura kan theihna kawng theuhva kan fin chhuaha kan dawmkan pawh a tulin ka hria a ni.

Kan thalai tam tak drug a an tlukluhna chhan pawh hi an tihtur hre lo, hun thawl awm si lo hi pakhat niin ka hria a. Chutiang atan pawh chuan hmanraw tha Sports hi anih ka beisei a ni.

Demand dangah han lut chho ila, Tourism hi hei I.L.P neilo tan a tlawh theih loh State kan ni a. Kan ram leh hnain himna tura kan duh vang a ni a. Amaherawhchu, khawvel kalzelah pawnsam khualzin miten Mizoram an tlawh tam hi ka sum leh pai dinhmun en hian a tul chho telh telh dawn niin a lang a. Hemi hawizawnga sorkarin a ke a pen chhoh a, tan a lak pawh a tulin ka hria a. Chutiang tur chuan Tourist Lodge chi hrang hrangte, Wayside Restaurant te an buatsaih chho hi sorkarin kan hmalam hun kalzel tur atana inbuatsaihna tha, remruatna tha a neihzia pawh atilangin ka hria a. Chak lehzuala Tourism Industry-a hma kan

sawn theihna tura ke a pen chhoh deuh deuh pawh ka beisei a. Vawiinnia kan thlen chin-ah pawh hian a lungawi thlak hlein ka hria a. Sum leh pai kan neih tam loh avangin hmun pawimawh leh tul tam tak ti thei lo mahsela kan mamawhna leh a tulna hriain theihtawpin sorkarin tan ala niin ka hria a, lawmawm ka ti takzet a ni.

Labour & Employment Department

Demand No. 28-naah hian. Nikumah Public Accounts Committee kan thut khan, Employment Exchange, District-te tana hawn theihna tur Central ina kum 2001 a census an en khan India hmarchhakah piangsual tamna State kan lo ni reng mai a. Chutiangte dinhmun ngaihtuaha employment an lo neihve theihna tura hmalakna atan a sum leh pai min pekte pawh awmze nei takin sorkarin hma a la niin ka hria a. Kuttualleichham, piangsualte, pawhina eizawna an lo neih ve theihna tur pawhin sorkarin tan a la a. Helam kawnga sorkar hmalakna hi fakawm hlein ka hria a, a theih chen chenah, mahni chakna ringawt a eizawng thei lo te tan pawh kawng a buatsaihin ka hria a, lawmawm ka ti a ni.

Tin, demand no. 41 na, No. 31, 32 tih leh 34 angte hi Mizoramin tunhma development ka hriat hma pawha kan phak tawka ei kan zawn thiam ve na Horti te, Agriculture te, A.H. & Vety. te leh Sericulture hi chu tunhmaa ka hriat loh tlai khawhnua kan hriat a ni a. Hengah te hian sorkarin tan a la a, Sericulture hi tlema han luhtuk deuh ka duh a. A chhan chu Chhimtuipui District tan Vaibelchhe 51, Sericulture hmanga eizawna sorkarin special programme min duan sak a, kan thawk mek a. Mipui te pawh an phurin tuna kan lo neihdan thlakna tur atana scheme tha tak pawh niin ka hria a ni. Amaherawhchu, tlema thil buaithlak deuh pakhat awm chu kan House Leader zahawm takin a sawi tak ang khan sum kan mamawh hunah central ina guideline ang thlap thlapa a tih kha lo thlen loh hun a awm thin a ni. Chutiangah chuan a thawktute thildang kalsana theihtawpa hma han latu tanah khan beidawna a awm deuh thin a. Helaiah hian a department pawh tan a lak deuh tulin ka hria a.

Sericulture hi hei, Mulberry, a thing hi engtikawng maha tam ve ngai lo, chheve mai lo a nih avang hian leh a pangngang ni se thlakhat chhunga puitling thei vek a nih avangin. Tin, a market hei Assam-ah khuan a processing-na tha tak mai a awm a, a market pakhatmah a harsa lova. Sorkarin chak deuhva a bawhzui chuan Mizoram eizawna tlak tling tur niin ka hria a. Kut hnathawktute thawh thiam zawng tak, harsa lo taka awmhmuna an tih theih tur nisa leh ruahsur pumpelha an thawh theihna tur hmun niin ka hria a, sorkarin hma alak chak lehzual pawh tulin ka hria a, a hmunah harsatna ka neihte min ensak a, tuna hmalakna ropui taa hi Mizoram mipuite tan thil tangkai niin ka hria a.

Food & Civil Supplies Department hi han sawi leh hlek ka duh a. 1998 Assembly Election lai khan campaign-naah Congress an lal loh chuan engtingge vaibuh eitur kan neih theih ang, party dang Mizoramah lal ngamna a ni hleinem tih kha ka rilruah hian a cham reng mai a. Kan opposition Leader zahawm tak pawh khan vai buh ring vek kanni a ti a. Chutihlai chuan thingtlang kilkhawrah vaibuh thleng thalo atam em em a ni. Hmanni Lawngrlai ka kal chuan Godown atang khan ka han chhiar a Truck 17 a ding a, tuifur a lo thlena thingtlang kilkhawr zawk ten buhfai eitur annneih theih nana a buatsaihna kha a ropuiin ka hria a. Tunhma Congress hunlai chauha buhfai hnianghnar tura kan ngaihna thin kha, mipui mamawh dang tamtak Party dangin ngaihsaklo anga ngaihna kha vawiinniah chuan a tak takin helamah pawh sorkarin ke a pen a. Department hrang hrangah tan a la a ni tih kha a tarlangin ka hria a, ropui hlein ka hria a, Store-Keeper engemaw zat ka kawm a, kan Godown ah chuan akhat deuh vek a sin, tun maiah hian sawn mai theih pawh kan ni lo te an ti a ni. Hetiang kawnga sorkar inbuatsaihna hi ropui hlein ka hria a, mipui mamawh thingtlang mite hmun kilkhawr zawk ami te tana sorkar inbuatsaihna kha lawmawm ka ti a. A thlamuan thlak pawh ka ti a ni. Ka duh tawk mai ang e, Pu Deputy Speaker, ka lawm e.

**DEPUTY SPEAKER** : Pu Andrew Lalherliana ilo sawm ang.

**PU ANDREW LALHERLIANA** : Pu Deputy Speaker, ka lawm e. Hei vawijn hian Demand sawi tur hi kan ngah nasa mai a. Minister 4 te an Demand Department 13 kan sawi dawn a, 10 minutes kan nei a, a mangan thlak dawn hle mai a. Engpawh nise hun tawite ah hian cover hman dawn lo tih chiang sa mah ila, tlem a zawng Department pahnih khat kan sawi hman chuan kan duhtawk mai a ngai dawn niin a lang a.

Agriculture atang hian han tan chho dawn ila. Tun kuma kan Agriculture Department Demand No. 31 na hemi a sum leh pai awm crore 57 leh nuai 57 hi a tam tham hle mai a, alawmawm a, amaherawhchu, Agriculture Department hian sum a hman tam thin tehlul nen Intodelhna lamah hian kan intodelh ta lo mah mah ni hian tun dinhmunah hian a lang ta mai niin a lang a. Tan lak angai a ni tih hi a lang

chiang em em a ni. Hmalak dan tur hi engitnge an kalpui dawn aw tih hi kan en a, kan Chief Minister thusawi ngei kha han en ila, nikum lampang a sawi daih mai a, amaherawhchu, tun kum pawh cover ve turah ngai mai ila, sawi thiam a har dawn a ni. Chidambarama'n India ram Union Budget Speech a sawi khan, tun kuma a kalpui dan tur zawng zawng asawi vek a. Kan Chief Minister ve thung chuan nikum a a lo tih tawh lampang vek a sawi avang hian hei hi chhunzawm thei turah ngai mai ila a tha ang e, nikumah khan Agriculture hmalakna kan Chief Minister-in a sawi khan a ngaih pawimawh ber chu Food granin buh leh vegetable crops a hun tawite chhunga intodelh hi a ni, a hmasaberah hian. Chumi atan chuan wet rice cultivation tih zauhna tura Bulldozer tam thei ang ber hman a "hire" a tichuan tlangram ruahsur lai deuhte chu nawr zawl belh a WRC tihzauh kha ngaih pawimawh ber a ni a, achievement pawh tlem a sawi a ni. Hei hi hmalak chhohna turah ngaiin helaijah hian akal dan turah hian tlem a zawng advise ang reng deuha han sawi ve ka duh a. Khatiang zawnga hmalakna kha thil tha tak a ni. Tin, compact area hian la selangin hmun hrang hrangah tlem te te ti duat lovin compact area a lak theih dan tur hi la se, chumi atan chuan entirnan han sawi ta ila, Khawzawl te, Chawngtlai te Khawhai te leh Chalrang te leh New Chalrang te nena an intawm theih tur Phaisen khi, khi khi development potential area deuh mai a ni a, chutah chuan khilai Phaisenah khian siam hmin tawh 115 hectre chuan g a awm a, tahchuan han siam belh a han nawr zawl belh khan hectre 230 chuang awlsam taka siam belh theihin hectre 300 thleng siam theihna tur hmun a awm a ni. Chu chu khawlian tak tak intawm a ni a, tahchuan an mamawh em em mai link road pawh kha asiam theih nghal dawn a. Dilkhan - Phaisen truck-in a luh a engkim phurh luha phurh chhuah theihna tur kawng Agriculture Link Road a ni a, lo khawih sil tawh a chumi link road atan chuan Rs. 80,000/- chuang Culvert atan pawh hman a ni a. Hei hi bawhzui a, tun kum atan chuan he Agriculture hmalakna hi a hlawhtling ang tih ka ring tlat a, tin, khilai bial mi khian tih tak takin an chhawr dawn a. 115 hectre atanga 300 chuang chho chu Mizoram sorkar tan chuan hmalakna ropui tur tak ani. Nikumah khan 29 hectre an siam belh pawh kha ropui taka helaijah tarlan hi a ni a. Khilai hmun nen chuan hectre za chuang fe in tihbelh theih tur an tih kha kan hriat tir duh a ni kan hotu te hi.

Tin, Agriculture ah hian kan sawiturah chuan ahmalakna ropui ber tura kan ngaih chu MIP hi ani lo thei lova, MIP hi aintan danah chuan MNF Party in Manifesto ah hmangin chhungkaw tin tan Rs. 5000/- kan pe ang a, intodelhna kan kalpui ang tih kha an bul tanna a ni. Tahchuan he sorkarin bul a han tan chhoh khan, hma a rawn la chho nasa viauva, amaherawhchu, an kalpui chhoh danah hianin duhthu a sam ta lo hle a, Rs. 5000/- beneficiary tena sem tur tih kha vawiinniah hian

Rs. 1000/- theuh pawh a sem theih a ni ta lo hi a tira lo beiseitu ta chuan a beidawnthlak hle theiin ka ring a. Tunah hian kan Chief Minister thusawiah khan han en ta ilar, Item pakhata lo langah khan additional Central assistance 181.43 core sum hmuh tur atang hian MIP atan hian 24 crore hi earmark leh a ni tih pawh chiang takin a sawi a. Tahchuan a kalpui chhoh dan turah hian engtingge tih hi abangbo ta em emin a lang a ni. A chhan chu kan lo ngaihven ber sorkarin a hmalakna lian ber anih avang hia engtingge a kalpui dawn tiin MLA te paw'n zawhna kan lo siam nasa viau a ni. Tun thawhtanniah khanin kan Member zahawm tak Pu Rohluna Starred Question 43 na han en chuan MIP 3<sup>rd</sup> phase ah hian khami a beneficiary te hnenah hian sum sem tur engzatnge la awm engtingge an san dawn tih zawhna chhannaah chuan a tawi zawngin. Tunhman anga pawisa faia sem a ni dawn tawh lo tih a sawi ta a, tunah hian singkhat pawh an la sem theih hma hian pawisa sem hi atawp dawn ani tih a lang chiang em em a. Tin, MIP hi hmalakna pui ber anga lang hi kan sorkar hian hmalakna minor deuhah a ngai ta em ni tih theih turin zawhna atang hian a lo lang leh a. Kan Member zahawm tak Pu Lalduhoma a zawhna Starred Question No. 57 he House a tun thawhtanni a zawhah khan MIP beneficiary te chungchangthuah khan engtingge hma a lak dawn a, anni hi tlangram lo neih phalsak anni ve em tih ah khan he MIP hian tlangram lo neih hi engmah a dal lova, an duh chuan an ti ve thei ang a ti a, a awmzia takah chuan tlangram lo neih bawka MIP bawhzui bawk si tihkawp theih a nih chua eizawna bul ber atana hman tur a ni tih kha alang ta lo tlat mai a, hei hi pawia ka tih avangin MIP hi ka hmalakna lian ber tura kan ngai anih anga a tir atanga kan propogate anih avang kha tih tak zet hian sorkar hian kalpui se ka duh a ni. Pu Speaker, hemi atan hian hmalakna fel a pawimawh, chu hmalakna atan chuan engtingge kan tih ang. Ram neihtur fel tak bithliah a thlai chin tur thatak market awm ngei kawhhamuh a chumi chu chin tira a hralhna tur lama lo ruahmansak hi sorkar hian a ngai a ni. Market a awm loh avanga buai thin kan nih avang hian, market awmtur ngei chin tir a, an chin a an thar hunah pawh sorkar in market facilitate-a an thar chu man man taka an hralh theih turin sorkar hian a kalpui a ngaiin ka hria a.

Tin, Horticulture ah hian kan kal leh zung zung ang a, kan bialah bawk khian Horticulture hmalaknaah hian plan tha tak awm si hi plan angin a kalpui lo ni hian a lang tlat mai a. Horticulture hian tun kumah hian Vaibelchhe sawm pahnih chuang sem a nei ani. Technology Mission hmuaiah hian sum leh pai hi an ngah hle niin a lang a. Ka bialah khian Dulte ah Balhla chinna te an siam a, Khawzawl leh Chawngtlai ah Sapthei chinna turin scheme an siam a ni. Khimi scheme an siam danah khian a puitling zawng hian an bawhzui lo niin a lang tlat mai a, mipuite beneficiary te kha engmah guidelines pe lovin ching

rawh u kan rawn endik ang a, a tul angin thil kan pe ang che u an ti a, an chin tir a, an duh ang ang khan, tahchuan kan endik an ti a, an endiknaah khan atanpuina an pek kha, athawktu ten a hmuna an thawhdan nen a commensurate lo khan thirzai a n pek danah te leh thil dang an pek danah reng reng khan a in hleih neih, zungin a kal ta a, Khawzawlah phei chuan YMA a puna, YMA khan min enpui ula min monitor pui ula min verify pui rawh u an ti a, tahchuan a chingtu tura te kha thingbuk hnuai ah an ching tur a ni an ti a, thingbuk hnuai ching ho zawng zawng khi engmah lak tlak lohin a chhuak a, kangvara ching ho khi apuitling ho te an ni leh si a, tahchuan YMA in an han verify ah khan an lungawi leh silova. Sum leh pai pek danah pawh ani lo ang zawnga an pek avangin YMA Monitoring agent a an hman pawh kha anin "withdraw" tawp ani. Pu Deputy Speaker, chuvangin an kalpui danah hian fello taka kalpui a ni a, pawh hlein ka hria a. Chuvang chuanin an hmalakna tur hi abik takin MLA te bialtu te hi confidence min lakpui selangin chu chu thataka an kalpui theih dan tur niin ka hria. Chuvang chuanin an hmalakna tur hi abik tkain MLA te bialtu te hi confidence min lakpui selangin chu chu thataka an kalpui theih dan tur niin ka hria. Scheme leh Plan ruahmanna te a monitoring ah te engkimah hianin confidence ah min lakpui selang chuan Pu Deputy Speaker, a hlawhtlinna thlengin mawh kan phurh pui ang a, tichuan hetiana kan Horticulture te an department Mizoram kan mamawh ngawih ngawih te pawh hi an scheme leh an Plan reng reng hi hlawhtling takin ka bawhzui pui thei ang tih hi ka sawi duh a ni. Pu Deputy Speaker, tawite kan sawi leh lawk ang a. (DEPUTY SPEAKER : Ngawi rawh kan duhsak che a, i pel thui viau tawh a ni a, ti tawh lo mai rawh).

Pu Deputy Speaker, sentence hnih chiah Nikumah khan rial tlak avangin ka bialah chhiatna hmunhnihah a awm a ni. Khami tanpuina kha la pek loh an tam em em mai a ni. Khing khi kan Minister in-charge hian khawngaih takin vawiinni thlenga la pek loh In leh lo la din theilo te khi kha rial tla tuarte kha tun tumah hian a pe leh thei angem tih kha ka zawt duh a. Khawngaih takin a la pek bangte khi pe se, Relief & Rehabilitation Department hian thatakin ka bialah khian hna an thawk ani mai lawm ni?

**PU S. HIATO**

: Pu Deputy Speaker, ka lawm e. Hei i veilama thute hian rilru hahpui em emin Budget hi kan lo ngaihtuah ve thin a. khawilai hi nge mipui te hamthatna tur ni ang? tiin rilru kan lo hmang ve thin a. Mahse, session hnunung bera kan

thahnemngaihna kan sawite vawiin speech-ah hian a lang a awm lova. Chuvangin, sawi sawi mah ila keini lam sawi hi athlawn leh mai ang a, hun hi kan hmang mai mai em tih hi min ngaihtuah tir a ni. Mahse, kan duhthusam leh ngaih mawh zawngte sawi a ngai si a.

Demand No. 34 na Animal Husbandry & Veterinary Department-ah kan lut ang a. Kan hriat theuh angin Mizo chu Sa ei hnam kan ni a, sa tel lova chaw ei thei lo hi kan tam em em a, B.P. sang te pawh a ruka sa ei lo chuan kan awm thei lo ani a. Chutiang khawpa sa duh mi kan ni si a, Vety. hmalakna kan en hian Mizorama Meat self sufficiency lam hi a kaw k ngai reng reng lo ang tluk a ni a. Tunlai kan sa ei tam ber chu i hria a, Pu Deputy Speaker, Burma atangin ani a, Halka Bawng zawng zawng kan ei zo tawh a, Mandalay atangin an rawn ti chhova, Burma a an chhawr hnep hnu hi kan ei thin a, a hrisel lo a ni. Chu aia pawimawh zawk chu kan pawisa tam tak Burma ramah a luang chho ta a, helaiah hian kan harsat phah a ni. Kan Budget kan en hian Bawng sem tur hi nikum lamah khan 20 anih, a pa an nei a ni mai a. Kuminah hian engchenge hma a lak tawh tih te hriat ka duh a, nikum lamah khan Mizo Vawk (Vawkte) hi humhalh a tulin kan hria ati a. Engnge chanchin zel tih hriat ka duh baw k a. Nikum lamah kha Turkey Ar Selesih ah Special farm kan siam a a ti a. Kumin lamah hian Turkey Ar reng reng hi a lang leh ta lova, an ti tawp ta mai nge ka hre lova. Australia Vawk thleng pawh khan a ni a. Tin, Pu Deputy Speaker, ka ngaih pawimawh em em chu Vety Department reng reng thingtlanga building an neih hi ading tha a lawi hi a awm ta lo vek a ni. Chuvang chuan a staff te, field staff te an buai a, awmna tur pawh aawm lova, mipui pawhin panna tur hre mumal lo hi khawtin deuhthaw an ni tawh a ni. Helai hi Pig Farm an tih atangte hian pawisa tam tak kan seng a. hetia thingtlang lam Office te inkhar em em khawp hi chu ka Minister hian a phal em em dawn em ni? Tun tum atang hian BAFFACOS atang te pawhin engemawzat ka nei a. Hei hi min ruahman sak mai thei angem tih ka sawi duh a. Tin, kan hotuten an sawi thin Piggery Village ka siam hi a to em em mai a, mahse, han ngaihtuah hian a chhuak a awm si lova, Kawlkulh II a Piggery ah khan asum sen tawh zawng zawng hi 141.57 lakhs a ni tawh a. Sairang bulah pawh chutiang bawkin an seng a. Mi, Vawk vulh a khawsa family 11 lek anni mai a. Kawlkulh ami hi family 17 lek an ni baw k a. Pawisa tam tak seng si a hetiang zat lek family ni si, chubakah a zauhna kan hmuhah hian Vawkte pakhat theuh sem tih te, khati lek kha chuan engtinngemaw a Piggery Village kan dinah pawh khatiang anih chuan Mizoram kan intodelh theih ang le? tih hi ngaihtuahna kaldan nisela a tha lawm ni? tih kan sawi duh phawt a.



Tin, Demand No. 31-na Agriculture-ah kal leh ila. Agriculture ah hia intodelhna uar a ni a, Ei intodelhna tur chuan Mechanisation a ngai an ti a, Rice Cultivation leilet atan hian an achievement an ziahah hia hectre 58 kum khat chhungin an lai a ni. Family pakhat hian hectre 2 vel lai angah ngai ta ila, 24 ½ chauh chhungkua hi an tanpui rih a ni, tunah hian, an Bulldozer kha atha ta lo nge? Hmun dangah an hmang ta nge? A tak taka kha an thawk lo tih hi kan hre duh a ni. Chutiang bawkin Terrace a, mipakhat in hectre 2 ni ta se, chhungkaw 14 chauh kum khatah an tanpui a ni. A thu ropui viau si, a tak awm si lo, zu thleng si lo hi a pawikan ti a. Tanpui chuan self sufficiency la khaw ngei tur hia tan min lak sak thei lawm ni? tih kha kan sawi duh a ni.

Tin, Seed supply lamah kuminah pawh “tha deuhin kan ti ang” tiin kan Minister khan nikum lamah khan mi tiam a. Alu ringawt hi 3750 quintals kuminah hian supply ani a, keini chhimlamah hian an Minister bial Cheural ah chuan duhsak an ni a. Keini Tuipang block chhungah chuan Thingri khua chiah 140 quintals min pe a, 140 atangin kg. 1 phurh man Rs. 3/- pek angai a, an phurh theih loh avangin Thingri khuain 70 quintals an khul a, a bak chu quintal 10 te, quintal 5 te lek lekin kan inlei siak ta a. Engatinge ngaihpawimawh kan ni loh em em bik tih te pawh kha kan ngaihtuah ani. Tin, Moongdal an tih te, tam tak an supply a, ato thei lova, Agriculture Department ngei pawhin Tuitlawkah farm (departmental farm) an nei a, an ti tiak zo lo ani, chutiang chu a ni a. Tin, organic state ah puan kan ni a, kan lawm viau laiin, engatinge organic a puan si, organic manure hi quintal 180 chuah kan lei tak mai? Rs. 5 lakhs man chauh, kha khan organic farm kan siam tak tak thei dawn em ni le? A kawh lam leh a tak tak hi a inthlau lutuk ani lo maw? tih ka sawi duh a.

Tin, Sports ah hian han sawi leh zawk ila, Sports ah hian Mizo hming a tha em em a. Kha Mara tlangval J.Hrokhu kha boxing ah pakhatna ani a, Vahai khua daih anih kha. Chu pawh chu min lawmpui thiam a, kan lawm a ni. Tin, midang pawh chutiang zel chu an ni a, tunah mai khan National championship Karate kan thleng mek a, ka va kal a. Kg. 70 chunglamah chuan Lalhlengliana Sailo khan Gold Medal a la ani, State engemaw zatin an ti khawm mek a ni. Chutiangah te chuan tanpuina lam hi achhe em em a ni. Tanpuina in pek hi Sports Council ah khan 205 alang a. Tin, Grant-in-aid hrim hrim hi 310 a lang a, hetiangah hian phaia an kalna tur te harsa takin pawisa te an puk chawp thin a, pek leh te an ni thin lova. Chu chuan thalaite hi ade-moralised em em a ni. Sports hi kan that tlanna tur a ni tih chu sawi ngai lova hriat a ni. Mahse, a sorkar hian engatinge importance a pek loh? priority apek loh? tih lai hi ka sawi duh a.

Tin, Labour & Employment ah hian kan en a, thalai leh hna hmu lo reng reng, hnathawhna hmu lo reng reng tunah hian Employment Exchange ah B.E. ringawt 100 an in-register a, MBBS - 41 a ni a, BDS - 15, LLB - 3 MBA - 2, MA(Arts) 677, M.Sc - 103, B.A. & B.Com - 3006, B.Sc - 364 chu zawng chu hna hmu lo an aw a ni. Mahse, tuna Employment generate tura lang chu ITI chauh hi aniin a lang a. Hei hi chu a hniam zawk ho thawhna tur ani si a. Engatinge azau zawk a Employment opportunity neihna tur hian kan sorkar hian a ngaihtuah loh aw! Election laia an tiamte kha asan tehlu nen tih te min ngaihtuah tir ani. Pu Deputy Speaker, tam tak sawi tur aawm a, mahse, hun hman dik ka duh si a, ka lawm e.

**DEPUTY SPEAKER** : Tunge han sawi ang. Pu H.Rohluna.

**PU H. ROHLUNA** : Pu Deputy Speaker, ka lawm e. Ka hma ah member zahawm tak tak ten an sawi ang khan Demand sawi niah te ngaih-pawimawh zawng kan neih te, kan han sawi a, mahse, kan sawi te kha reflect a ni em tih erawh chu a awm tam pui lo niin a lang a. Kan sawia kan ngaih pawimawh zawngte, member ten kan sawi hi akumthar lokal leh tur lamah te pawh hian kan Minister zahawm tak te Department changtute hia chhinchhiah bik deuhin, hmasawmna tur leh mipui tan a tha zawk turah chua kalphung te pawh hi thlak dan te pawh hi thiam ila khawvel achangka a; khawvelin hmasawn ang zel hian, keimahni rilru hmasawn dan kawng keimahni lam pawhin khawvel hawi dan zir hian kan tum hi a thain ka ring a chu chu kan sawi duh a.

Demand No. 32-na han lut mai ila, Horticulture ah, hetah hian kan Minister zahawm tak leh Directorate lamah te pawh lawmthu han sawi tur ka neiin ka hria a. November thla akan session ah khan Hnahlan area-ah Grape chingtute tan a G.I. Wire an sem chungchangah khan thil fel lo a awm a ni tih House ah ka sawi tawh a, chu chu Minister le helai Directorate lam a miten a hmunah te han endikin tha takin an sem a, tun hma aa phurhman Champhai atanga an chawi thin te pawh kha chawi tawh lo in an khua an thlen a, a lawmawm hlein ka hria a. Tin, a role a chanve an sem thin te pawh kha arole puitlingin an sem tawh bawka. Hmannia bial ka han fang a, lawmthu an lo sawi a, chu chu vawiinniah pawh hian kan sawi lang duh bawka a, helai a kan thil sawi ve te Minister te

pawhin min ngaih pawimawh saka a takah a chang thin te pawh hi alawmawm hlein ka hria a, lawmthu kan sawi tel duh bawka ni. Tichuan hei, kan bial chungah hill potato te tun BAFFACOS atangin Alu chi a hmawm in hrilhlawkna awm lo mahse, min han duhsak a min han pe te hi a lawmawm in ka hria a, an phur hle a. Kuminah pawh a chi pawh atha a, an thar that pawh ka beisei a, tichuan Horticulture department hi Mizoram angah hi chuan mipuiten intodelhna atan a hmanraw pawimawh tak department ani a, Agriculture lamah te hma kan lo lakna a rei tawh a, amaherawhchu, Agriculture lam ai mah hian tunah Horticulture in tan an lak tak tak hian, a takin mipuite hian intodelh nan an hmang hma zawk dawn niin ka hria a. Chuvang chuan a potential a tha em emin ka hria a. Tunah department-in hma an lak tawh chinah te pawh tha taka an han tihna chin a te a thawh erawh hi chuan a thain ka hria a, a lawmawm ka ti a. Chutih rual chuan department a technology mission a sum lo kal te hi anihna tur ang tak hian hman nise chuan mipuiten a zar an zo ang a, kut hnathawk tute tan hian a chhenfakawm deuh zawk ang tih ka ring a.

Tin, ka sawi tak lawmawm thu ka sawi rualin, a tidik lo tu kha G.I. Wire sem chungchangah khan ka sawi hmawh palh takin kan sawi leh ang a. SDHO Champhai ami kha khatiang khawpin Department-in adiklo ani tih an hria a, an siamtha a, a sem dan phunga pawh kha. Amaherawhchu, action lak a awm lo niin ka hria a, thildang puia action la lo pawhin a awmna hmun tal hi chu a sawn theih lawm mawni le, hetiang hi chu officer dang tan pawhin an entawn atan a tha lo em mai a, tih kha ka sawilang tel duh zawk bawka ni a. Tichuan, Anthurium te, tunah pheichuan thingfanghma te pawh ka ti thar leh dawn niin a lang a. Hengte pawh hi a chi tha kan han lak chhuah a kan han tih chhoh zelna ah hian Horticulture Department hianin engemaw helaia thilti thei deuh hlekte lampanga induhsakna kal lo deuh hlek hian a kut hnathawktute khai chhuahna thinlung zawk ahi he Department lam hotute pawhin pu thei se a duhawm hlein ka hria. Kan sawi tawh ang khan a potential atha a, a market te alo tha a tunah pheichuan hei Horticulture Department hi kuthnathawktute inngahna tak tak Department ani leh zual dawnin a lang a. Helaiah hian a hmalatute pawhina tun aia fimkhur zawk deuh leh mipuite tana chhenfakawm zawk tura hma kan lak thiam apawimawh hlein ka ring a.

Tichuan, demand dangah han kai leh ila, Demand No. 4 na Law & Judicial ah hian hei member dangte pawhin an sawi tawh a. Separation of Judiciary hi Cabinet pawhin an lo pass tawh kha ani a. Hei hi India ram State tam zawkah hman a ni tawh a, keini hi ahnuhnung pawl kan ni tawh ani a. He laiah hian ainfastructure leh thildangah kan pha lo kan ti a nih pawhin a lehlamah chuan Aizawl leh

Lunglei District ah te tal chuan kan ti thei tawh lawm ni? Cabinet meeting pawhin a lo pass tawh a, thei nia inngaih a nih si chuan tiin kei beisei takin ka lo thlir a. A chhan chu tunah hianin kan hmalak danah te Administration of Justice ah te hian thil fello thil eng eng emaw sawi tur te pawh hi ala thin a. Hetianga executive atanga lak hnan loh hi chuan seporate a kal loh hi chuan thil an tih dikloh emaw, helaia Ministry levela an va inrawlh lo chung pawhin puhmawh tur remchang tak tak te hi thil a tam thin a. Chuvang chuan Judiciary hi a hnanin kal tawh sela chuan athain a rinawm hlein ka hria a. Tichuan, hei tunhnaiah pawh hian Champhaiah APP (Assistant Public Prosecutor) chungchangah te pawh khan complaint aawm niin ka hria a. Chuvang chuan ngun zawk deuh leh uluk zawk deuha enzui athain ka ring a, tlawngai pawlte nena an thawh hona kawngah pawh hian tuna ruih theih thil dona kawngah pawh an thawh hona pawh hi a tha meuh lo ni te pawhin a lang a ni.

Tichuan, Pu Deputy Speaker, kal deuh zung zung mai loh chuanin hun a tawi si a. Demand No. 17-na Food & Civil Supply ah hian han sawilan zawk ka duh a chu - Kawlbem Godown chungchang nimin lamah kan sawi a. Helaiah hian kan Minister zahawm tak khan quintal 1500 tunah hian chhekkhawl ani tawh e, tiin min chhang leh a. Amaherawhchu, 1500 han dahna tuirn Kawlbemah hian hmun a awm lo hrim hrim a ni. Tunah hian Godown a awm lo, a hman theih lova, chuvang chuan aretailer in ama in sa chawpah motor trip 3 vel hi chu adah theih mai awm mang e tih tur kha anei a. Quintal 500 bak hi aleng lo hrim hrim a. Helaia wrong information inpek a hi atha lovin ka hria a. Chuvang chuan a retailer tena anmahni thahnem ngaihna a an lo sak ve a ni. Helaiah hian a department lam pawhina kan Minister zahawm tak wrong information an pe hi a paw ka ti a, hetiang hi chu tih tawh lo nise helaiah hi chuan a thain ka ring.

Tichuan, Chiahpui chungchangah hian han sawilan leh ka duh a, Chiahpui retailer khi ruling Party Unit President a ni a, kar hmasa khan BPL leh Chini semtur kha ala chhuak a, tichuanin a lak chhuah ah khan North East Khawdungsei Godown atanga la chhuak ani a, Chini bag thum a hralh ru a, mipuiaah a sem daih lo a ni. Chuvang chuan hei hi mipuiin an helh hle a. Tukinah min raw hrih a ni a, tichuanin BPL Buhfai pawh engzatnge atih chingpen kha an la hre thei chiah lova, hei pawh hi kan Minister zahawm takin min enzui sak se ka duh a. Sawi tur chu ala tam mai mahse, Pu Deputy Speaker, thu awih chu a tha alawm, ka lawm e.

**PU H. LALSANGZUALA :** Pu Deputy Speaker, ka lawm e. Hei kan Demand kan han sawi melh melh a, hei a pawisa tepawn a tam khat viauin a lang na a, amaherawhchu, Department thenkhatah hian kei ka duh khawp lo a tihbelh dan te la awm hial sela a tha awm mang e aw tih te ka nei a. Department hrang hrang hi a pawimawh deuhvek nachungin Department mipui nghawng deuh tak tak kan mangan tawh chungchanga Department mipui han mamawh zual bik te hi aawmin ka hria a. Tin, kan ram hnuk tak tak hemi kan ram hmel lanna te ka thalai te heng changkanna tur kawngah te hei department thenkhatte hi han sawi ve ka duh a.

A hmasa berin Demand 30-na Relief & Rehabilitation ah hian lut phawt ta ila, a thain ka hria a. Hemi department ah hian a department ah pawh hian lawmthu han sawi hi ka duh a. A chhan chu hei vanduaina tawh rialpui, thlipui te biala tawkte kan lo ni a, chubakah kangmei tawk te constituency te kan lo ni bawk a, chung chungchangah kan mangannaah, achawp leh chilha han tlanhhoh mai hmam engtingge kawng awmthei dan kan sorkarah tih te ka han ngaituah a, chung angah te pawh chua thil awmlo chung chungin kan sorkar tepawhin kut bengka kan tlanluh lohna a tan theitawp te pawh min lo chhuahpui chungchangah te alawmawm ka ti a, Christmas dawn ni 18 zana chawlhni zana Khawlian a mi 100 chuang zet mai In chhia chungchangah te leh an huan thlai chhia te lo tawk tawh te ka ni a. Tin, tunhnaiah kangmei, North East Tlangnuamah In anmahni dawr bungrua te nen chuan nuai 10 dawn lai akang zo vek mai te an ni a. Chawp leh chilhin kan sorkar hotute Minister te kan ha inhrilh a, athlamuan thlak ka ti a, amaherawhchu, hemi chungchangah hianin pawisa hi ka duh ang tawk pawn a la tam lova, tin chu lovah action hemi mipui min tanpuina tur chi ahi rin aiin a kal thui lutukin ka hre deuh hret a, kangmei han tawk te phei chu chawp leh chilhin a khaw thenawm ten an han pui a, a hminga In ni ve tawk tawk ten, mihring chen tlak ve tawng tawngin an han sa a ni a. Chung angah te pawh chuan sorkar hianin an In han din lehna tur atana hnatlang ten han thawhsak mahsela, sum leh pai kangmei han tawh tawh chuanin thirbel te lamin an chan a ni ringawt tawh mai a, kang chhe thei lo akha, bungbel te pawnthuah zawng zawng kang fai vek te an lo ni a, ka bial chhunga tuna kan sawi North East Tlangnuam te phei kha chu, an dawr bungrua kang fai vek mai sum leh pai nen anni a. Chung angah te pawh chuanin hun hi a kal thui duh riau a helaiyah hianin Relief & Rehabilitation hianin helaiyah hian D.C. ah kan han thelut a, chuta tang chuanin a vanduai tawh dana kha tihdan kalphung an han ngaituah chhung hi a rei lutuk deuh niin ka hria a, immediate relief engemaw tak tekha an pek loh phei chuanin mangannarilru na ngawih ngawih a harsaa ei leh bar harsa nghal a awm te

an lo ni a. Hengah hian kan Relief & Rehabilitation Department hianin vanduai tawk te hi fel deuh zawkin leh sum leh pai te a rang thei anga han tanpuina han pawhchhuah dan ki hi awm sela athain ka hre thawkhat a.

Tin, Khawlian a kan sawi, In leh lo a tihchhiat bakah buh lak lai te a lo ni a, buh a deng til vek a hmarcha adang til a. Christmas dawnin hmarcha te an mal a pawisa buh bakah an mahni christmas hman vena atan silh leh fen kawng engkimah an rualawhna puhrukna atan pawh ka thingtlang zokhaw hnathawktute chuan an hman thin a lo ni a, hmarcha te khatiang ang han mal tur leh hralh tur awm ta si lo te, khatiang angah pawh khan D.C. ah ka ha thelut a hei, tunah pawh ka thehluh sak te Agriculture ah a la kal ta nin ka hria a, Mithiam te phei zawng an tir chhova lawmawm ka ti takzet a department ah pawh, mahselangin anmahni relief natur emaw chhawmdawlina tur chi a kha akal rei ang reng a, tunhmate mi dang dang ka zawh pawh hian akal a kal a, a tawpah phei chuan In tih tham mangloh hian zangna dawmna tlem te an hmu ta thin a, chutiang anga phok en deuh ringawt kha an vanduinah tawh dan ngaihtuah chian athain ka hria, hei ka bial chung kuminah a vanduai viau mai a, kum kalta a buh lak lai atang khan, khing Phuaibuang ah te, Phullen ah te buh lak tur an nei lova, phur 80 thar tur pawhin phur 20 te an lo thar a ni a, tam hmabak kan ni a. Chung angah te pawh chuan Relief & Rehabilitation Department hianin ka bial mai ni lo kan ram pum huapa vanduinah kan tawhah hian enganga thil tha nge tlema a rang thei ang deuhna sum leh paia an tan deuh chhoh dan a awm lawm ni ti a kha ka sawi duh pakhat a.

A dawt lelah chuan Agriculture lam pangah hianin hei tunah a compact area kan ti a, a hectre chuti zat chu leiletah a siam theih tiin Ministry hmasa khan Champhai lam pang leh Chemphai, Saiphai khulai Bikhawthlir lai vel kha athlang ta nin ka hria a, alawmawm a ram intodelhna atana thil lian tham lo tih chhuah kha chu, amaherawhchu, chutihruah rual chuanin thingtlangah te pawh In 5 - 10 ten sorkar tanpuina lo chuan leilet hlawhtling neih theih loh khatiang kha mamawh an nei ve ani. Chungah chuan tunhma khan chuan Tractor te pawh a lian chi deuh a kha, leileh na atan subsidy ten loan in an pe ta thin a, kang khanin kan leilet neitu te kan hnathawktute kha tam takin a tanpui a, buh tam tak an lo thar chhoh phah ve a, chutiang chu a ni a. Amaherawhchu tun dinhmunah hianin a ro fai vek tawh niin a lang a. Agriculture atang pawh hian Tractor lian te hi loan a subsidy a an pek dante hi a awm lawm ni? tunah khaw pakhatah lei let nei ta tham tak mai awmin mipui akha awm mahselangin mi tlemte 5/6 te pawhin buh ei an lo neih chuanin a zarzo tu chu an tualchung a mi tho a ni. Khawchhunga pawisa lut tho ani a. Mizote

hi chu fairel intawm diat diat te pawh ka lo ni a. Chuvangin khaw hrang hrangah a compact area a Agriculture lam a ka sorkarin a thlen tam loh khua te hian Tractor lian chi pakhat an neih avanga an leilet phuisui tak mai a an chei chihohna tur chi angah mi hriat sakin tanpui dan min zawn sak se ka duh a.

Tin, pakhat leha kan sawi duh chu, Sport chungchang a ni a. Kan Sport Department ah hian ka duh aiin pawisa hi atlem a, kan Sport-ah hianin tunah phei chuanin Mizote infiamna khawvelah kan awm a, kan tui em em a, chung angah te chuanin Field/Stadium ringawt pawh ni lovin, a Sport goods hemi equipment hrang hrangah hian Football kan tih te, a goal net kan tih ang neuh neuh a kha kan mamawh hlein ka hria a. Tin, Jersey te pawh kan mamawh a, tunah kan players te pawh harsa te te an lo ni a. Jersey pair khat han neih ringawt pawh kha club tan pawh a lo harsa a, hengah te pawh hian infiamna lama hma kan sawn na atan department hian tan la deuh se ka ti a.

Tin, pakhat leh kan infiammi mi hlawhtling kan dawmkannaah hian State dangte leh khawvel lamte el pha lo mah ila, mi kan tihphur a kan tih tan chhoh chuanin anmahni kan tuam dam that chuan an lo hlawhtlin naah kan infiam mite hi an tang chho ang a. Tunah lehkha zir ringawt hi ei hmuhna pawh a lo ni lova, chuvangin, tunah kan infiam mi te mi hlawhtling khatiang ang kan tuam chhoh dan leh sorkarin kan endan hi a bei tham deuh niin ka hria a, tan kan lak deuh a tulin ka hria. Khatiang anga infiam mi te mi hlawhtling kan lo thuam chhoh leh eizawna tlaka kan siam chuan kan thangthar lo kal chho zelah kan ram timawitu an nih mai bakah mi hlawhtling tam tak kan siam chhuakin kan chherchuak dawn niin ka hria. Kan sorkar hian tan lain, kan infiammite hi tuamhlawmin enkawl deuh sela thain ka hria. Pu Speaker, ka lawm e.

**DEPUTY SPEAKER** : Pu Liansuama i lo sawm ang.

**PU LIANSUAMA** : Pu Deputy Speaker, ka lawm e. Kan in nang thei riau mai kan vannei dun dawn aniang.

Demand No. 41 – na Sericulture-ah hian ka hmaa member zahawm takte sawi kha kan tawm a. he Department hi Industry atanga a indanna pawh kum 20 lai a lo ni ve tawh a. Mahse, Mizorama kuthnathawktute tana a tangkai dan tur ang hian sorkar atanga

ngaihsak a hlawh lo fo thin a. Chuvangin BAFFACOS kan tih ang chi te leh kawng dang dangah hian tun ai hian tanpuina dawng tam sela chuan namen lovin kan ram hian a tangkai pui dawn a, an thil thar chhuahte hi hralhna chavaih a awm ve si lova. Chuvangin helaiah hian hmalak len a ngai hle mai a.

Demand No. 17-na Food & Civil Supplies, Minister hian min lo chhinchhiah sak sela, Chief Minister speech ah a lan dan khan BPL ah chhungkua 52650, AAY family-ah 15600 a vai chuan mirethei pawh tling phalo below poverty line-ah hian Mizoramah chhungkua 68250 kan awm a, a zahthlak em aw te ka ti a. Tichuan, Rural Development BPL te Food & Civil Supplies BPL te, tin, khawpui chhunga cheng BPL te hi kan inang lo deuh thluah mai a, chuvang chuan a tak tak huaisen taka kan nihna ang lan chhuah ngam hi a tha mai lawm ni. Tichuan, BPL quota Retailer ten an va khul chhuak a, Kg. 35 emaw a an lo dawn tur ani a. A man tlawm tawh zawk pawh nisela mi harsa tak takte an nih avangin an tlan mai thei lova, kar in a ral dan a. Tikchuan, kar leh a lo ral chuan ka retailer te chuan a man tlawma sorkar atanga khul chhuah ni si kha an hralh tlat reng mai hi kan mik retheite chan aiin insiam len kan tum nasa lutuk a. Hei hi zawng Pu Deputy Speaker, hei hi zawng malsawm lovang. Chuvangin hemi check-na tur atan hian tunhmaa awm thin ang khan village level ah hian Civil Supplies chungchangthuah Vigilance Committee hi din leh a tha hle mai a. Y.M.A. a ni emaw, Kohhran lam hruiute pawh hengah hi chuan an telve a tha khawpin a lang a, chumi rual chuan ni hmasaah pawh kan ngaihthlak tawh Chini hi Zo khaw lamah chuan kan hmu ngai vak lova, kum hlui lamah kha chuan kan sorkar hnathawkte pawh kha an huangtau deuh nge ni a bag hian an hralh hmiah hmiah mai a, a hralhtu leh a leitute pawh hi ka chhinchhiah ve thliah a. Vigilance Committee hi din ta ila kan mipuite puala sorkarin hah taka Chini te leh Buhfai min lei chhuah sak man tlawma kan khul chhuah tur si hi min hralh sak nasa ta lutuk hi kan dan deuh atha dawn lawm ni. Presbyterian Kohhran phei chuan tunkar hian tawngtai runpui kan nei a, sual thupha chawina kan ti mai a, hengte pawh subject-a telve awm tak niin ka hria. Pu Deputy Speaker, kan Minister-in min lo chhinchhiah sak sela. A.A.Y. te pawh hi kan tam khawpa ka chanpual a tak taka kan chan leh si loh hi atam hle a ni.

Demand No. 31 leh 32l, Agriculture leh Horticulture hi kan sawi kawp leh mai anga. Ka ngaih pawimawh zual chu Central-in Sponsor Scheme pahnih NWDPRRA leh NWDPSCA heta tan hian kum 4 kum 5 kalta chhung khan cheng vaibelchhe 66 leh nuai 91 zet kan ramah hian kan lo dawng tawh a ni a. A list te Department atangin kan han



dap chhuak a, Pu Deputy Speaker, i bial lamte pawh a tel mai thei a. Nakinah member dangte pawhin an lo hmuhve atan la share ka duh a, ka bial bikah chuan Upper Mar leh Upper Teirei a awm a, chutah chuan he programme pakhat National Water Set Developmemnt programme in Rainfed Area tih bikah hian 1500 a chuang a, Agriculture Department hian hma la a insawiin an senso pawh hi tam tak ani a. Ka bial khu MLA ka dintirh atangin ka la bial ngar ngar a, ka hrebhel hle mai a. Kum 20 chuang zet kan inhrawn tawh a. Helaiiah hian Agriculture hnuhma ka hmu miah lo, chuvangin, Agriculture Minister zahawm tak hi nichina Rural Development Minister ka sawm ang hian helaiia House-ah hian ka sawm nisela min tlawh pui sela hetiangte hi a tak taka lo awm lo anih ngai chuan kan ramah hian pawisa tam tak lo luang lut si a, kut hnathawktutena a zar zo si lo hi chu he kum tharah hi chuan atak ram kan kal ngam tawh dawn lawm ni. Chuvangin he Scheme pahnih Shifting cultivation control-na tur atan leh Rainfed Area a Water Set Development Programme atana kum 4/5 kal ta chhunga vaibelchhe 66 leh nuai 91 kan sensona leh a taka kan ramin a a rah kan hmuh hi a inmil lo lutukin ka ring tlat mai a. Chuvang chuan kan Agriculture Minister hian Horticulture nena chang kawp bawk a, MLA te pawh hi min han associate sela kan bial theuhah chutiang chua tan a lak thar theih ang tih ka ring deuhva, kan tarlang a, Kumthar ah pawh hian hemi Scheme atan hian cheng vaibelchhe 8 leh tih kan budget-ah hian a awm leh tang mai ani a. Hengte hi hman mang loh in a liam leh mai si anga, hmang si a, a taka lang si lovin chu chu Pu Deputy Speaker, kan tarlang duh a ni.

Session hmasa khan AIBP chungchangthu hi kan rawn sawi chhuak tawh a, Accelerated Benefit Programme hnuaiah cheng vaibelchhe 10 nuai 1000 hmanral a ni tawh a, kum thar tuna kan sawi ho mekah hian cheng vaibelchhe 10 a lo lang leh bawk a, heng hi 10% Director-in a a lak leh mai tur kha ani ang tih kan hlau hle a. Chuvangin field visit neih pawimawhin kan hria a, heta tan hian kan Minister-te khawilaiiah nge project hi heng kum tharah hian Irrigation Project hi a awm dawn nakina wineup pahin min rawn hrilhfiiah thei sela, kum hluia vaibelchhe 10 zinga nuai 78 Director-in alak tak ngawt mai avang khan hna hian a tuar nasa hle mai dawn a ni a. Khang khan hmachhawp sa a tih sukuk dante pawh min hrilh thei se atha khawp ang.

Tin, hei vaibelchhe 20 lai Budget-ah hian kan hmu a, Department hian State Plan atangin hei hi ani tak tak dawn nge Central Assistance lokal tur ka beisei leh mai dawn tih hi a Chiang lova, chu chu han tichiang thei selangin nakinah a sawi tlipna atan a tha ang e.

Demand No. 28-na Labour &

Employment - Kan Minister hian tan a la nasa hle a State thenawm velah te leh a hmun dangah te pawh kalin Employment lai aimah hian a labour lam tam tak kan neihte Mizoramah hmang tangkai tur hian tan an la a. Mahse, Office lampang indaih lohna avanga Officer han hnawhkhah turte pawh an awm a. A thar lak a har a nih pawhin deployment pawhin a kal theihin a rinawm a, kan labour lam hrang hrang contract labour chungchangthu te, Insurance chungchangthu te, tin, an lo thih palh hlauh a, anmahni sorkarin a ralna tur leh kawng dang dang hengte pawh dan tha tak tak kan nei tawh a. November thlaa kan Session pawh khan dan pakhat chu he Table-ah hian an rawn laid a ni a. Khang a tak taka kan rama kan hman tangkai theihna tur atan chuan Employment Office hi strengthen a ngai a, chuta tan chuan anmahni ngawtin an chak tawk lova, kan House hian hriatpui ngaia ka hriat avangin kan tarlang ve ani. Employment Exchange lam hi Department dang dang hian kan palzut nasa ta lutuka kan Minister hi vaupungna deuh sela, invilik se ka duh tak tak ani. A chhan chu Department tam tak kan Minister -te pawh hian lo hre teh u, Employment Exchange kal tlanglo hian hna kan la nasa ta lutuk a. Tun atanga reiloteah hian Court-in hmachhawn dawn ani. Chuvangin Dan kal pangngaiin a induhsak theih thova, hetiang zawng hian Employment Exchange tangkai tak tur hi kan palzut nasa ta lutukin ka hria. Chu chu tawitein ka tarlang bawh ani.

Hei ka bial Aizawl West II a awm kan ni a. Tawite tal han sawi loh chu Pu Deputy Speaker, a dik lovang e. Transport-ah hian Session hmasa khan Insurance thu ka sawi tawh a, lo hre hram teh se, hei Saiha bialtupa hian an sawi a. Motor hlui leite pawh alo awm a. Insurance kumtin tihthar angai a. Lungleiah pawh Insurance Company an awm lo mai thei, Saihaah pawh. Chuvang chuan Transport Department a Enforcement te an lo khauh leh si a. Chuvang chuan Motor neituten harsatna namenlo kan tawk ani. Hei hi a helna remchang siam a nih loh chuanin mipuite hi kan harsa nasa a ni tih kan Minister ten min lo hriatsak teh u. Silpaulin kan mamawh hle mai. Hei Kawnpui bialtu hian mi chah a, a bialah ruah a sur nansa si a. Rialin a deng chhe nasa si a. Min thawn thlak sak loh zawngin sorkar amualpho ang e, han sawi hram teh a ti a. Chutiang chuan a ni bial chang lovah pawh Kolasib-ah te pawh a nih kha. Tah hian kan Minister hi ka kamkhat duh a. Ngawi rawh, Pu Speaker, a Dedpartment a supply tur a chhungte nena an tum thin hi Silpauline kan neih hma theih loh phah nin an sawi a, Upa ani si a, inenchiang se ka duh a ni. Tak tak a ni lo mai thei, nikum May thlaa Tender koh tawh pawh kha ala tifel thei lo tihte hi kan hria a, tak tak ani em ? lo inenchiang se ka duh a ni.

Vety. Department chungchangthuah chuan tukina Subject - V recommendation thehluh kha lo enchiang sela chuan, khatianga a kal kha chuanin Department tha tak, ropui tak Vety. hi ani ang tih ka ring ani. Le, Pu Deputy Speaker, ka lawm e.

**DEPUTY SPEAKER** : A lawmawm e. Pu Rinliana kha aphar hmasa naa, amaherawhchu, hei, Pu Saikaphthianga a ding hmasa tlat mai si a. kan sawm mai dawn em ni ang? A nih leh Pu Saikaphthianga i sawm ang aw.

**PU SAIKAPHTIANGA** : PU Deputy Speaker, ka vawili pharna a ni tawh a, min pek pawh a awm viau va, hnunglam kha ka lo hmulo ani. A pawl khawp mai. Pu Deputy Speaker, vawiinnia ka Minister zahawm tak takte, Demand sawihona hun tur atlem si a, Demand a tam si a, tawi te tein a sawiloh theihloh ang a.

Demand No. 17-na Food & Civil Supplies ah hian han lut phawt ila, he Department hi abuaithlak hle maiin ka hria a. Kan mipuiten kan chanvo hi kan changlo lutuka he Department atang hian Chini te, Buhfai te, chutimai chu a ni lova, he Department atang a malsalwmna dawng tur mi harsate hian an chang lo nasa lehzual a, entirna pakhat chauh kan sawi ang a. Member zahawm tak, Phuldungsei bialtu khan a rawn sawi nual tawh a. BPL Buhfaite pawh hi he Department-a hnathawktute hian min eiruksak duh tlat mai a. AAY te pawh hi achangtute an hniam tawh tehreng nen an la eiru duh tlat mai a. Ka bialah khuan khaw pakhatah kan manchhuak a, khulaia an se BPL list leh helaia Office a an kawl kha a inanglo daih mai a. Kan han en zel a, AAY ah pawh alo inang chuang lova, a bial pumpui, Kawrthah bial pumpuiah khan chhungkaw 100 fe kha an lo eiruksak duh a ani. Chu chu khulaia v/c te nen, MLA te nena kan ha chai ngial pawhin a danglam thei chuang lo reng reng. Chumi ti thintu Store Keeper chu Vawiinni thleng khuan kan la kawl a, chuang chuan thuideuh han sawi chiah pawh ka ngai lova, chu chu he Demand 17-na ah hian kan sawilang duh a.

Tin, kan Minister zahawm takina hmanna zawhna a chhannaah khan Buhfai kha kan phur tha hle mai a, mahse Civil Supplies Buhfai hi a eitlak ta lo nge ni, hmuntin maiah hian State dang atanga lokal, sumdawngtena an zawrh hi kan lei hut hut mai a, kan harsat tehreng nen. Buhfai to kan leina man hi a tam lutuk tawh a. Hei hian kan economics nasa takin min run a. Civil Supplies atanga Buhfai kan lei leh, Dawr atanga kan lei hi Kg-ah cheng khat emaw cheng hnih emaw pawhin inthlau sela Aizawl khawpui ina kar khata kan lei, kan thawhchhuah atanga kan pek chuang ringawt pawh hi atam em em mai a. Chuvang chuan kan Civil Supplies Buhfai kan tihdan leh a quality leh Mizo mipuiten ei kan lakna dana hi kan siamthat loh chuan Central ina pawisa min pek hi leh kan thawhchhuah hi Buhfai manah hian nasa takin kan sen lohna thinah khan Pu Speaker, an sorkar hnuaiah hian kan seng hi kan sawiduh a ni.

A chini tih te, Khawnvartui tihte, Store Keeper, Retailer atanga Buhfai lak tihte hi chu a engamah hian mumal a awm lo. Retailer te hi an lal em em mai a. Chuvang chuan enfiah a ngai nasa hle a ni tih kan sawiduh a. Pu Speaker, a remchang bawk a Demand 41 Sericulture ah hian pawisa hi a ngai reng kan pe a, kan sawi hian kan sawi pawimawh em em mai a. Kan ngai pawimawh lo tih a chiang a. Ngaih pawimawh tawh ila, hetah hian mizo mipuiten eizawnna awlsam tein hausak vut vutna anih loh pawhin vawiinnia ka khawsakna aia tlema kan deuhna chu a awm a ni. Chuvang chuan nikuma ka pek zat kuminah ka pe leh a, BAFFACOS a lo awm hlauh a, tlemin kan kang deuh a ni.

Chumi rual chuan khawthlang lamah kluan Theihmute hi a tha duh em em a, khulam khu hawi ve deuh tawh ila tihte ka rawt duh bawk a ni. Pu Speaker, Department pawimawh tak mai, Agriculture leh Horticulture hi a awmdun bawk a, Demand No. 31 leh No. 32 na hi ha sawi ka duh a. Pu Speaker, he Department hi an awmkhawm lai atangin Mizo mipui tan leh Ram leh Hnam tan leh kan mithiam rual tan pawh a tha ang tih ngaihtuahna neiin kan hunlai tive mai ila theihtawp in an awmhranna tur a tan te pawh tha kan lo thawh ve a kan kutchhuak ang ve deuhva ngaihna te pawh kan nei a. Vawiinni thleng hian Department dang aiin kan la enkawl zui a, kan la enzui a, kan la hmangaih a, kan duhsakna leh kan beiseina pawh a sang ani.

A pahnih hian han sawikawp deuh mai ila. Vawiinniah hi chuan Pu Deputy Speaker, kan sorkar hian he Department pawimawh tak pahnih hian an tichhe vek tawh ani. A thawktu Officer fel tak takte pawh ka kawmin, ka be lo na a an mangangin ka ring. A chhan chu

ka Chief Minister zahawm tak speech atanga ha en hian, thlai chi ringawt mai hi Agriculture hian quintal 9365 lein a chhut theih a ni. Hetah Irrigation hnuai an leite nen zu chhut vek chuan, atam em em mai a, an lei tak tak lovang tih hi ka ring phawt. Chutiang zel chuan, Neihbawi Farm atan hian Meihawl nuai 38 man an lei tih a awm a. Mahse, tah hian a inziak lova, chuvang chuan hun kal tawh kum engngemawti i dinglam a mite sorkar lo pian hian Agriculture Department hi Vaimim chi an lei dante, MIP a thilsem tur an leidan te, vawiinniah pawh kan Minister zahawm tak Agriculture changtu khan MIP hi tihdan danglam ina kalpui tur ani a, ati a. MIP hi tihdanglam dan vak a awm chuang lo. Pu Deputy Speaker. A chhan chu a beneficiaries te hian ram pawh an nei lova, ram tha mumal pawh a awm lova, chutia sem mai mai chu anni a. Thlai chi tha, kawng tha kan pe dawn an ti a, tahhian vawiinniah March thla ka zo tep tawh a, eng thlai chi nge ka pek dawn? kan Minister zahawm tak hian mi hrilh thei turah ngai ila. Ngaihtuahna a tithui duh hle a ni. Thlai chi an pe dawn a, ra aawm si loh chuan khawiah nge an phun ang a, khawiah nge an hlawkpui ang? kawng tha pawh kha siamthat sak dawn sela, ka bialah khuan khaw tamtakah MIP ram thlang miah lo, ram nei miah lo, MIP dawng thin, khawiahnge kawng an laih sak dawn? Chuvang chuan MIP hi Politic takin NLUP dona tura buatsaih inthlan dawna tihchuk chuk, awmze nei hauh lo, pe dawn reng, pek tak tak awm silo programme anih avangin a thawktute Agriculture chung a inkulh ho khu nasa takin an hlawkpui a, chu chu a awmdan chu ani mai a, sorkar hian mipui hi kan tanpui duh tak tak anih chuan a bul atanga ruahman that leh a, vawiinni aia mipuiin a tak taka an hman theihna tur hi MIP ah hian Pu Deputy Speaker, nasa takin ka rawt a ni.

Tichuan, Horticulture ah hian tlem han sawi ka duh a, Organic Farming kan ti a, hman nia ka sawi ang khan hmanhmawh takin a dan te kan passed a, helai kan Chief Minister speech-ah khan Organic Mannual quintal 180 kan lai a, Meihawl rawhna ani ang chu ka ti mai a. Hmun 196 ah ka siam a, tih a lo lang a, a dang tam tak sawi tur awm mahse, chung chu ka sawi hman lo ang a, Khawiahnge 196 ah hian Meihawl rawhna hi an siam Quintal 180 zet mai Organic Mannure an lei ah te hia changjpat atangtea lei tha siam te atel em? khatianga te khan Lo neitute hman tur hi ka siam chhuak tawh em? Vaiho tawng mawi lo ni suh sela. Company siam, tu tute Agent atangin emaw Organic mannure hi kan lei leh mai a nih chuan ka organic planning chak tawka kalpui kan tih laiin, kan va kal chak pui tehchian awm lo ve tih te, ka ngaihtuah a, chuvangin,, kan lei te keimahnin kan kut kawih a kan siam ve hi chu kan Minister zahawm tak hian mi hrilh thei sela, vawiina phunah tih ka phut deuh a. A chhan chu kan ngaihpawimawh em avangin Pu Deputy Speaker, he Department pahnih hi kan Minister te hian an sawisa nasa khawp a, term tir atangin a chhan

chu, thil lei leh thil se atang hia a hriat em em mai a ni. Kum sawm pawh a ka chin sen loh tur han lei rikngawt ang chi te, a dahna pawh lenglo Godown pawh leng lo, han lei ngawt mai ang chi hi chu Department nasa taka chin phulhna leh ram leh hnam tan pawha pawh khawihna niin ka hre takmeuh meuh a. Ka ngaih pawimawh em em thenkhat te ka han sawi theih avangin ka lawm e.

**DEPUTY SPEAKER** : Pu Lalrinliana i lo sawm ang.

**PU LALRINLIANA SAILO** : Pu Deputy Speaker, minute sawm chhung in Department 13 sawi tur a ni a, tlemte tein han sawi dawn ila.

A hmasa berin Demand 32-naah - Nikum khan Director atangin lehkha kan dawng a, tunah chuan Football leh Volley Ball emaw infiamna tanpuina sem theih ani tawh dawn lova, tiin order min pe a, rilru chuan em hei !! thalai tana intensive hi ti te te hian kan pah dawn e ni ang tiin ka lo ngaihtuah a, kan Minister hnenah pawh ka la sawi ang tiin ka ngaihtuah a.

Wawiinah hian kan sawi duh chu hei thalai tan hian Budget kan dah tam lo hle thin hian ka hria a, sum leh pai harsatna chu kan hretlang a, a duh angin a kal vur vur theih loh tih chu alang reng si a. Amaherawhchu, Constituency tinah playground puitling pakhat tal dah theih ang tur hi chuan hmalak ni se chuan tha hlein ka hria. Tunah hian Sport Department atanga Playground kan laih dan hi a Sport Department hian tam takin a lai lem lova, hemi Rural Development emaw khan khawi Department atang hian tam tanpuina oriented ang hian kan kal a, tuna Sport Department hian hetiang zawng Constituency tina playground puitling dah theih tur hia ruahmanna siam se tih hi kan sawi chhuak duh a.

Tin, Stipend leh Scholarship lampang hi alang tam lo hle a, insentive a ni bawk a, tah hian han theih leh nise tih hi kan sawi duh a. Tin, a Sport lai kan sawi a Youth Services lai hi duhthusamin kan uar lo hle thin bawk a.

Tin, Demand 31 leh 32 na Agriculture leh Horticulture Department ah sawi duh ka nei. Horticulture tunah hian hmun hrang hrang a kan bial te Serthlum chin te hma min lakpui dawn niin kan lo hria, a lawmawm hle, chutih rualin pa pakhat hianin a pawisa pukah

min dil a, Serthlum chin ka duh a ni ati a, ngawiteh, henglaiah pawh hma anrawn la mai thei a ni ka ti a. Minister ah te Department ah te ka sawi ve ang a, ka ti a, tihdan a awm ang e, ka ti a. Mahse, a ni chuan, Department leh sorkar atanga tih ka duh lo, a chhan chu a chi hi a rawn thleng tlai lutuk a, phun hman leh nung thain a awm ngai lo, Department ngheng lovin, sorkar ngheng lovin, mahnia tih ka duh a ti a, ka rilru chuan a englai kha nge ka tih dik loh ni ang aw!! tiin ka ngaihtuah a, tunah pawh hei Department in hma an la chho a, a chi an han sem leh dawn emaw an han kui leh daw emaw ani ang a, ka rilru tak takah chuan a project kha a puitling tak tak dawn a nih chuan, nungtha ser sawr thlai chi ka sem emaw, kan pek emaw thlai chi ahun bi dik taka ka pek kha apawimawh hlein ka hria. Chuvangin, a supply-tu chungchangah hian tunge mawhphurtu ni ang. A hunbi dik taka a thleng lo thin hi ka ti a. A chi tha kan hmu loah hian. Ruling Party zahawm tak te pawh hian ngaihtuahna fim deuh hlek nei a, induhsakna zawng lutuka kal lova, a tui tak tak a chi tha nei te ti fu chat chat a, a hun tak leh a hmun taka chin theih tura thlai chi an suply theihna tur hian ngaihtuahna hi nei zau deuh ila a tha hlein ka ring a ni. Chumi a ni loh chuan, sum tam tak sengin duhthu asam lo fo thin niin ka hre thin.

Tin, MIP chungchangah sawi nuam lo tak phei zawng a ni thin a, hei hmannah MIP sem lehna turin 1<sup>st</sup> Installment semna tura an beihna atan tiin Biata ah intinah Rs. 30/- an khawn a, mahse, MIP a lo chhuak leh a, mahse, an khawna te khan an hmu leh si lo a. Harsa ve tak tak leh inhlawh chawp te an ni ve hlawn si a, an mangang hle a, engtia tih chi nge ni ta le? tihte ka rilruah a awm a. Engpawhnise, Party Politic khelhna atan athen ten an lo hmang rawl nen, Aizawl S-II bialtu zahawm tak khan Party awm sawm nan hei hi hman a ngai tawh lo ang a ti a, a lawmawm hlein ka hria.

Chutih rualin Pu Speaker, Demand 30 na hmanni a zawhna chhannaah khanin monsoon khan ka hriatsual loh chuan vaibelchhe 13 lai mai hmanral niin ka lo hria a, ka hresual emaw, chutah chuan rangva bundle 5000 lai mai sem ni khan ka hria a. Hei pawh hi Aizawl S-II bialtu zahawm tak kha lo chhinchhiah se ka duh ani. Minister zahawm tak nen hian. Party Politic khelh nan an hmang liau liau ani. Monsoon hian party a rawn thlei si lo. Mahse, tanpuina han pek chiah hian Party hian athlei leh si thin, a buaithlak khawp mai Pu Deputy Speaker,, hetiang hi ni tawh lo se ka hnunga nikuma Monsoon in a tihchhiat rial leh leimin velin a tihchhiat Khawhaiah te pawh tam tak tanpuina la dawng lo an awm a, hetiangte hi tih leh dan a awm em? tih kha ka zawt nghal bawk a ni. Chuvangin a monsoon a awm loh leh thlipui leh rua hianin Party a thlei lova, a pek leh a tanpuina zawng laiah hianin an thlei si thin a, a hahtlak

ang reng hle a ni. Hetiang hi chu ni tawh lo se ka ti hle a ni. Hei Pathian zarah kum 6 chuang lai an lo sorkar chho tawh a, tunah chuan mipui leh a tak taka tuartute leh atak taka chingtute hnathawktute lam hawi hianin rilru hi pe tawhin pa chan chang tak tak hian ti tawh se tih hi ka duh dan a ni takmeuh meuh a ni.

Tin, hei Demand No. 43-na Tourism chungchangah hian tawite sawi ka duh a. Toursim ah hianin hei kan ha thlir a, a thil thar tehchiam a awm lova, apangngai chho. Tin, House-ah te kan sawi a, thil improvement chu aawmin ka hria a, kan han nei leh kan han kuahnaah pawh hia lawmawm ka ti. Chutihrualin thil thar tak tak leh Tourist attack-na tur tak tak hi ruahmanna awmin ka hre lem lova, ngaihtuahna pakhat te ka nei ta mai mai a, khawvela Pathianina khawvela chengte tana abuatsaih hrang hranga hi kan chhut hian keini hianin Tourist attact thil tak tak hi tunah rih hi chuanin a awm lova, Historical bulding tih a ni emaw tlang sang leh vur tawlhna ang chi pawh a awm lova, dil mawi leh tha pawh a awm lova. Chuvangin tunah hian kan tana tihve theih mai pakhat a awmin ka ring a, kan sorkar zahawm tak hian ngaihtuahna lo seng thei se. Tlangah hianin Hmawng hi emaw Bung te emaw hi phun ta ila, tichuan lei rap miah lovin Km 40/50 a kal theih tih te, chu chu long term deuh hlek pawh a ni ang. Tin, chumiah chuan lei rap miah lovin a effective han ti dawn em ni khatiang kha ti ta ila T.V. atangte leh Thlawhna atangtein han en ta sela a mawi hle ang a, Forest Station te pawh a lo ni chho a ng a. Tiang chuanin engemaw hi inviting idea hi kan neih a ngai em tih te pawh hi ka rilruah a awm a tih lohah hi chuan heti pangngai ang hi chuan Toursit hi engtikahmah kan attact tak tak hi ka ring lova. Chutiang chuanin engemaw project hlawm lia deuh hlek kan neihte pawh hi atha lawm ni ka ti a ni. Ka ngaihtuahna chu khawi khawiah emaw ka sawi thin a, tiang chuan theih loh a niin ka hre lo a ni. Kan ram tan hia nakin hnuah chutiangte chu hei Scheme Pu Speaker, i hriatpuina angin Phaiah te hei Commonwealth tih te leh hmun hrang hrang orientation course emaw kan kal thin a, Sikkim ah pawh khuanin Toursit attact engeni infrastructure an nei tha em em a, tin, natural pawh an nei tha a, tiang khan kan State te zawk angte pawh khuanin revenue tam tak an earn a ni. Revenue Earning, oriented hianin rilru hi nei ta ila, thar deuh hlekin, a ngai ngawr ngawr ringawt mai a hetia zawite tea kan insawh ang chho hi chuanin ram ropui tak te kan thlen loh ka hlau a ni. Hun ka bawhpelh thui lo ang e, ka lawm e.

DEPUTY SPEAKER : A lawmawm e, Pu Lalhmingthanga.



**PU LALHMINGTHANGA :** Pu Speaker, ka lawm e. Hei kan hun neih a tlem si, Department 13 Demand kan sawi dawn a, minutes 12 a ni a, tlema bawhchhiat pawhin min ngaithiam ka duh a. Hei kan Chief Minister ina Statement an siamah khan sorkar policy lo lang chu keimahniah intodelh tumin Budget chungchang thuah pawh hma kan la a, churang chuanin heng khawn te sep chi hrang hrangte pawh hi sorkarin a ti lo thei lo a ni ati a, kha kha kan sawi lang tawh a. Tichuan tunah hia Zoram mipuitena pek tur ka neih hi atam em em dawn a tun Budget-ah pawh hian Value Added Tax a rawn chhuak anga kha kha mipuite phurrit Indirect Tax Consumer-in a pek tur ani dawn ta a. Tin, passenger Goods Tax te a rawn chhuak leh ang a, chungte pawh chu a ni ta a. Tin, heng Water Tariff te, tin, Electric Tariff te, tin, Professional Tax kan tihte leh khatiang ang thil chitinreng sawisen a ni love, chuan hetiang ang bakah hian Twelfth Finance Commission Recommendation-ah hian keini chu resources atangin kumtin cheng vaibelchhe 152 leh nuai 17 hi ka mobilised a ngai a, kumin atan mai pawh hian cheng vaibelchhe 65 leh nuai 92 hi mobilised a ngai a ni tih kha kan Chief Minister hian a sawilang a.

Tin, leiba rulh nan hian a lo tlingkhawm tam tawh si a, a pung leh a principal rulh nan cheng vaibelchhe 289 chuang kan hman a tul a ni tih asawi bawh a. Heng zawng zawng phurrit mipuite chungah kan zuk nghah takah hi chuan kan department ho ina ka activity neih reng renga hi kha chhiah lo tam ta em ema kha khua leh tui tha ni tura pe thei tura dinhmunah sorkarin a chawikan a ngai ta takmeuh a. Chutah chuan mimalina remchanna te Minister leh achhung ten emaw Officer leh achhung ten emaw MLA chhungten emaw a remchannate sorkar atanga corruption zawng hi pan tawh lova, Kristian ram ka nih anga tih takzeta tawngtaina nena departmental activities hi kan kalpui a tulin ka hria a. Chutah chuan kan sorkar hian huaisen takin heng Department hrang hranga developmental activities hi thlir tha selangin Revenue selangin, Revenue Earning tur ni chuang lo, tin, production nei tur chuang lo hi chu paih ngam selangin kumin atang hi chuan atha khawpin ka ring a.

Demand No. 34 na Animal Husbandry-ah hian han sawi ta ilang. Khami Model Piggery Village kan tih angte hi chu engtikawng mahin productive-in a siam theih tawh loh a ni, a zavaia hmanral hmun 3/4 a mi kan ha chhut phei chuanin crore tam tak hmanral tawh a ni a. Amaherawhchu chhungkaw pakhat pawh hetah hian intodelh an la awm si lova. Khatiang ang Non-productive tura kha project kal lai a ni e tih avanga department hrang hrang a mi kan kal chhohpui zel a nih hi chuanin a tawpah chuan pawisaah hian kan buai ngei ngei dawn a. Tahchuan

a hnam mualphoin kan mualpho anga Kristian State ni si hi pawisa kan tlukchhiat si chuan Lal Isua hming pawh kan tichhia ang. Chuvang chuan chuti zawng chuanin thlir ilang a thain ka hria a. Hun hi a tawi si a sawi sei hman ani dawn lova, Entirnan - Model Piggery Village kan tihah hia Pukpuiah sawn In 60, November ni 10 2004 ah khan khaw hrang hrang atangin lakluh an ni a sorkarin. Chutah chuan In 33 hnenah Vawkte te takte Kgs 3 pawh tling lo kha pek an ni a, thildang pek anni chuang si lova. Tichuan, In 27 hian an la dawng lo leh ta nghal a, tui a awm bawk silova, Electric eng a awm bawk si lova, inhlawhfakna tur Pukpui Village Council hnuaiah hmun ruakte leh thil dang an han dil vein, nangni chu Model Village inni alawm an ti a a n cut bawk si a, chuvang chuanin chhungkua saw an tamchhawlin an thi lo chauh ani mai a. Khatiang ang kha Kawlkulh ahte pawh a ni ta a, Sairangah te pawh a ni ta a. Chuvang chuan hetiang ang chi ho hi chu a identify tu tur hi siam a, paih ngam a tha em emin ka ring a. Chu chu Animal Husbandry chungchang thua kan sawilan a ni a. Animal Husbandry hi kan ram tana sustainable economy min thlen theitu tur ani a chiang lutuk, uluk taka kan tiha ka pawisa neihte hi kan hman chuan entirnan : Sihphir te, Durtlang te khi kum 5 chhung ka bial tawh a, mumal takin private in thil an han tih chuan a hlawk em em a, chuvang chuanin chhungkaw awm thei tak an chhuak ani. Chutiang ang chuan a Staff lak chungchang thuahte pawh hianin fimkhur atha a, tunhnaiah Animal Husbandry hnuaiah hian Doctor, Minister chhungte hnait ak hmanni lawka passed kha lak ni tea sawi a awm a. Hetah hian Animal Husbandry Doctor qualified Vety. Doctor qualified hi 1998 vel chho atang khan mi engemaw zat an awm tawh a. Hengahte pawh hian tam zawk lakluhna tur siam ilang. Hetiang anga Party miin contract an nei thei dawn e tia engemaw production awm lo tur tih vak vak ai kha chuan, Mizotena Vawk kan vulh chin te, Ar te, heng kan thiam zawng Hill Cattle te angte hi enkawl thatpui ilangin hetiang chuan thil tha zawk a lo chhuakin Sustainable Economy hetah hian achhuak ang a, tichuan, heng kan Additional Resource Mobilised te pawh hi sorkar tan a nuam dawn a ni tih kha kan sawilang zawk duh a ni.

Tin, Transport Department, Demand No.

42 na hi kan sawi leh zawk ang a, tah hian central workshop hi hmanah khan siam tum ani tawh a. Saw Hlimenah sawn building pawh lian tak sak ani tawh a. Amaherawhchu, a hlawhchham a ni, a hma leh zual deuhva Chaltlang ah khian chutiang deuh hlek idea a lo tih ani a. Mahse, Machinery lian pui pui te leh eguipment an lei a, an hmang tak tak chuang lova, khang pawh kha hman lohvin a ral a. Thawkkhat phei kha chu higher purchase in private hnenah pekchhuah mai a tha lawm ni tiin helai House atang ngei hian khang ang ho kha rawtna ka siam tawh a. Chuvangin, hei hi tuna a lo ri leh ta te pawh hi enchian a ngai a. Sumthuninu ringawt a lo

nih leh chuan a pawl dawn a, tin, kan Transport pawl hi Revenue earning ah siam ngei ngei a tul a, chu chu kan sawilang duh bawk a ni. Sawi pawl pawl loh chuan hun a tawi si a.

Tin, Law & Judicial chungchangthuah hian 'Cabinet decision a awm tawh e' tih kha kan sawi ri fova. Amaherawhchu, hei kan Chief Minister thusawiah leh kan Governor thusawiah khan separation of judiciary hi a lang lo tlat mai a. Engtizia nge ni Cabinet in an decide tawh a nih si chuan, helai hi a pawimawh em em a, ka rawn sawi nawn leh duh a. An speech-ah hian lang lo mah sela tihhlawhtlin ngei theih nisela tih kha kan sawi duh a ni.

Tin, Parliamentary Affairs ah hian Demand No. 12 naah hian MDC familh Pension ah hian mipahnih tun thlenga la la ve thei lo tar tawh tak an awm a. Pi Sapsiami w/o Pu Lalchungnunga (L) Zarkawt leh Pi Lalchhuangi w/o Ralliantawna (L) Thenzawl te hi ka Parliamentary Affairs Committee te hian an dam lai hian pension hi pe ve thei ngei selangin a lawmawm hle ang tih kan sawilang duh a ni.

Tin, Horticulture leh Agriculture hi kan ramah chuan chhungkaw tam ber leh mipui kan ram ina economy aneih chhun a ni a. Agriculture ah hian Land Survey ah potential area survey ah Land W.R.C. a han siam theih awm hi 64,000 hectares of land a awm niin kan Chief Minister pawl hian a sawi tawh a. Kei pawlhin tunhma pawl khan ka sawi tawh thin a ni. Hemi hi uluk taka kan reclaim a, productive akan siam chuan kan ramah hian buh leh bal ah chuan a intodelh theih a ni. Amaherawhchu, khami va siam rual khan pawimawh em em a chu tuna Minor Irrigation kan tih kan Plan fund ah pawl NABARD atang te a kan financed tirah hian a pung awm leh a mometarian chhung a awm a, a rullh chhung turte siam a, penal interest te pawl awm a, pawisa puk ava siam hi a ni a. Nichin lama ka sawi tawh ang khan Minor Irrigation tih te hi a tha e, a tul e, Buh kan thar theihna tur atan Wide Rice Cultivation ah, Amaherawhchu, hemi awork implementation ah hian hmun hrang hrang a mi keima mit ngeiin ka en a. Tin, a department ten a contractor an select dan te pawl ka zawt a, political interference a thuk lutuk a, churang chuan, awork quality a kha sub-standard ani ta a, churang chuan Minor Irrigation kan han siam tena, tui ava pek turah kha a irrigation zawk a kha ahlawhchham ta a. Tichuan, hei hi productive lovin alo awm ta a ni. Hei pawl hi uluk taka sub-committee emaw sorkarin remchang atana siam a en in eitling turin siam chhuak thei se tih ka duh a, kan sawilang duh a ni.

Tin, Horticulture-ah hian a potential Area hi 2 lakhs hectres of land kan state hian a nei a. Hetah hian Horticulture varieties ti mai ilangin, plan ngekan tih dawn khatiang ang kha kan climatic condition leh kan soil condition in a tha em em a a siam theih a tam a, hei, Thingfanghma te an han thlang chhuak hi a tha ka ti a. Tin, Organic Farming kan han tih te pawh hi Agriculture ah leh Horticulture ah hian a tha ka ti a. Amaherawhchu, hei hi uluk zawka pawisa siam tumna thinlung awm lova seed purchase a hmalama member ten an sawi ang zul zui zawnga pawisa khawhralna awm lova produc tive ngei tura kan khua leh tui Horticulture leh Agriculture lam tui te leh atui lo pawh kalsan thei chuang lova te hi sustainable economy pe thei tura siam atulin ka hria a, chu chu kan sawi leh duh ani.

Tin, Pu Speaker, khawngaih takin ka bawhchhiat hlek pawhin min ngaithiam ang che. Sericulture hi Demand No. 41 na hi zau taka kan rama introduced chi ani. Major Department a hlankai chi ani. A chhan chu Theihmu Pangang silk hi khawvelah a hralh tla ber a ni a, ka ram climate tenen a inmil a, ka bialah tak phei saw chuan Town Area chuanin urban area chuan Rural Development in chang thei tawh lovang an ti hnu ah hi chuan heng hi Agriculture leh Horticulture te leh Sericulture lam te ahma kan la anih ngawt loh chuan hmanni a ka sawi tak ang khan Theiriak te, Lunglawn te, Lungpuizawl te, Hauruang te, Buknuam te, Runtung te sawn eizawn ngaihna a awm lo reng reng a. Hetah te hian Horticulture te, Agriculture te uar turin kan sawi duh bawka ni.

Tin, Toursim ah hian Pu Speaker, hnathawktute hi regularise lovin kan dah rei tawh lutuk a, Muster Roll tih ang mai hian, thiam tak tak te, athen phei chu an kum te a over tawh a, regularisation hi theihtawka ngaihtuah turin kan ngen che a. A tawpna ber atan chuan Demand No. 22 Sports & Youth Services ah hian hei van lam atanga malsawmna kan dawng thar a, kawng chi tinrengah Game chi hrang

**PU D.THANGLIANA**

:

Pu Speaker, ka lawm e. Vawiinah Minister 4-te Demand kan han sawitlang thei hi lawmawm ka ti a, a tlangpuithuin kumina kan Minister ten an Demand han

thehlua hi a tha thawkhat viau a, duhthusam ang thlap erawhchu ani thei lo tih achiang a. Vawiin ah hian hun tawiteah han sawi ka duh chu a bul atang hian kan sawi ang a. Kan group leader te sawichin ang kha chu, i dinglam thu nih manah min pe turah kan ngai a, hun pawh kha.

Demand 34-na Relief & Rehabilitation chungchangah hian Mizorama harsatna tawkte chhanchhuahna leh tanpuina tam tak pek ani tawh a, tawitea ka sawi duh chu - Hei Mizorama chhiat tawkte tanpuina Relief & Rehabilitation atanga Rangva te leh Silpaulin te tanpuina hrang hrang, kan han pek bikah hian tun dinhmunah Mizoramin, Zoram pawna chhiat tawkt, Tsunami tuartute tanpuina kan han pe thei te pawh hi a lawmawm hlein ka hria a, midangte tana malsawmna ni thei tura Zoram kan han awm hi thil lawmawm tak niin ka hria. Thil chhinchhiah tlak tak niin ka hria a. Kohhran rawngbawltuten min fuih thinah chuan pek tam hi pun lehzualna a ni an ti a, chuvang chuan mite harsatna atanga tanpui thei sorkar kan han ni hi a lawmawm a, a hnam ang pawhin tun Tsunami tuar ten an mamawh ngawih ngawih Mau tam tak kan han thawn thla a, kan han pe te hi alawmawm hle a ni.

Nichina kan MLA zahawm tak sawi ang khan a pawisa lama erawh hi chu duhthusam atling lo deuh a, kan ramah chhiat tawhna rial a vangte pawh leh leimin avang te pawhin a lo awm a, tam tak hmun tam takah a thleng hlawm a, chungah te pawh chuan mumal zawk leh a tuartute pawhin an lawmna zat ang han pek theihna tura kan Budget ah han dah te pawh hi a chakawm hle a. Amaherawhchu, kan tun dinhmunah erawh chuan tuna kan nih ang ang pawh hi a lawmawm thawkhat viauah kan ngai a ni.

Tin, Demand No. 34 - na Animal Husbandry chungchangah member dangte pawhin ka sawi fo thin a. Kan ram chhunga Sa kan ei tur chungchangah te atalhna hmun mumal tak siam nise tiin kan sawi fo a, chung angte pawh chu Vety. Department hmalaknain. Chutiang sakna tur pawh chu NEC in nuai 300 chuang lai mai minrawn pe a, tunah hian Bung Bungalow ah a bul tan mek a ni a, chung a area te pawh chu hung mek zel ani a, Kan tihfel hunah chuan kan sa ei te, Bazara thoin an bawm theih loh tur te in a talhna hmun kha kan siam ang a, kan khawpui te pawh a thianghlim phah thei turah ka ngai a, heti zawnga Vety. Department -in hma an han la hi alawmawm hlein ka hria

ani. Mumal zawk leh chak zawka lak zel kha nise alawmawm leh zual ang. Vety. Department-ah hian BAFFACOS kan sawi nasa viau a, Budget Bu ah pawh achuang kalh mai a, hei hi Budget bu a thil thar chuang lawmawm tak, Zoram tana chhinchhiah tlak tak niah ka ngai a, heta tang hian kumin kaltaah nuai 220 ngawt mai an han pe a, chuta nuai 220 chu thingtlang kut hnathawk a ei leh in, an in benbel theihna tura a awm theihna atan a then chu Bawng, Vawk vulhna atan te Ar, Varak atan te ahman a ni te hi thil lawmawm tak niin ka hria, hetiang zawng hian kut hnathawktute hamthatna tur leh inbenbelna tur zawnga hmalakna duhawm tak mai an han ti hi, tun aia chakzawka hma kan lak chhoh leh zel pawh hi thingtlang kuthnathawktute tan thil chhenfakawm tak niin ka hria. Heng hmalakna zawng zawngah hian lawmthu ka sawi duh a ni.

Tin, Demand 42-na Transport Department-ah hian hei Transport Department hi tunhma chuan leiba tam tak nei thin an ni a, he House-ah te ngei pawh hian Transport Bus te ngei pawh hi Privatised ila, tiin privatisation atan tam thei ang ber hi tih nise tih ka sawi thin a. Nimahsela, Transport Department nasa takin tan an han la a, nuai 197 zet mai an bat thin a kha an han rul fai vek mai hi thil lawmawm tak Department hrang hrangte pawhin entawn tlak tak niin ka hria. Department dangte pawhin entawnin an leibat chungchangah entawn thei se ka duh hle a ni. Hetiang a nih chuan Transport Department pawh hi Revenue earning department pawimawh takah a tang chho dawn ta niin ka hria. Transport Minister zahawm tak kaihhruaina hnuaiah heti tak maia tan an la a, hmasawmna an han nei chho hi hmasawmna ropui tak niin ka hria. Tin, chumai bakah Vehicle Registration te tin, Driving License chungchang te tunhmaa kut ziaka khawl a chhut ang chi kha tunah chuan Computer atih an ni chho ta te hi lawmawm ka ti a. District Capital tam takah hma an la la thei lochungin Aizawl, Lungleiah te, heng an han ruahman chho hi thil lawmawm tak, entawn tlak tak anni. Thil hi duhthusam ni lo mahse, tuna an hmalak leh heng kan Budget a dah ang chiah pawh hia thil lawmawm tak a ni.

Tin, Demand No. 31 & 32 ah Agriculture leh Horticulture Department chungchangah hian lawmawm ka ti a. Horticulture-ah hian tunhmain kan thlai thar te hralhna tur lampang kan inggaihtuah pui thin lova, mahse, waviinniah chuan ka Minister fel takte kaihhruaina hnuaiah heng, Horticulture Department te pawh hian kuthnathawktuten an thlai chin tura kha ahralh na awmsa, a lei duh tute awm a kha, an han tih theih tura kha ruahmanna an han siam chho ta te pawh kha a pawimawh hlein ka hria.

Tin, Agriculture lamah ka hmaa member sawi ang khan Irrigation chungchangah hei hi a lawmawm hle, Serchhip District a Irrigation a hmalakna hi hmun dang aiin a nasa lo deuhin ka hria a, theihtawp chhuah a Department pawh hian min kalpui pawh a pawimawh hlein ka hria. Tunah ka bial chhungah hmun hnihah Thalbul leh Zuvaah min han siam sak a, khingte pawh khi leilet tuia chawmna tur nei lo, thal lwa tuikang, furah lo chuan buhpun theih loh kha, vawiinniah chuan tuikawng tha tak nen, englai pawha tui enghun laiah pawh nei mai thei tura an awm chho pawh hi thil lawmawm tak niin ka hria.

Tin, a dawtah chuan Tourism Department-ah hian hei Tourist Lodge engemaw zat kan han nei a, an hmalakna a ropui a, taima takin hma an han la a, hengte pawh hi engmah lo a kan ngaih lain kum kalta 2003 – 2004 ah khan nuai 40 chuang ngawt mai pawisa an lo la lut a, an ruahmanna anga a kalzel pheichuan he Department pawh hi revenue earning department ah a awm thei tih a chiang hle a ni. Amaherawhchu, duh anga Budget-ah pawisa kan la pe tam thei lo erawh hi chu apawi hle a, chutichung chuan kan Minister zahawm tak leh department tan kan hmalakna Central Sponsore Scheme hrang hrangte nen, hma an han la chho te hi thil lawmawm tak niin ka hria. Ram tana chhenfakawma hna an thawh chhoh zel pawh duhsakna ka hlan bawk a ni.

Tin, Demand No. 22-na Sport-ah hian sawi tur tam tak a awm a. Kan thalai te anmahni tanpuina a pawng ataka pek ngawt chi a ni lova, an talent te an in zir chhuah theihna tur atana a Sport Complex ang chi kha buatsaih a ngai a, chutiang atana he Sports Department in Mizoram hmun hrang hrangah Indoor Stadium puitling, Sports Complex puitling buatsaihna tura hma an ha la te hi lawmawm ka ti hle. A bik takin Serchhipah hian chutiang field puitling chu kan la nei lova, Serchhipah hian Sport ho hian thahnemngai tkain Sport Complex puitling kan neih theihna turin hma min han lak sak thei sela, a hmn a awm ngang lo anih pawhin N.Vanlaiphai ka bialah hmun kan ngah mai a, chungah te pawh chuan min suan chhoh sak sela, a pawilo mai awm mang e ka ti a. Duhthusam ni lo mah se Sport lama kan hmalakna te, khalam panga mi talent nei tha te chawimawina an hlan thinah te hian duhthusam ni lo mahse, tun dinhmunah chuan lawmawm ka ti takmeuh a ni. Ka lawm e.

**PU LALTHLEGLIANA :** Pu Speaker, ka lawm e. Demand No. 42 naah han lut nghal ila, a hmasain lawmthu han sawi ka duh a. Hei keini Mamit leh

Lawngtlai khawpui pawh ka bula ami hi kan sawi kep ang a. D.T.O. Office kan mamawh em em min pek dawn tak avangin lawmthu ka sawi duh a. Nasa takin hemi avang hian hma kan sawn ang tih ka ring a ni. Tichuan lawmthu dang han sawi leh ka duh chu leibat chungchangte kan sawi tam hle tawh a. Hei Transport Department-in a leibat nichinah khan a figure khan an sawi sual deuh hlek a. Vaibelchhe khat leh nuai sawmkua pasarih leh singkhat leh sangthum leh zanga leh sawmnga lai lei an ba a. Tunhmaa an lo harsat zia chu kan sawi tawh a. Chuta tang chuan bul tan that leh tumin nasa takin tan an han la a, hei hi an han rul zo vek mai thei hi an fakawm hle a. Department zawng zawng entawn tlak tak niin ka hria a. Tin, House ah pawh hian lawmthu sawi sak tlak niin ka hria a, chuvangin lawmthu ka'n sawi a ni.

Tin, MLA tin te hian a bik takin Zokhaw lam MLA te chuan ruang phurhna tur Motor te hi ka mamawh em em a. Damdawi In Ambulance ten a lo daih seng lova. Hei tunah ka bialah ngawt pawh hian kum khat leh tlem kal taah hian ruang 24 vel ka dah thla tawh a ni. Chutiang a nih lai chuan Ambulance motor 3 lai an han neih belh ta mai te hi a lawmawm hlein ka hria a ni. Tin, Mizoram leilung awmtirh ata kan la neih ngaih loh Inter State Bus Terminal Chaltlang-ah nuai zakua leh pakhat pomsamwli lai a, pawisa sum hman tur lo awm a an han sa tan mek te hi a lawmawm hlein ka hria. Tichuan, heng avangte hian Zoram hi a ropui phah ve ang a, a mawi phah dawn a ni. Hei hi ram tan thil thar lawmawm tak a niin ka hria a ni.

Tichuan, hei Tourism ah Demand 43 naah han kal leh ta ila, Tourism Department ah hian hei Chalfilh tlang te pawh nasa taka chei tum a ni a, tunhma kan la neih ngaih loh khualzin mite hahchawhna tur leh mi tam takin weekened te an hmanna turin ropui taka siam tum ani a. Tunah akal kawng turah pawh Tender zawh tawh mek a ni a. Crore 24 lai helai atana pawisa kan han hmu te hi a ropuiin a lawmawm em em mai a ni. Heng atang ringawt pawh hian Mizoram sorkar hmel danglamna a lo lang dawn ani. Hetih lai hian kan ngaihthah miah loh tura ka ngaih chu Mizoram hmun tinreng atanga a lanna Lunglei, Champhai atanga lang bawk hemi khawthlangah tlangsang ber Reiek tlang puk thui ber awmna Khuangchera Puk, Pasaltha hmingthang awmna Puk, hei hi kan ngaihthah rei hlein ka hria. Tunah kan Minister zahawm tak Pu Ropuia'n Typical Village te a han din a Zokhua tunlai zirlai ten a awmzia pawh an hriat tawh loh tapchhak enge? Rappui chung sang enge, thehhlan enge pawh an hriat loh Lal In awmzia te hrelo Thangchhuah pa In te, Thirdeng In te hre reng reng lo ten an hriat theihna turin Khulaiah In 14 lai Zokhua dinin sak a lo ni ta te khuan tlang ropuina atilang lehzuai ani a. Tunah hian



Foreign atanga lokal te hi dan ang chuan Aizawl khawpui bak hi pel lo tura ngaihte an ni. Chutih lai chuan heng kan ram mawina te ka han thlir tir theihna hnai vai ber Reiek tlang lam hi kan sorkar hian hawi deuh hlek sela atlang amawi a a ropui bawk a, chu chu nasa deuh hleka sum leh pai pawh hi dah belh nise alawmawm hlein ka ring.

Tin, Agriculture Demand 31 na lam han sawi leh ta ila, Agriculture-ah hian nasa takin hma kan sawnin ka hria a. Hei organic Firming te kan han ti a, Bill kan pass a tha takin kan ramah 87% vel hi Organic Firming nisa ani a, miten an ram leilung chhe tawh chemical fertilizer in a tihchiat enge maw hun laiah Green Revolution te chu han siam bawk thin mah sela, alo rei deuh a lei atikhang a, ati khauh em em a. Chuvangin, ramro chhia ahring thin a, Tunah hian Pubjab ram te pawh an mangang tawh a ni. Chumi avang chuan, Chemical Fertilizer hmang lova bul tan hi keini tan a awlsam em em a ni tiin he House zahawm takah hian kan han passed ta a. Khatihlai khan Ratu bialtu MLA zahawm tak pawh khan a thatzia thu kha a rawn sawi uar hlein ka hria a. Vawiinniah erawh chuan a rawn sawi danglam leh ta vak mai a. Midum lam pen lawh, pen leh lawh tih ang deuh a an han lam a an kal zel dawn emaw tih lain darbenthek a beng ri chhuk a an pen let leh a, khatiang anga ka ngaihdan he House-ah kan reilote te a kan ha thlak thut thut mai thin te hi tihduh hrim hrim hi kan nei ni te pawhin a lang a Heng ang hi chu kan lo ngaihtuah na patlingin kan hman tawh kha angai reingin mipuite pawh an phurna turin a ti hlawhtling tur zawngin hei hian ram tha leh vawiinniah khawvelin Chemical Fertilizer te an duh tawh loh zia te pawh kan hria a, miten an thinrik tawh ani. Chutih lain hei hi ramhruaitu politician te chuan mipui hmaah a tha thei ang bera ka sawi hi a tul tak meuh meuh niin ka hria.

Tichuan, Agriculture Department hian tan nasa tak lain ka bial chhungah te pawh Daldawk Project te akal a, Bulldozer-in a lai a, Agriculture link road te nasa takin an kal tir a. Tin, thing chin tur bik te siamin Thingfanghma te, Kang damdawi te chi hrang hrang chin tur te an rawn tichhuak a ni a. Vawiinniah kan Agriculture Department ah pawh hian Horticulture ah pawh ani a, tan lak thar hi a ngai nasa em em a ni. Hei hi a tir atangin a bilhah a tho lo khawp mai a, Pu Laldenga hun lain Zoram zawng zawng zawl awm theihna zawng zawng zawlah siam tum a ni. Bulldozer 10 leh a zuitu Tractor 10 chuang zet an chah chhuak a, chutah chuanreiloteah Pu Speaker, i veilam a mite an ha sorkar a mimal lei leh nan te an hmang a kawr hnarah te asawk thing fer fur a ni. Cardamom an supply zawng zawngte sum siam nan, khang angte kha vawin niah kung khat pawh hmuh tur a awm tawh lo a ni. Chutiang chuan ram hi kan lo kal pui rei tawh lutuk a, vawiinniah bul tan that tumin kan thlai

neih sa bakah Oil Plan te Thingfanghma tha chi te heng khup thleng lek lek a rah thei chi te leh thil dang dang chin tur khan an han la chhuak a, he sorkarin kan Minister chak takin abik takin Pu H.Rammawia'n hma a han la chho hi athlamuan thlak hlein ka hria ani. Chuvangin tunah hi chuan bul kan tan a, hun laklawhah Agriculture a hna thawh leh thil tih hi phochhuah tur ropui tak la awm lo mahsela, tunah hian nasa takin bul tanna a kal a, zawl kan siam tawh zawng zawng te hi atam em em a ni.

Chutiang chuan Sericulture Department te pawh apawimawhzia kan sawi a Mizo ten vawilehkhata rang taka thar thei kan mamawh em em, kan lo neih dan thlakna atan pawh heng hi a tha a ni, tih kan sawi tlang vek mai. Chuvangin, kan sorkar chak tak hian department puitlingah Sericulture hi kum 20 ngawt lo indang tawh hi adah ve thei lawm ni? heti khawpa fahrah a dah hian eng tinngge Sericulture hi kan than theih ang tih te pawh hi ngaihtuah tham tak ani a.

Tin, Demand 34 naah Animal Shlauhter House cheng nuai zathum sawmhnih leh pakhat zet a hma lak tum alo ni hi vawiinniah kan ram kal dan te hnam tin in chawhpawlh te kan ni a. Kawngdungah Sa thi a luang zeizuih a, an hralh a tichuan, khang kha athianghlim lo em em a ni. Hmun thianghlin a Sa kan talh theihna tur te hian heng hi chak taka hma lak nisela a lawmawm khawp ang.

**S P E A K E R** : I hun a tawp bakah kan chawhnu hun hi a tawp ta rih a, engtinngge ni, break kan nei rih ang a, thingpui te kan in ang a,

kan zawm ang nge ni ang. Tunah hian kan kal tlang ang a, Minister pali lai wineup tur anih avangin kan rei deuh dawnin a lang a, enge tha kan tih ang? han chawlh lai lawk deuh ... Aw a nih Pu Thlenga khan a sentence ahan zo sela, tichuan i break ang u.

**PU LALTHLENGLIANA** : Pu Speaker, ka lawm e, hei a hminga MIFCO kan chan lai khan Sa talhna Bung Bungalow thlang lawkah khuan kan buatsaih a, a khawl te pawh kan lei vek tawh a, nuai zathum leh tih lek helaia han dah pawh hi Vety. hovin tih takzeta an ti dawn a nih chuan a tlem deuhin ka hria a. Tunah khuan MIFCO in an neih laia pawh khu Commission theih mai tura buatsaih a ni a. Amaherawhchu, a

cutter pakhat a sa han channa tur kha a that loh avangin chu chu a contractor in a rawn thlak hma chuanin Commission ruai theih a ni lova, kha sa talhna awmzia kha sa talhna satliah ni lovin hetah kuang bualah Doctorin acheck vek ang a, chumi hnuah chuan alo lut ang a, chaicheh lianpuin a khabe hnuaiah a lo chep ang a, Vawk anih chuan, Electric swich an han hmet ang a, chuan unconcious in a lo awm ang a, tichuan a thi an la ang. Tahchuan, tuiso belah a lut ang a, a hmul zawng zawng kha, khawlin a pawt vek dawn a ni. A vun thlenga ei tlak tho bawm miah lovin. Tichuan khalaiah khan a channa khawlah a lut pheih ang a, a ur rona khawlin a rep duh tan, arep asiam ang a, ahring duh tan a hringin a siam ang a, tin chan sa mawi tak a chan sa siamna khawl te pawh a awm vek a ni. Chutiang chu a department changtu helaia an buatsaih tur ah hian ennawn deuh hlekin kal pui sela, tichuan mitinin an talhsa hmun tira tho bawm loh akan zuar ang hian an zuar thei dawn a ni. Bazarah sa an talh a, an hai fai thuak thuak a, an chan a min khai haw tir a, natna hrik hi engzat nge kan khai hawn sawi sen a ni lo. Chuvangin kan sa talh dan hi a rang theih ang bera tih danglam hi atul a hetiang ang ngaihtuah nachang hria department kan nei hi avanneih thla k hle a ni. Ka lawm e.

**S P E A K E R** : Darker chanve kan chawl rih ang a, dar 4:35 P.M. ah kan thukhawm leh dawn nia.

4.35 P.M.

**S P E A K E R** : Kan hna kan chhonzawm a nga, member 17 in kan sawi tawh a, Pu F.Lal Thanzuala i lo sawm ang.

**P U F. L A L T H A N Z U A L A** : Pu Speaker, ka lawm e. Demand No. 31 leh 32 na kha sawi ka duh a. Organic State-a kan inpuan chungchangthu hi kan sawi fova. Mahse, member zahawm tak tak te han sawi danah hian sawi ang reng sawi mawi chiah si lo hian kan chhuah thin hi a pawh ka ti khawp mai a. A chhan chu hei hi kan ram din chhuahna tur kan thingtlangg khua amite kan dinchhuah tirna tur leh kan

ram hi kum tam tak lo la kal leh tur atana kan chhandamna tur anih avangin a pawimawh ka ti a. Han sawi nawn leh ka duh a. Nikum June ni 29-a kan Prime Minister ropui tak Pu Manmohan Singh-a hova Agriculture Minister hote koh khawm an niha sawiho naah khan hetiang hian a ti a. "Do we share a vision of a prosperous rural India, a vision which see Agriculture as the growth engine for Development" a ti a. Prime Minister chuan kan thingtlang khua te chawikanna tur atan hian a thirnaah chuan Agriculture hi a ni tih a lang chhuak a. Tin, Agriculture atan chhuahnaah chuan hetiang hian atih chhonzawm leh a. "State that have low input Agriculture have now an advantage in taking to organic farming as organical a growth product are likely to increasing in value strategy for rural development must promote such option" tih a ni a. Chuvangin Organic Farming hi ka Prime Minister ropui tak agenda a ni. Hetianga kan State in kan lo ti ve hi apawimawh em em mai a. Kan tang tlanga Prime Minister programme ropui tak mai tih hlawhtlinna programme kal chho zel a ni a. Chuvang chuan han sawisel chi niin ka ngai lova.

Tin, Dan kan lo passed tawhah pawh khan chuti teh duaka tih rum rum tura passed a ni hauh lova. Organic Farming kan tan a nga, chemical nen a uluk taka tih chhoh ngaite a ni a. Tunah hian manure te han phurh luh rum rum a tam tak han khawl ang kha akawkin ka hre lova. A chhan chu thil thar han introduce hian ahmangtu tak tak te kan Zonu leh Pa te hi zirtira convince hi an mamawh em em thin a. Kan programme tam tak hlawhchhamna chhan hi angaihtuahna dawhkanah chuan tha viau mahse, ataka lo hmangtu te khan tuina leh a nihna tak tak an zuk hmuh thin loh khan a fello thin a ni. The Hindu News Paper kan chhiar thin a nga, hemi hian nikum khan survey of the Environment an nei a, chutah chuan chemical pesticide kan hman avanga kan lei tur a tel tam takzia te, kan ground water-ah te Tur a tel tam tak zia te an hmuchhuak nasa em em mai a. Chutah chuan hetiang hian an sawi a. Our drinking water is slowly being poisoned pesticides residue in drinking water and soft drink expose the excessive and unregulated use of pesticide use in Agriculture tih a ni. Chuvangin, Organic Farming hi kan ti ngei ngei tur ani tih hi a tichiang leh zual a, kan tui in leh leiah te pawh hetiang a tur alo awm anih chuan hetiang a kan kal zel chuan kan survival thleng khan a khawih pawh thei dawn a. Hei drug-in min khawih nasa em em a, a bikin kan thalaiin an tuar tam a, Mizorama natna tam ber leh thihsan tam tak leh natna khirh tak tak lo chhuahna hi pumna leh cancer tih vel hi kan tam em em mai a. Kan life expectansive pawh hi a sang lo a ni, chungah pawh chuan heng pesticide hmandan diklo pawh hi a tel thei a ni tih a chiang ta a. Tin, West Bengal te phei chuan an lo ti nasa leh zuala, Hindustan Times ah khan a inziak a. The Union Agriculture Ministry has given the green

signal to the State Agriculture & Horticulture Department, .. to introduce large scale of Organic Farming in five District for the ambitious plan tihte a ni a. Report from various laboratory indicated the present of high doses of pesticide and toxic chemical much higher than the permissible level tihte a ni, to counter the adverse health effect of these are dicided to promote Organic Farming in a big way tih ten an officer ten an sawi a ni. Chuvangin, kan Prime Minister pawhin a lo vision hi kan State pawhin fing tak leh thil hmu thui tak maia a lo tih hi a hlawhtlinna chu tunah hian kan ti tan dawn chauh a ni a. Kan la hmu rih lovang, mahse, tha taka kan kalpui chuanin kan ram thatna tur a ni. Chuvangin, han chirhthekh kual vel chi niin ka ngai lo. Hun chep tak karah kan sawi lang hram duh a.

Tin, Demand 22-na leh 28 na chung-changthuah khan han sawi ka duh a. Labour & Employment chungchanga kan Minister hi a naupang viau nain a ngaihtuahna a puitling hlein ka hria a. Sorkar hnathawkte inngahna ve pakhat chu GPF te a lo ni a, an pension hun atante a tangkai a, hengte hi M.R. te leh private Institution ho chuan an lo nei thei lova. Hengte pawhin an dah ve theih dan kawng ngaihtuaha hma an la te hi an fakawm hlein ka hria a.

Tin, Sport-ah pawh hma kan sawn nasa a, mahse, kan rilruah awmse ka duh chu, a present Ministry khan thil engkim kha abawk vek turah ka ngaih lova. A hma atangin thil inchher chhuan a awm vek thin a. Thing lawn ang deuh hi kan ni a, Rahbi ka tuka tah khan ka rap a, kan inchhunzawm chho zel kha a ni ve a. Sorkar thil tih bakah mihring reng reng hian rilruah te pawh ka lo nei chho tan ta a. Sport lamah hma kan sawnin Boxing-ah te, Football te etc. ah te kan hming a lo thang chho tan ta a, kan thalai tam takte pawhin hetiang khawnga hma lain an theihnate an han entir ta hi Sport Ministry hi a hlawhtling hlein ka hria a. Tin, Sport Complex District Head Quarter tinah te dah tumna te a han awm hi a lawmawm khawp a. Tlem lai a Sport Council an thiata thubuai chungchangthute an han sawi a. Mahse, ka ngaihdanah chuan Court atechanical takah thiamchang thei mahse, mipuite hmasawanna tur daltu ni si te hi awm thei ve hian ka hria a, chuvangin khalaiia thiam lo han chang kha thil lian takah chuan ka ngai lem hauh lo a ni.

Tin, Demand 30-na leh 34 na Hei chhiatna rapthlakte a thleng thut thut thin a, rialte, thlipui te, hengah te hian Relief & Rehabilitation Department hi an che tha khawpin ka hria a. Tunah pawh District tina emergency a hman tur cheng nuai 25 dawnlai te an nei dawn nite pawn an lang a. Tin, nuai 125 te hi District hrang hrangah te pawh pek a ni tawh bawk a. A landan-in crores 2 lai mai hi lo la kal tur

leh sem darh turte pawh la awm ni hian a lang bawk a, a lawmawm hlein a thlamuan thlak a. Tin, ka bial Cherhulun te pawh khatiang khawp khan rialtla kan tuar nasa a, khangah pawh khawp Rungva te min pe a, khatih hunlaia Relief & Rehabilitation Direcotr, a bik takin fakawm hlein ka hria a ni.

Tin, Vety. lamah hian thil engemaw te te han sawi ai chuan an hnathawh rahah hian lang mai hian ka hria a. Vawksa leh Bawngsa, Arsa lei tur atam em em a, hengte pawh hi Vety. hnathawh rah vek a ni a. Vawk leh Bawngvulh tanpuinate an han sem a, chu chu mipuite sa lama kan intodelh ta em em te hi Vety. Department te an fakawm hlein ka hria a ni.

Pu Speaker, khawngaihin ka hmanhmawh lutuk a, sawi pawh ka sawi tha thei lo zawk a. Supply Department hi a fakawm ka ti takzet a. Tunah April thla pawh kan la thleng lova. Fur chhung hun harsa a kan tla tur Buh an chhek ngah ringawt mai hi Department efficient tak an ni tih hi sawi loh theih a ni. Tin, Sericulture ah te pawh kum 2004-2005 chhung atang khanin mi chhungkaw 500 talin hei hi eizawna atan hmangwela tiin an target a, mahsela an han tih tak tak chuan mite pawh an zu hneh hiam a ni ang. Chhungkaw 3000 lai maiin Thing theihmute ching a, khatiang eizawna thlak hi an tum a. A lawmawm tak zet zet a, hengte hi kan jhuming hlawk lo tak leh fello tak thlak nan a pawimawh em emin ka hria a ni. Pu Speaker, ka lawm e.

**S P E A K E R** : Le, sawi duh dang kan awm tawh hrih lo a ni ang e. Leader of Oposition, Pu Hawla ilo sawm ang u.

**P U L A L T H A N H A W L A** : Pu Speaker, kan Demand sawi hi 4 lai a ni a. A pawimawh hlawm hle a. Demand 22 - na Sports & Youth Services ah hian sum kan neih tawh loh kan hria a, mahse, chuti chungin he Department hi a pawimawh em avangin tuna kan sum han dah chhina hi a duhthawh awm hlein ka hria a. A chhan chu, he Department hi tunlai kan vei ber leh kan do ber, kan ramina a tawrh nasat ber, Drugs leh Ruihhlo dona atana thil tha tak a ni a. Chuvangin, uar zawka chak zawka thalaite an nunkawng kan siamthat a. Thlarau nun thleng

pawha ka zirtir theihna tur atana Department pawimawh tak a ni. Chuvangin tunai hian nakin lokal zelah Revised Estimate te leh khawi khawi emaw addtionality kan hmuh theihna atang chuan kan sorkar hian vur se ka duh a, kan Chief Minister zahawm tak pawh hian lo hriatpui se ka duh bawk a.

Tin, he Department hi khawvela kan hmingthan thuai theihna tur, Department pawimawh tak a ni. Kan thalaite hi an chhuanawm em em a, tunah hian Bhaichung Bhutia a lo zin a, India Captain, English Football-ahte pawh zuk tel ve tawh ani. A ni ang hi tunhmaah khan sawm tel produced thei tawh kan ni a. Kan State hian, a ruala ka State danga 6/8 vel lai an thlante kha amah ang tluk ten amah aia tha vek an ni. Amaherawhchu, khatih lai khan kan thalai ten competitive spirit hi an la nei tawk lova. Discipline-ah te an tlakchham deuh avangin an ziktluak chho ta vek lo a ni. Tunah chuan hei, khawvel thangchho zelah inelna te a lo sang a, eizawna kawngah pawh thil tha tak a ni tih kan lo hriat hnuah chuan ka thalaiten an han tih tak tak chuan vawiinah chuan India ram chu kan awl hneh hle a. Bhaichung Bhutia ngei pawhin Mizote a beiseizia asawi a. Chutiang chu kan ni a. Chuvangin, tunah hian a facilities a la tha lo hle nachungin hengte hi kan hman tangkaina tur atan chuan Sorkarin a Coaching lamah te leh a Implements, a hmanrua te hian atih tam a tul hlein ka hria a .

Tin, Ground-te pawh hi an chei zung zung a, Standard Football ground ahan siam theih tam tak a awm a, hei Durtlangah hian tunah hian State Sports Complex nge, District Sports Complex ka hre lova, an siam mek a. A khua neitu te leh aSports lovers te khian eng ang chiah nge anih hi an la hre thei lo niawm tak a ni a. Football ground bakah engtengge awm dawn? Building te akeng tel em ? Tin, a plan layout te leh Estimate te hria alawi an awm lo niawm tak a ni a. Tin, earth cutting, widening ang chi an thawh mek te khi tutenge thawktu? Contractor nge department nge, engngeni? Tin, Retaining Wall ft. 20/30 vel laia sang pawimawh tak, khing te khi tu thawh nge? Uluk a ngai si a, a hnuailamah In a tam bawk si a, tihte hi an khawtlang hruaitu ten an hre duh hle a ni. Tin, Durtlang V/C te pawhin inti neitu takin Field Management Committee te an han din ve bawk a, mahselangin, vawiinni thlengin a department leh a enkawltute atangin engmah khati zawnga neitu chantirna tur atan a hmalakna a awm loh avangin engmah an la ti hleithei lova. Vawikhat mah meeting pawh an la nei thei lova. Chutiang chu a ni a, a pawimawh em avangin hengte hi eng anga enkawl nge anih ? tihte pawh hi kan hriat ve a tha a.

Tin, Thenzawla kan field neih saw tunah chuan atha ber ala ni rih a. Saw saw full stadium a siam theih mai a ni a, hun kal tawh lamah khan siam tumna awm a, tunah hian engnge an chhonzawm dawn em ka hre lova. Tin, a awmna a laili a, aclimate saw phailuma inkhelh thinna hun pawh a, phai lum ang climate, tin, thlasika a vawh lai ber pawha kan khelh dawn pawhin a vawt lai ber ang climate nei a ni a. A hmun a laili bakah. Tin, tuna kan ram dinhmunah chuan 400 mts. Truck six lane emaw han siamna tur atana awlai ber a ni . Chuvangin sawngte pawh saw han develop zung zung a tha a. Tin, District headquarters tinah hian Football Standard ground tal chu dah theih tum hi kan State policy ni se ka duh a. Khing Champhai angah te pawh awlai taka mi leilet nuai 4/5 a han laksak a, Ground tha tak siam theih a tam a ni. Keimah ngei pawhin a hmunte hmanni lawk pawh khan ka tlawh a, chutiang chuan tan han lak deuhva, siamthat theih tam tak aawm a ni.

Tin, Discipline hrang hrangah hian keini kan thalaite chu tunah hian contact sports ah hian a n tha deuh ber a. National Level leh International level-ah siamthat/tih hmingthat, India ram ti hmingmawitu an nih theih thuaina turte an ni hlawm a. Hei Thalkah ah kan han enkawl tak tak chuan International level pawh thleng phak kan han nei bawk a. Tunah hian thachhang dawltu ka nei tlem a ni. Talent a tam si a, chuvangin heng discipline hrang hrangah Weight Lifting-ah te, Shooting ah te thleng pawhin Mizo te chamkalna tur tam tak a awm a. Hengah hian Talent searching lam hi keimahni mai nilovin, National level atanga mithiamte ruaia kan kal chak chuan thalaite kawng dika hruai piah lamah eizawna kawngah te leh khawvelah India ram ti hmingtha theitute kan chherchhuahna tur a ni a. Helamah hian tan lak atul a ni.

Tin, Adventure Sports pawh hi kan ramah hian uar a tha a, khu Tuirial Airfield hluite khu chulam pang atan chuan kan khek kha ani a. Parasailing te leh eng engemaw te kan la duh ang a. Tin, nakinah chuan ka thalaite tan flying club te pawh kan la neih a la tul ang a, chung atan chuan hmun rem sa ruat a ni a. Hmanni ah kan thlir thin a, mimalin an ser 20 mai ang a tih hlauhawm khawpin tunah kuan dipdante a awm niin a lang a, ral atang chuan, khungte khu enkawl zui that a ngai a. Tin, tunlai khawvela game larber, Cricket ah hian ka thalai te an chemkal em em a ni. Hei a hmun pawh awm mang lo, Pitch pawh awm tha lo, ground pawh awm mang lo, reng reng hi Guwahati ah kuan vawi 2/3 an kal tawh a, tun 2/3 chu kan sponsored ve a. An zuk che tha nghal em em mai a ni. Assama club tha ber berte pawh khu an zuk hnehpui thei ve a ni. Chutiang chu ani a, chuvangin Cricket ground tur liau liau hi kan thalaite tan hian kan mamawh tak zet a ni. Chuvangin, Chiteluia Horticul-



ture Fare, Liability Farm neih reng ai chuan khungte khu a siam theih lawm ni? Engpawhnise, khawiah emaw tal hian Cricet ground tur hi a hranpain ka thalaite tan hian a tul hlein ka hria a. A pitch an han neih ve te hi an khawngaihthlak lutuk a, tin, fielding han ti tur chuan khup pilh pheng phung lo chuan tih ngaihna a awm lo a ni. Chutiang chu a nih avangin heng kawngah hian tan lak a ngai dawn si a, kan sum neih hi a beitham deul, vii ka hria a. Tin, tan han la tak tak turin a department, thatawk hle mah niselangin, State Sports Council hi tha taka a nih dan tur anga dina effective Sport promotion an tih theihna tur atan a ranglamin kan sorkar hian a din a thain ka hria a, chutiang kawngah chuan tanlak a tul khawp mai.

Tin, Tourism ah hian kan ram hi hei ramdang mi, India ram mi lokal nazawng hian Toursim Develop nan a that hi mawle, nakinah chuanin Revenue source tur a ni a, min ti a. A dikna thuitak a awm a. Kan ram hi mawi anti viau zel a, chungte avang chuan Tourist kan attract theih nan leh anni tana ammenities leh facilities kan pek theihna turin eng engemaw Tourist attraction siam a ngai a. kha nichinah khan Reiek bialtu zahawm tak khan a rawn, sawi a. Reiek tlang chutiang atana kan lo develop tumte kha a bul kan lo tan tawh a, lung kan phumin pawisate kan lo dah tawh a. Kan sorkar thar hian a hnuchhawn ta emaw ka tih laiin kha an lo tuaihnum chho zel a, a lawmawm hlein ka hria a. Khati khan, develope tur tamtak kan nei ani. Chumi rual chuan a thawktute hi develope an ngai tel ve a. Ammenities leh facilities te kan siam rual khan a thawk tute hi tunthleng hi chuan an dinmun hi a la tha lo hle a, nichinah kan ngaithla tawh a, ka sawi nawn dawn lova.

Tin, Service Security te pawh hi midang anga kan lo regularise thei lo a nih pawhin sum harsatna avang tein an service security te tal hi kan siamthat saka revenue earning department asiam theih mai tur niin a lang a. Chung kawngah chuan tan kan lak a ngai khawp mai.

Labour and Employment-ah chuan kan Labour Laws neihsa te hi kan Labour-te protection atan effective zawka kan hman a tul a. Chutiang kawngah chuan dan awmsa kan neihte hi tunah hi chuan kan hmang tha vak lo a ni. Chuvangin, hman that a tha a. Tin, Employment Exchange kaltlang lova, hna lak hi sorkar laipuite pawhin a huat berte zing ami dan bawhchhiat luihna a ni. Tunlaiin kan ramah a tam hle tih nimin lamah te kan han hria a. A pawh hle a, kha kha ngun zawka en a, a dan dik tak kha dan bawhchhe lova, kal kha tute tan pawh a tha a. Chuvangin, khatiawng zawng khan kan sorkar abik takin a department hian tum se a thain ka duh a ni.

Tin, Food and Civil Supplies chu kan hotuten an sawi tawh a, ka sawi nawn dawn lova. Ka han duh chuah chu Kawlbem khuaah kan Minister-in Quintal 1500 adah kha khawiah nge adah le, 405 pathum velin a phurh kha chu aretailer te inah an dah tih kan hria a. A dang zawng hi khawiah nge an dah le, Godown a awm si lova. Amah ngei hian han endik selangin, House, hi min hrilh leh selangin a tha aawm mange aw, ka ti a. House-ah hian thudik tak hi inhrilh thin a tha a. Chuvangin, amah ngeiin mita ahmuh kha min hrilh sela, kan awih dawn nia.

Chutiang chuan Pu Speaker, tan lakna tur tam tak aawm a. Tin, Buhfai chhekkhawl tih hi Kawlbema an chhek ang lek hi ani ang tih pawh a hlauhawm khawp mai a. Kawlbema an chhek ang lek hi anih chuan Pu Speaker, a thlamuan thlak chuang lova. Hei ruahte a han sur tan lehngal a ni a. Tin, an chhek tih an sawi chung hian vaibuh ration buh lo hi nei leh nei lova lei a ngai nasa hi a pawh khawp mai. Heng hi ka tawng an huatthu suhah rethei zawkte leh harsa zawkte chhawk nan chik zawka en a tha. Tin, kan retailerte hi an lal khawp mai, Zokhua lamah chuan, khawpuiah chuan kan hotute nen an inhnim hnaih avangin a sawi thei leh ati thei milian an tam avangin an ziaawm deuh a nih pawhin Zokhuaah chuan an harsa khawp mai. Hralhruk mai mai avanga mipuiin a an chan hi atam lutuk a. Hei hi endik a tha sorkar tha leh sorkar effective sorkar thianghlim kan siam dawn anih chuan helam kawngah hian Food and Civil Supplies ringawt pawh hian tan na tur tam tak a nei a ni, tih hi kan hriat a pawimawh khawp mai.

Tin, Law and Judicial-ah hei tunlaih hian State thenkhat chu Judiciary leh Executive seperation hi aawm loh avangin harsatna an tawk mek a. Supreme Court te pawhin azilh haute pawh an awm mek ani. Kan Cabinet hian decision a siam tawh a nih si chuan, hemi hi implement mai hi engnge harsatna aw, ka ti a. Hei tunlai hian case lar tak Minister zahawm tak Pu Auva case an tihte pawh hi Pu Speaker, a trying, trailing Magistrate keinin kan sawiphak a awm lova. Amaherawhchu, kan lo hriat dan chuan defendence ten an in defence na te kha consider a ni lova. Ngaihthlak pawh a ni lova. Expert-te a decision siam ang deuhin kan lo hria a. Chutiang te anih chuan Judiciary leh Executive Seperate loh vang ani ang, tih hi a hriat theih mai a. Tute emaw kan zuk demna lampang ni lovin, fair trail justice a awm theihna turin kha kha a ngai hle a ni.

Tin, Agriculture-ah khan hmanah khan Pu O.P.Singh-a Director kha kan hrem nawlh mai a Pu Speaker, a chungah action an la a, a dik e. Mahse, Bible-ah chuan a tirtu chung apik e, tih a ni a.

Tuma tirh loh chuan khati khan ati ringawt ngam dawn em maw ni dawn le, Director khan le. Chuvangin, khati lampang zawng khan kan ngaihtuah tur aniin ka hria a. Tin, ani kha kan hremna chhan kha adik tak tak a nih chuan tunah hian engnge action an lak tak zel, engtingge an tih tak zel, tihte pawh hi hriat a chakawm a. Chuvangin, an tirha khan engatinge a tawrh tak mai zawk le, tih kha keini ang a chhung lam va hre phak ve lo tan chuan ngaihtuahna tibuaitu pakhat ani a. A tirtu lampang zawkte pawh hi engtingge an tih zawk le, tih kha ngaihtuah theih tak a ni.

Tin, hei Horticulture-ah te leh kawng dang dangah sawitur tam tak a awm a. A pawimawh ber chu Pu Speaker, kan huan neitute leh a ching tute heng hian heng sum tam tak kan dah hi hlawkpui sela, asawngbawltu a Minister emaw a official lam emaw an hlawk thur thur a, In ropui tak tak an nei a, an hausak thur thur hian kan kut hnathawktu tak takte a hmuna thlansa phur kaia thawktute kawla ni chhuak chhiara a sur a sa hnuaiia thawk tute, heng hi an changkan phah chuang si lova. Chuvangin, a pawimawh ber zawk chu heng budget tam tak kan provide-naah hian kan kut hnathawktute kawla ni chhuak chhiara thawk tute, heng ho benefit-ah hian atam thei ang ber hi kal selangin, a sawngbawltute leh a thawk tute eiral mai mai lohin tih hi a pawimawh ber a. Chutiang kawngah chuan Minister pawhin tan an lak a ngai. Kan ram kan hnam hi kan dingchhuak dawn anih chuan Officer leh sumdawngte hi chu dingchhuak sa anni a. Nitina inhlawhfate ram leilung nghaisaa eizawngte hengho hi a beneficiary dik tak annih hi angai a ni.

Kha Animal Husbandry ah Bung Bungalow bulah kan lo earmark tawh kha member zahawm tak Reiek bialtu khan a thatzia a rawn sawite kha alawmawm khawp mai. Tin, a rawn sawi ang tak khan implement thuai thuai selangin, aduhawm ngawt mai. Tunah hian ran thianghlim lo kan ei zin zia hi hman zanah Seling-ah Hotel-ah chaw ka ei naah Vawk thisawn a hela tute mah pawhin an khawih duh loh te, Lak thlaka Aizawl Bazara an zawrh thute min hrilh a. Chutiang chu Aizawl khawpui hian kan ei thin a ni a. Chuvangin, khang kawngah te pawh khan chak zawka hma lakna tur a awm a ni. Heng sum kan neih ang ang kan dahte hi tha taka hman anih chuan kan ram kan hnam hian naktuk naktipah chuan mi entawh tlak kan nih theihna tur ani a. Chutiang taka an hman chu kan duhsak avangin a fel hlel lai nia kan hriatte leh anih dan tur awm a tha zawka kan ngaihte kan han sawi kha min ngaihpawimawh sak sela, ka duh a. Hei kan hotute nen kan han ti ti khan, ka sawi lo mai dawn emaw le, tih deuh vek mai kha an ni a. A chhan chu a sawt chuang lo em a, heta kan sawi hi an ti a ni.

Hei Minor Irrigation-ah chuan Bungtlang ah Rs. 3,00,000/- chuang Keitum-ah 2,00,000/- chuang MNF Workers ten an insem dan kha a amount nen lam hmanni khan ka sawi a. Kan Chief Minister zahawm tak khan a subject sawi ni, a demand sawi ni a chhan atan min kheksak a. Khang ang chite pawh kha engtingge maw Minor Irrigation kha khatia an insem zel chuan kan siam that theih ang le, tihte pawh kha ngaihtuah thom ani.. Ka lawm e.

**S P E A K E R** : Mahni chauh pawha zan khat na na na Public Meeting la thei kan ni bawk a, hun kan dukhawp lo hle a, a pawh khawp mai a, mahse, kan hunin min phal tawk a ni a. Kan Discussion chu kan duh tawk tawh ang a. Minister te wind up turin sawm dawn ila. A hmasa berin Pu Lalrinchhana sawm ila pass pawh han dil nghal sela atha ang e.

**PU LALRINCHHANA MINISTER** : Pu Speaker, vawiinah ka Department chungchangthu mi 19 in an sawinaah mi 17 velin an rawn sawi a, an thahnemngaihna hrang hrangte ka hmuhin lawmawm ka ti a. An thuin a kawh tlangpui ka record vek a, tunah ka sawi kim kher lovanga chu chu kan lo enzui leh ang a.

A hmasa berin Relief & Rehabilitation chungchangthu han tarlan ka duh a. Relief & Rehabilitation chungchang hi ram mipuite leh House ngei pawh hian hriatchian loh kan nei a. Relief & Rehabilitation hian natural calamities thil a huam a, chumi bakah chuan MNF returnee te a huam a, abak'ahuam lo a ni. Chutak maiah chuan mi harsatna tawk natural calamities thil ni si loah pawh hian Relief & Rehabilitation lamah ti hian mi tam takin an rawn pan thin a, kan hruaitute ngei pawhin an rawn kalpui thin a ni. Mahse, khang kawngah khan tanpui theihna kan nei lo a ni kan scope in a huam loh avangin tih kha inhriat hmasak ka duh a. Chuvang chuan, natural calamities thilah hian kan hmalakna ani a. Tin, he thil hi State in mahni tawka kan kalpui theih chi a ni lo, Central leh State tangkawp atanga kal a ni. Central in 75% an rawn tum a, State in 25% kan tum a, chu sum hmang chuan he natural calamities rawngbawlina hi kawhawp a ni.

Tin, he hna thawhna kawngah hian India ram pumah guide lines siam a ni a, chu guide line hmang lo chuan hna kan thawk thei lo a ni. Entirman, In ruahin emaw, thliin emaw rialin emaw a tihchhiat hian concrete building pawh nisela tanpuina sang thei arg ber chu Rs. 6000/- a ni. Rs 6000/- bakin a tanpui theih loh, chu chu All India norms a ni tlat a ni. Hei hi ava tlem ve tih san dan a awm lawm ni tih pawhin All India atana tih kha a ngai a, chutah chuan all India ah an ti danglam thei silo ani. Chu chu anih avangin khami rate khan tanpuina kan inpe thin a ni. Miin ruahsur avang emaw, rial tlak vang emaw, mei kan vang emaw leimin vang emaw khang chhhatna hrang hrang an tawrh khan all India norms a awm a, chumi base zel chuanin Central-in 75% a rawn tum leh State in 25% kan tum hmangin khami chhawmdawlina kha kan thawk ani tih kha inhriat atan ka duh a. Term hmasaah khan lo halin thil a tichhe nasa khawp mai a, kan fund pangngaiin a daih si lova, huan thei rah heti khawpin atichhia tiin additional kan dil thin a, mahse, min grand thei tlat lo mai a. Chuvang chuan, khatiang thilah khan tanpuina kan pe thei lo a ni. Nikumah pawh khan Monsoon a nasa hle a, kha kha thil a tichhe nasa khawp mai. Central-in budget a rawn siam khan a cover pha lo hrim hrim, kan la neih chu vaibelchhe 3 emaw lek ani, chutah chuan D.C. tin atangin report an rawn pe khawm a, chutiang belhkhawm chu vaibelchhe 40 tel man a ni tlat mai a ni. Central-ah kan tlan thla a theih tawpin kan nawr a ni. Central chuan chumi tanpuina atan chuan vaibelchhe 10 min pe a. Chumi bakah budget a kan sum neihsa vaibelchhe 2 leh tlem kha a n rawn ring nghal a, avaiin vaibelchhe 13 vel kan nei ta a ni. Chuta tang chuan vaibelchhe 10 vel hian tanpuina monsoon a harsatna a rawn thlen hian buatsaih a ni dawn a. Chumi hmang chuan tanpuina tur kan buatsaih ta a, Relief & Rehabilitation Department in direct a kan lo tih khan rangva bundle 5000 kan lei a, chu chu District tinah report awm atangin Secretary hovin an sem rual a, tichuan, D.C. te hnenah kha rangva kha an pechhuak ta vek a ni. Tichuan, V.C te chuan anmahni bial chhunga In chhia rangva a tanpui ngai te niin an hriat hrang hrang kha an chanpual atang khan an lo sem mai a ni. Chutiang bawkin Silpaulin te pawh atheih ang angin ka issue a, chumi hmang chuan an lo tanpui mai a ni. Hemi kawnga tanpuina kan pek chungchangah hian direct in hlan ka nei lova. Secretary pawhin a nei lova, Direct pawhin a nei lo. V/C kaltlang veka tih a ni. (PU LAL THANHAWLA : Pu Speaker, a dik lo palh thei a, ka information ah chuan Lungdaiah khan mihring chenna ang chi 190 ran in 17 vel a chhia a. Tichuan, Kolasib D.C. hian chhungkaw 18 hnenah Rs. 500 a pe a, tin, 500 bakah V/C leh YMA hnenah Rs. 1000 ve ve ape a, chu chu hnatlang thingpui lum nan. Tin, Minister zahawm tak hian Silpaulin 16 a pe a. Chu chu a phelin an insem a, In 190 tan khan tih ngiahna awm lova, tin, Kolasib D.C. in Silpaulin 20 a pe a. Chubak chu tuna norms a sawi ang khan an hmu lo niawm tak a ni a, chubak chuan pe tawh em ni, tuna rialin a tihchhiat kha a ni a. Tuna In 190 leh ran in 17 khati zawng kha tanpuina an hmuh a ni).

Engpawh nise, Pu Speaker, a in chhutchhuahnaah kha chuan District hotute kutah a awm ani. Mahse, kha mamawhna keini te nena in hre pawhin Silpauline te pawh pek chang kan nei. Tin, a bialtu MLA te pawhin a va mamawh ve D.C. lam atangin a av. m si lova, an tih chuan kan kawl chuan anmahni hnenah pawh pek ka nei mai a, chu chuan an va kalpui a, an ti bawka ni. Mahse, khangho zawng zawng kha keimahnin direct a kan pek sum emaw Silpauline emaw kha D.C. ah report let vek ani a. D.C. record ah a kal vek a ni. Chu chu helaia thil kan siam rual dan hi a ni. Chu chu anih avangin hemi kawngah hian kan agency chu District hotute an ni. District hotute kaltlangin thil kan kalpui a ni tih kha kan tarlang duh a ni, chu chu kan thil kalpui dan tlangpui a ni tih kha ka sawi duh a.

**S P E A K E R**

Kan Opposition Leader han sawiah khan khawi khua emawni In 190 lai a chhia a, pek tawh zat kha final nge ni ang a, pek belh leh theih ani angem tanpuina kha.

**PU LALRINCHHANA  
MINISTER**

Pu Speaker, pek dan tur bi a awm a, a suma intanpuinaah chuan, chumi pek dan tur bi hmang khan inpek a ni mai a, chutiang chuan kalpui a ni. Tin, tunah hian vaibelchhe 10 vel kha pek lohin a la awm a ni. Vaibelchhe 4 kha P.W.D. hna kawng chhia an umzui anga vaibelchhe 4 zet hengah hman a ni ang a. Tin, D.C. kaltlangin, Agriculture te, Horticulture te, Fisheries te, Education te, R.D. te, Social Welfare te leh R & R te pawh anmahni department aharsatna tawktu an report te theuh kha D.C. kaltlangin tanpuina a kal dawn a ni, chu chu tunah hian buatsaih chhoh mek a ni ta ani.

**PU SAIKAPTHIANGA**

Pu Speaker, V/C ina a rawn recommend angin a pe tawh tihna a ni maw? tuna kan Minister zahawm takin a chhan dan-ah khan (PU RINCHHANA MINISTER : a engber a kha?)

**S P E A K E R** : Ka hriatthiam danah chuan a la pe kim lo a ni. Tuna a sawi mekah khan pek tura la chhawpchhuah mek ala awm e.

**PU LALRINCHHANA MINISTER** : Pu Speaker, nia, la pek kim loh chu la pek chhonzawm leh anni ang. A rate anga la pek kim loh ho chu. (**PU SAI KAPTHIANGA** : A va rawn ti thleng har bawk ve maw le, D.C. pawh chuan le?) Awle, chu chu thil kan tih dan tlangpui chu a ni a. Awle, natural calamities thil hi a pung tial tial a. Chu chu a nih avangin central atang pawhin ruahmanna, a disaster management tur hi State level-ah District level-ah, Block level-ah leh Village level-ah pawh din tur an rawn ti a. Tunah hian kan din chho mek a, chung mite chuan natural calamities thil thleng ang angte, anmahni level ang angah lo ngiahtuahin khatianga a huhova beihtlan dan tur kha an buatsaih chho dawn ani. Tin, tunah hian lo inrin lawkna atan.

**PU SAILOTHANGA SAILO** : Pu Speaker, kan Minister zahawm tak sawi kha a dik lo chin a awm a, tuna kan ngen leh duh mai chu nikum December ni 7, 2004 a sorkara report thehluh tawh Lungdaiah bawk rial tlak avanga thlai atihchhiat man Rs. 19,51,500 vawiin thlenga la pek loh pek tur anga ka Starred Question anga in chhan. Hei hi Pu Speaker, tuna adin lai hian apek hun tur min hriih thei ang em? tih kha ka va hre duh em?

Pahnihna, kan bial Lungdaiah te, Thingdawl, Zanlawnah nasa takin In a chhia tih kha ka report tawh a, tunah ruah a sur mek a. Bialtu rilru atang chuan rilru pawh a hah duh viau a. Kha kha kan Minister zahawm tak hian zaninah Kolasib V/C te emaw Lungdai, Zanlawn leh Thingdawl V.C.P. te kaltlangin enge kan dinhmun leh harsatnate kha min zu hriatpui thei ang em? Harsatna lo nei ta selangin kan Minister zahawm tak hianin a theih chen chen Silpaulin emaw, engemaw immediate relief emaw supply emaw kha min tihsak thei angem? tih kha ka va hre duh em?

**PU LALRINCHHANA  
MINISTER**

: Pu Speaker, sum hi helaia direct-a kan tih theih hi a tam vak lo a, Central-in a rawn sanction sum a awm hunah chuan kan ti thei chauh ani. Nikum April, May vela mi pawh kha vawiinah D.C. kaltlangin pek kan tum e tih kha ala ni chauh. December thla lama mi chu a la hriuhnung em em zawk a ni, chu chu a kalphung a ni a. Chuvang chuan vawi leh khata han tih theih chin chua a awm. Amaherawhchu, a tam ber erawhchu, chuti rum ruma han tih theih a ni lo. Zawiin sum neih dan a zirin khang thil kha la pek chhoh zel erawh chu ka kalpui theih dan ni selangin a tha ang e.

Awle, chutiang ang chuanin R.R. hmalakna hi akal a, tunah hian kan ramah chhiatna tawh dan leh chumia chhawmdawlna kan tawh dan hi a tha tawk lo em em. Amaherawhchu, kan sum neih theih dan china kal a ni tlat si a. Chu chu a nih avangin duh thu a sam lo. He duhthu sam lo hi engtingge hma kan lak ang tih chu theih tawpa kan la bawhzui tur chu a ni ang.

**PU SAILOTHANGA SAILO**

: Kan Speaker, zahawm tak, i tan thil sawi pawh a harsa thei a. Ka hriatpui che a. Amaherawhchu, a tawp ber atana kan ngen leh duh che chu Lungdaiah khan D.C. leh a hoten Silpaulin 40 pe turin an la chhuak a. 40 ah chuan 20 chauh pein abak 20 an hawn thla leh ta a. Lungdai mipuite ngaihdan pawh a ni lo em em a. Tichuanin ka sawi ang khan Lungdai, Zanlawn leh Thingdawlah a rang thei ang bera Silpaulin an mamawh tawk engtikawng zawng pawha zaninah emaw naktukah emaw an hmuh hman ngei tura pe turin kan ngen che a a hmunah ngei ka kal a, he khaw pathuma a in zawng zawng hi ka tlawh chhuak vek a ni. Pu Speaker, ka hrechiang khawp mai. Chuvangin, Aizawlah In tha tak tak chhawng li chhawng nga kan nei. Helai atang ringawt hi chuan kan hrethiam lo thei. A hmunah kal a, In zawng zawng tlawh chhuah chuan an khawngaih thlak awm khawp mai. Tanpui an ngai ani tih kha kan sawi belh duh a ni. Ka lawm e.

**SPEAKER**

: A chiang e, thil pakhat, Ni e, kan sor-kar kalphung hi a bik takin sum leh pai han hman theihna dan kan financial rules te hi tunhma, British-in min awp



laila mi kha kan chhawm chho a. Chuvang chuan a kalkawng hi a kual thin a, sanction lo chhuah a, a taka han hman theih tak tak hi a rei fu thin a. Chuvang chuan han duh khawp loh deuh chang hi a awm thin a. Amaherawhchu, hengah hian immediate relief tura hi a vai ang chiaha a theih loh pawhin immediate relief ang chia thil han tihdan a hi ngaihtuah theih se tih hi kan member ten an duhdan a nih chu maw.

**PU LALRINCHHANA  
MINISTER**

Pu Speaker, Lungdai bik chungchangah khan report a lokal a. Kolasib D.C. khan a rawn sawi a. "Silpaulin an mamawh a ni" a rawn ti a. "Lokal rawh u" ka ti a.

An lo kal a ni. Chutah chuan "Engnge an mamawh dan ka ti a. "A. 40 vel chuan a tih theih mai ang" a ti a. SDO a lokal a, a ni chu a kal ta a, chutah chuan Lungdaia dah tur awm tawk a ngaih kha 20 a lo dah a. Tichuan, kha kha an han khuh a, mahse, a daih lo hlekin direct-in an rawn report a. "Nangman i rawn thawh thei lawm ni?" an rawn ti a. Chuti na na na chu ka ti a. Silpaulin pawh tel hnih velin ka inring reng ani. Tahchuan ka enpui a, khuh tawk awma an ngaih khan a khuh tawk hlawm lova, chumi avangin 16 ka pe ta nghe nghe a ni. Chuti ang chu a ni a. A tlangpui thuah chuanin khatiang mamawhna kha D.C. te kaltlangin kan pe a. Chutah a beitham a, kan hnena an rawn sawi chuan keini pawhin kan enpui a, a tul ang directorate pawhin an enpui thin a ni. Chu chu thil kaldan a ni. Tunah pawh D.C. ten mawh an phur chutah chuan an en ang a, an neih loh chuan Directorate-ah an rawn report ang a, Directorate-in a tul a ngin mamawhna puhrukna tur chu an buatsaih dawn a ni. Chu chu ka kalpui dan ani. Awle, chu chu kan ha sawi theih dan ni phawt sela.

Tin, Animal Husbandry chungchangah khan, State-ina kan Plan sum pangngai hi chuan thil kan thawk tam thei lo em em a ni. Amaherawhchu, project an buatsaih atangte central pool fund atang te, NEC atang te khan Project hmang khan sum leh pai kan sanction a ni tin a. Chumi hmang chuanin Project thar buatsaih thin a ni. Tunah pawh hianin Central atanga kan Plan sum han thlir chuan tunah hianin Annual Plan hnuaiiah Rs. 694 lakhs kan nei a. Hetah hia Mautam dona turin nuai 220 dah a ni a. He Mautam dona BAFACOS hmang hianin chhungkaw 561 hnenah tanpuina kan pe a. Chu chuan Vawk te, Bawng te, Ar te an vulh dawn a. Bawng vulhtu chu cheng nuai khat vel pek an ni ang a, Ar leh Vawk vulhtute chu Rs. 30,000 emaw Rs. 40,000/- vel pek an ni ang a. Chuti ang chuan an eizawna buatsaih pui an ni dawn a ni.

Chubakah chuan helai State sorkar a kan Plan sum hmangin hmalakna tur chi hrang hrang kan buatsaih te a awm ve a. Central atanga lokal matching share a tan laks 42 dah a ni a. Ran 1,95,183 Vety. Hospital leh Dispensary bakah thingtlang centre hrang hrangah Ran te enkawlin a awm a ni. Tunah hian Central sponsored scheme te leh non-lapsable Central Pool of Resources Fund te leh NEC sum atangin project hrang hrang kan nei a. Kan project zingah chuan nichina kan memberte sawi tak pakhatnaah chuan Ranchaw siamna khawl kan din a, chuta mi atan chuan vaibelchhe 7, nuai 25 an rawn sanction a. Chutah chuan vaibelchhe 4 nuai 36 chu rawn released a hman a ni tawh a. Chu chu Tanhril a tuna kan Khawl siam khu a ni. Khu khu raw-material kan ngah tawk a, he khawl ka din hian kan ramah ranchaw indaih kan herchhuak ang. Tunah kan herchhuak thei ang kan ti lo, mahse, kan ramin ranchaw a mamawh a, Phairam atanga lakluh a to si a. Chuvangin ranvulh tuten Arpui atan pheichuan ar an vulh ngam lo ani. Aman a to lutuk. Phai ram kan compete zo lo. Chutah chuan kan ram hian ranchaw tlawm zawk a lei theihna turin a industry din phawt ila tichuan kan ramah Vaimim te, Bekang te, Pangbal te pawh ching uar turin kan inzir tir ang a. Chung atang chuan raw-material kan lo ngah ang a. Kan Industry atang hian kan ramah ran chaw leh ran a intodelhna tur kan buatsaih chho thei ang tih hisap a kal kan ni.

Chu chu anih avangin a bul kan han tan a, khawl kan din ta a. Hei le khawl kan din ta tunah chuan Vaimim, Bekang hmangin ranchaw kan siam dawn e. Loneitute pawh a sirah Bekang ching tel rawh u, kan inti a, kan fuih a ni. Agriculture pawhin tan an la tan a, chutah chuan loneituten an tih theih ang chin tunah chuan a kal tlat a ni. Loneituten Vaimim leh Bekang an buatsaih a chu hei kum 2 ani tawh a, a kum telin suply a pung tial tial a ni. Chu chu a ni akum 4/5 hnuah chuan khulai khuan tam zawk a herchhuak theihna turin raw-material kan nei ang tih kan ring. Chumi hmang chuan khu Industry khu tih puitlin kan tum ani. Chu chu kan target leh tum dan a ni.

Vawiinnia raw-material tunhmaa a thawhchhuah tawh khu atlem lutuk tih nghal chi a ni lo. Kan ram dinmunin a la zir lova. Raw-material tam zawk neih theih nan Agriculture leh mipui tan lakna zarah a lo pung tial tial ang a, khu khawl kan dinchhan khu a la hlawhtling dawn ani. Chu chu tuna kan kalfpui dan a ni.

Chutiang bawkin Piggery Village buatsaih a ni a. Ranvulhtute, Vawk vulhtute Vawk an vulh dan tlangpui hi eizawna penhlelah an ti a. Kan vau deuhin an vulh pung deuh a, atam

deuhin an bansan leh a. Vawksa intodelhna kan thleng tak tak dawn lo a ni. Chu chu anih avangin hetiang a eizawna/eizawngtu siam sak turin ngaihtuah nise tih Central-ah kan move a ni. Central a kan move ah khan heng an sum ruahman hi keimahnin helaia tha kan tih anga tum aia hlawhtling zawk a kan kal theih ka ring. Mahse, anmahniin an approve theih dan a awm tlat a ni. Chu an approve theuh danah chuan a bikin Piggery Village buatsaih nise infrastructure State Sorkar kan tum ang a, chutah chuan anmahni tan ran an vulh ang a, an ti a. Kan proposal ah pheh chuan Vawk 20/30 vawikhat a vulh puitling tur chuan a chawmpuina te buatsaih ila tiin. Engpawh nise Principle in kan pawm e, bul rawn tan rawh u, an ti a. Tahchuan hna kan thawk tan a. Vaibelchhe 19 vel estimate kan siam a. Mahse a tak taka an rawn kalpuinaah chuan infrastructure kan tum ang a. A hnua mimalin anmahni tan ran an vulhna chawmpui leh zel erawh chu chumi atan chuan sum kan rawn sanction thei lo an ti si a. Chuvangin, an In leh lo tur kan buatsaih a. Kawng te kan buatsaih sak a. Electric leh tui te buatsaih turin kan buatsaih a. Mahse, vawi leh khat a hei hi thleng thei zung zung a ni lo. Power leh PHE department zawk an rawn siamtir a ni a. Chung chu ti turin kan ruahman a. Chutah chuan Vawkte Kawkulhah khian 10 kan pe phawt a, chu nen chuan an lut ta a. Mahse, an neihin a tlin lo. Hei hi a tirah pawh kan hrilh vek. Kan ruahman dan a tirah chuan chawmpui zel che u ani. Mahse, Central approve danah chuan a In leh In chenna tur leh Vawkte 10 kan pe che u ang a, nangmahni ta tur in vulh chho ang a. Invulh chhoh that dan a thu thuin nangmahni kutah a awm ang kan ti a ni. Chu chu a huam zawng kha a vulh turin rawih an ni. A Vawkte chuan dil rawh u kan ti a, dilna Champhai District chhung anih angin Champhaiah dilna kan hawng a. A diltu te chu Champhai D.V.O. hoin leh Board a thlan te chuan Vawkvulh hna an thawk a ni.

**PU ANDREW LALHERLIANA :** Pu Speaker, a tir a mi ang approve lova infrastructure tan chauh a ni tih sawi lai pawh khan a beneficiary turte hnenah khan inhrilh lo a ni.

Tin, khatiang anih chhoh takah khan a alternative scheme plan fund atangin emaw a working capital ngaihtuah pui anih lohna lai kha a failna chu a ni. A chhan chu a infrastructure development tih ringawt a, a lut a ten Working Capital nei lova eitur pawh nei lailaw lo an nih chuan khitiang a awm tur a ni reng a ni. Chuvangin kha kha a hlawhtlinna tur ngaihtuah turah khan "DONER" atanga ngaihtuah a taw lo tih chu department pawhin a hria ani. A plan an "augment" dan

tura step lakna turah khan tan an lak loh avangin a chhumbung ta a fail ta a. Tunah pawh House Committee in a recomment danah pawh hian, hei hi rectify tur chuan plan fund emaw source dang atangin emaw ngaihtuah sak an ngai a ni.

**PU LALRINCHHANA  
MINISTER**

: Pu Speaker, anmahni lak luh dawn pawh khan kan hrilh lawr vek a ni. He infrastructure bak hi kan pe thei dawn lo che u a, nangmahniin in inchawm anga mi Vawk te hi in chawm dawn a nia. Chu chu inhuam chuan in lut ang kan ti a, an lut a ni. Mahse, an luh hun a harsatna an tawhah department pawhin theihtawp a chhuah a Bank Loan lakpui dan a zawng a. Tichuan Chief Secretary hoin helai Mizoram a Bank neitu ho pawh Bank loan pek chhuah hi in mawh a ni tiin theihpatawpin an nawr a. Tahchuan Bank ho pawhina hrethiamin rawn move rawh se an ti a, an move a. Mahse, vawiin thlengin Bank loan kan la la hlei thei si lova. Chuvangin duh angin kan pui thei lo a ni. Mahse, kan theih ang anga kawng zawnpui zel chu ka tum a, tihhlawhchham kan tum lo.

Tin, tunah khan Government-in ran khi a vulh a ni lo, mimalin anmahni tan an vulh a ni. Thenkhatin hei hi privatise nise kan ti a. Privatise a ni sa daih tawh. A In leh anmahni chenna In tur khi kan hawh tir a ni. Vawkte a thlawnin sawm (10) kan pe bawh. Khatiang khan anmahni tan private-in ran an vulh a ni. Chu chu tuna an kalphung khi a ni tih kha kan tarlang duh bawh a. Tin, Kawlculhah khitiang khi a nih tak si avangin hetah Sairang leh Pukpui ami pawh kha, a tira kan tihdan kha chu a lo fuh hauh lo.

**PU ANDREW LALHERLIANA :**

Pu Speaker, Kawlculha intih dik loh avang khian keimahni pawhin Recommendation kan tih darah Kawlculh ang khian hmundang chu ti suh u. (SPEAKER : Ngawi rawh khawngaihin, Recommendation kha tukinah in table chauh a ni a, chuvangin Recommendation kha an la study hman lo ah ngia ila, kha lam kha chu lo study ngei a a theih chin chin lo ngai pawimawh turin kan beisei ang a.)

**PU LALRINCHHANA  
MINISTER**

Pu Speaker Recommendation pawh hi kan lo study ve ngei ang a, a theih ang Angin thiltih dan pawh kan lo ngaihtuah ang a. Tunah hian Sairang leh Pukpuih chuan tiang hian kan ti ta a ni. Hei, a tih theih dan chu heti hi a ni. Kawlkulhah khitiang khian kan han ti rup mai a, kan hlawhchham deuh pawhin a lang a, an buai ta riau mai a, chu chu a nih avangin a In leh lo kan buatsaih zo ta, tichuan tunah hian nangniho, kan thlanchnhuahte hian ran invulh theihna turin ram kan pek theuh che u ah khuan ran chaw zu buatsaih rawh ule, Ran chaw buatsaih ula, tichuan ran kan vulh thei tawh intih hun hunah ran kan pe ang che u, tunah pawh Vawk pahnih ka vulh thei nghal tawh intih chuan pahnih kan pe ang che u, kan ti a ni. Tahchuan thenkhat chuan, Ni e, pahnih ka vulh thei nghal an ti a, pahnih kan pe mai a ni. Mahsela, thenkhat chuan kan la vulh thei lo an ti chuan kan la pe rih lo. Ran chaw an ching ang a, tunah chuan ran vulh thei dinhmunah ka ding tawh an tih hunah ran chu kan pe leh ang, a sawm tel pawhin kan pe leh dawn a tul angin, chu chu tuna kan kalpui dan a ni. Khita harsatna ranvulhtute kan thlentir ang khi kan thlen tir ve tawh lohna turin hetiang hian kawng kan siam a ni. Tunah hian tumah kan nawrlut lui nghal lo, Pukpui leh Sairangah khuan, a duh chu zu awm nghal rawh u le, ran chaw tihna tur ram pawh khu zu enkawl ula, ran chawte ching ula, tichuan ran kan vulh theiin tih hun hunah ran vulh tur chu kanrawn pe ang che u ka ti a ni. Chu chu tuna kan kalpui dan a ni.

Tin, chumik bakah pawh ka han sawi ang khan anmahni hlawhtlinna tur kawng pawh kan dap pui zel a ni. Chuvang chuan hemi kan kalpui danah chuan Centralin min approve pui theihna dan anga kan kalnaah hian hlawhtlin theihna ktur chuan kan theih ang angin hma kan la a ni. Chu chu tuna kan kalpui dan a ni tih kha kan tarlang duh bawk a ni.

Tin, Mizoramah Bawnghnute kham khawp kan neih theihna turin hma kan la zel a. Aizawl khuaah pawh Diary Plan kan buatsaih a, MULCO in tunah hian a enkawl ta a. Tin, Lungleiah sawn Diary Plan kan buatsaih leh a chutah chuan Department-in saw chu a enkawl leh a. Kolasib-ah tunah khuan kan din leh mek a. Chu chu kan la commission chiah lova, reiloteah commission theih a nih kan ring a. Chutiang bawkin District headquarters tinah hian Diary Plan hi buatsaiha Mizoramah Bawnghnute duh tawkan hmuh theihna turin kan buatsaih a. Tin, khami diary plan kan buatsaihna area zelah khan Bawngpui subsidy kan pe a. Tunah pawh Kolasib-ah khuan a za tel bawnghnute tam chi vulh duh tute hnenah chuan subsidy kan buatsaih a ni. Chutiang chuan tunah

hian kan kalpui mek a ni. Tin, Mizoramah hian ran hrisel a awm theihna a tan tiin ran enkawlina tur kan buatsaih a. Chutah chuan Rs. 1,15,13,000/- vel hmuh a ni a, chung hmang chuan damdawi te leiin vaccination te kan ti a. Ran 166743 hun kaltaah khan ciu tawh a ni a. Chutiang scheme hmang chuan tunah hian Disease Investigation Laboratory leh Vety. Centre te pawh scheme siamin Rs. 17,00,000/- velin chung ruahmanna thar chu kan buatsaih a ni. Tin, State poultry Farm pawh tunah hian buatsaih kan tum a, chutah chuan kan opposition Leader bialah sawn kan chhung khawm deuh nghe nghe a. Rs. 85,00,000/- in Serchhip leh Thenzawlah sawn Poultry Farm Improvement atan kan buatsaih chho nghe nghe a ni. Tin, Bio gas hi tunah hian Central bultumin Biogas Plan 195 siam mek a ni a. Heta tan hian Rs. 34,22,000/- ruahman a ni.

Tin, Slaughter House hi Central sorkarah kan zu ti a, mahse, a hmam, Session hmasa lama kan sawi tawh ang khan Slaughter House hi L.A.D. kutah a awm thin a. Amaherawhchu, hei hi Vety. Department kuta awm chi a ni e, tiin State sorkarin Vety. Department kutah a dah a. Chuta tang chuan Central sorkarah hemi tihna tur hi kan zu sawi a. Amaherawhchu, NEC kutah an rawn dah a, tunah hian NEC chuan Rs. 3,21,00,000/- min approve sak a, Rs. 1,00,000/- sanction an rawn siam tawh a. Chumi hmang chuan tunah a in kan sa mek a, tin, a khawleina tur Rs. 1,00,00,000/- chu tunah hian release turin an rawn ti leh tawh a, chutichuan khulaiah khuan Slaughter House changkang buatsaih a, a sa kan ei mai bakah pawh a ven te, a ruh te, a thi te, khang hrang hrang pawh kha process-na tur khawl buatsaih a, chutianga hma la tur chuan kan inbuatsaih a ni. Tichuan hei kum 2005-2006 chhung hian Annual Plan Rs. nuai 824 hi Animal Husbandry hnuaiah ruahman a ni a, Dairy Development hnuaiah nuai 40, ruahman a ni bawk a. 2005-2006 chhung hian Mautam dona scheme BAFFACOS Plan hnuaiah nasa zawka kalpui tum a ni a. Hemi a tan hian nuai 330 ruahman a ni a. Chutah chuan chhungkaw 620 zetin tangkai pui turin kan beisei a. Chutiang chuan hmalakna kan nei a ni. Heng bakah hian Central Scheme hrang hrang do letna turin Rs. nuai 30 vel ruahmanna kan dah a, chutiang chuan tunah hian A.H. & Vety. Department chu hma la turin kan inbuatsaih a ni. Chutiang chuan tunah hian thil kan ruahman a ni. Tin, kan member thenkhatin hmun kilkhawr zawka R.H. Centre te hi rawn chei theih a ni lawm ni? an ti a. Keini pawhin kan ngai pawimawh em em a. Hun kalta a kan hmun lo buatsaih te changtlung zawka buatsaih turin tuna tang phei chuan tan ila thar ang, tih hi kan ngaihtuahna a ni. Amaherawhchu, he thil ti hlawhtling tur hian a pawimawh hmasa chu a mihring Doctor leh VFA te kan nei tlem lutuk hi harsatna kan tawh chu a ni a. Chu chu State sorkarah pawh kan mamawh phuhrukna tur

hian min rawn ngaihtuah pui teh u tin kan dil mek a, reiloteah thawktu pawh kan neih pun belh kan beisei. Chutiang chuan Zokhaw kilkhawr zawk tlema kan tih changtlun theih loh pawh kha ti changtlung turin hma rawn lak deuh deuh kan tum dawn a ni tih kha kan tarlang duh bawk ani.

Awle, chubakah chuan Pu Speaker, Transport Department han sawi leh lawk ila. Transport Department hian tun Financial year ah khan February ni 5 thlenga MST Bus service-ah Rs. 1,34,97,000/- sum kan la lut a. Tin, Motor Registration leh Driving license leh Road Tax leh Fine ah Rs. 3,37,13,000/- kan la lut a. Helaiyah hian sorkarin target min tuk chu Motor Registration leh Driving License velah pheih hi chuan kan exceed tawh nghe nghe a ni.

Tin, hemi Type Writer leh lehkhapuan hmang ringawt a District in Motor Registration te, Driving License vel ilo te buatsaih hi a tha tawh lova, chuvangin tunah hian Computer hmanga buatsaihna kan kalpui a. Computerisation of Registration of Vehicles (VAHAN) an ti a, chumi leh Computerisation of Driving License Sarathi an ti a. Chu thil pahnih chu Aizawl District leh Lunglei District-ah hawn a ni tawh a, District dangah pawh hei hi hawn chhonzawm zel tum a ni tih kha kan tarlang duh a.

Tin, Bus hi a hlui/senior hlawm khawp mai a, chu chu a nih avangin Bus senior tawh hi tihrala Bus thar buatsaih thain kan hria a, tunah hian Bus 5 chu a body sak mek a ni a. Bus 6 dang lei belh tum a ni a, tin, a senior tawh sum lakluhna atana tlak vak lo hi tihral rang pawh kan tum nghe nghe a ni.

Tin, Member thenkhat ten an sawi angin Ambulance Bus 3 tunah hian central lam atangin pekin kan awm a, heng hi a tul ang anga hmang turin kan inbuatdsaih tawh bawk a ni. Tin, Inter State Bus Terminal Chaltlang sak mekah khian za a sawmthum chu zawhin a awm tawh a, hei P.W.D. in an enkawl mek a, hei hi hlawhtling taka kalpui thuai kan inbeisei a ni. Tin, collection of passengers and goods tax, hei hi Taxation Department kut atangin tunah hian Transport Department kutah hlan turin tih a ni a, April ni 1 atangin Transport kutah a awm dawn a, chumi avang chuan Transport-in kan kalpui theihna turin hei dan kha amendment siam a ngaih avangin kan rawn pulut anih nghe nghe kha, hei hi House pawhin tha takin min pass sak ang a, tichuan April atangin collection of passenger and goods tax hi chu Transport Department-in a kalpui tawh dawn a ni. Chutiang bawkin Inland Water transport pawh hi P.W.D. kut atangin Transport kutah hlanin a bul tanna tur kan buatsaih

tan mek a ni. Tin, Central Workshop pawh saw hman atangin lo buatsaih tawh a ni a, amaherawhchu, kan hmang tangkai lo khawp mai. Chuvang chuan sawtia sum tam tak senga kan lo ruahman tawh saw tangkai zawka hmang turin kan inbuatsaih chho a, improvement kan buatsaih mek a ni.

Tin, Mizoram chhiatna tam ber bul hi kan sawi thin angin driver te that tawk lohna a ni fo mai a. Chutah chuanin Mizoramah hian driving school tha kan la nei lo reng reng mai a, driver tha zawk kan chherchhuah theihna turin tiin tunah hian Central sorkarah driving school din kan nawr mek a, a ni pawhin mi an ngaihven puiin kan hria a, rei lo teah driving school hi kan hawn theih kan inbeisei a ni.

Tin, Transport Department hi hun kaltaah khan kei ngei pawh opposition-a ka awm lai khanin engatinge revenue la lut tur leh sum hmu tura ngaih leiba nasa tak mai a awm reng tih kha kei ngei pawhin ka aupui tam tawk a, tichuan tun term-ah hian ka ko ah transport a lo inngat ta a. Chumi kan hmuhchiah chuan ka huphurh hle a, engtinge kan leibat hi kan solve ang, tih hi ka rilruah a lian a, nikum atang khan kan department hotute nen kan sawi ho a, a ni pawhin an lo lungkham em em a, tan an lo lak tan tawh a ni nghe nghe a, tichuan tan kan la tlang a motor parts hi a pawimawh chin chiah lakkhawm tum ila, tin, Motor parts lakkhawm hi fimkhur loh chuanin part tha tawk lo lei hi a tam chuanin a chhe rang em em mai a, tichuanin insensona a pung nasa em em a ni. Chuvang chuanin motor parts siamtu company te pawh indawr pawha, anmahniin agent tha a an siam te, chung mite ta bik te chu lei ila, tichuan sum leh paiah pawh hian kan sen hi a tlahniam ang tih hi ngaihtuahna kan nei a, chumi bakah kawng chi hrang hranga hmalaknaah khanin sum a renchem theih ang berin hma ila teh ang u, hetia sorkar a hlawkna tura thil ti theih awma ngaih hi sorkar pawhin department hrang hrang atang leh hotuten an rawn sawi thin atang pawhin hlep lo hlawh lo talin in kal thei lawm ni, tiin mi an au tam tawh a, tan kan la tur a ni, tiin kan infuih tlang a. Tichuan Officer mai pawh ni lovin driver thlengin theihpatawpin tan la turin kan infuih a, chumi a zarah chuan progress a tha khawp mai a, tunah hian financial year thar April thla atang pheichuan leiba enghelh nei lovin a tharin khatiang anga ti theih turin leiba awm lo anga kal theih tur dinhmunah kan ding chho ta niin kan hria a, ropui kan ti a, kan lawm tak zet a. Kan department hotute leh ka thawktute zawng zawng hnathawhnaah lawmawm ka ti a, kan House hi hrilh chakawm ka ti em em a, ka rawn sawi chhuak a ni. Chu chu Pu Speaker, a tlangpui thuin kan sawi theih ni sela, akip a kawiiin kan inhrilhfiah kim thei lova.



Thil pakhat kan sawi leh duh a chu nichinah member thenkhat ten an sawia kha Motor insurance chungchangthu kha Session hmasaa an sawi ang kha kan umzui ta a department-in. Hemi lai levela insurance company te nen indawra mahse, an sawi an sawi takah khan atawpah an tanna chu helai hi chu branch mai kan ni a, keinin hetah tih danglam theih a ni lo, tuna kan kalpui bak hi keinin kan ti danglam thei lo, an ti ta tlat si a. Chuti anih chuan tiin Kolkata lama an hotute nen kan indawr zui ta a, tichuan khami indawr na kha chak takin kan kalpui ta a. Tunah hian Mizoramah ani pawh rawn chho a, helaiah kan Commission turin programme an siam a, an rawn chho ang a reiloteah hemi chungchang solve na tur hi an ngaihtuah ho dawn a ni. he harsatna hi kan solve theih ngei pawh kan inbeisei a ni, hemi tan chuan tih tak zetin tan kan la ani tih kha kan tarlan duh a ni.

Awle, Pu Speaker, ka Demand hrang hrang demand No. 20 - Relief & Rehabilitation atan Rs. 4,00,80,000, Demand 34 - Animal Husbandry Rs. 18,36,65,000/- Demand 42 - Transport Rs. 18,87,11,000/- a zavaiin Rs. 41,24,56,000/- hi he House zahawm tak hian min pass sak turin ka rawn ngen e.

**SPEAKER** : Awle, Minister zahawm tak Pu Lalrinchhanan a demand No. 30 - Relief & Rehabilitation demand No. 34 - Animal Husbandry leh Demand No. 42 Transport Department te tan a vaiin Rs. 41,24,56,000/- chu pass sak a rawn dil a, pass remti apiangin remti, ti rawh u le, remti lo kan awm chuan remti lo ti rawh u le. Awle, Pu Lalrinchhana Demand No. 30 - Relief & Rehabilitation tan Vaibelchhe 4,00,80,000/- Demand No. 34 - Animal Husbandry tan Rs. 18,36,65,000/- Demand No. 42 - Transport tan Rs. 18,87,11,000/- avaiin Rs. 41,24,56,000/- chu House-in lungrual takin a pass ta a ni.

Tunah chuan Minister zahawm tak Pu H. Rammawi kan sawm ang a, han wind-up a pass rawn dil turin i lo sawm ang.

**PU H. RAMMAWI MINISTER** : Pu Speaker, member 19 in demand sawi honaah khan hun an hmang a. Chung zingah chuan 18-in ka demand hi an

rawn sawilang vek a. Pakhat sawilang lo pawh kha Kawnpui bial ami kha a ni a. Chhiatna tawh harsat thu sawi a ngaih vang kha a niin ka hria a. Hunin a daih lo niin ka hria a, a lawmawm ka ti tak tak a ni.

Pu Speaker, thil dang kan sawi hmian hmanna he House a kan sawi, House information atan sawilan duh ka nei a. MIP chungchangah Chhiahtlang, Vaphai, Ngaizawl chungchang sawilan kha, thil awmdan he House information atan vawiin hi aremchang bawh a, sawi athain ka hria a. Chhiahtlangah khan beneficiary 617 anni a. Mahse, hming double kha kan officer te khan In tinah an lut chet chet a, pawisa dawng tawhte pawh khan tlawm an lo ngai a, 12 hming double kha an hmuchhuak a. Khang khan pawisa pawh an return vek a ni tih kha House information atan ka sawi duh a.

Tin, Vaphai khuaa beneficiaries 322 sorkar record- kan han en a. 322 chiah kha pawisa pawh kan pek an ni. A aia tam pawh kan pe lo, Vaphai khuaah khan, Beneficiary 412 anga he House-a hmanna kan sawilan kha, kan record-ah chuan 322 a ni tih kha House information atan ka han sawi duh a. Chutiang bawh chuan Ngaizawl khuaah khan beneficiaries 98 kan Official record-ah a awm a. Chumi te chu pawisa kan pek an ni. A aia tam kha kan record-ah a awm lo, tih kha a hmasain House information atan ka han sawi duh a.

Pu Speaker, a hmasa berin Law & Judicial Department chungchang kha kan sawikai deuh vek a. Pu Speaker, Separation of Judiciary chungchang pawh kha tamzawkin kan sawikai a. A pawimawh bawh a. Cabinet-in Separation of Judiciary hi Mizoramah tihve ni rawh se, tih decision a nei tawh a. Kha kha notify tur a ni a. Notify hi a awlai lo khawp mai a. High Court ngaihdante ngaihtuah thlen a ngai a. High Court-in an pawm ve ngai tho tho a nih avang khan. Chuvang chuan, Service matter anih avangin service department hi DP & AR kutah a awm a. DP & AR in Law Department te rawnin an buaipui ve mek a. Tunah hian hun rei vak loah chuan notification hi an tihchhuah theih mai ka ring a. Tah hian thil har deuhhlekk pakhat awm chu; tuna separation kan notify turah hian High Court-in 2002 MJS Rules an draft sak a kha, kan base dawn lova. Tuna Mizoram MJS rules kan hman base hian a kal rih dawn a ni. Mizoram sorkarin 2002 MJS rules, a pawm ve, High Court-in an draft, a pawm hunah chuan khatiang khan kal tur a ni a. Chutah chuan High Court chuan kha kha an duh dan a ni a. Mahse, High Court Chief Justice-te nen pawh kan sawi dun a. In dan draft hi ngun takin en ula, Constitution-ah pawh dan reng rengah chuan section a intan a. Section zawng zawng a zawh tawh hnuah a tawpnaah hian Proviso hi a intan a ni

ngai a. In dan draft-ah hian en ve ula, Section bul tan nan provisio ten bul in tan a. Nangni pawhin entha leh ula, hei hi chu a thain tih kan ring lo. Chuvang chuan, hei hi kan en that tlan a ngai a ni, kan ti a. Anni pawhin a dik ang, hun remchangah i entha tlang ang u. An ti kha a ni a, khatiang deuh nuaih anih avang khan duh ang hian a engzawk hi nge tihte pawh confuse theih anih avangin department pawh a fimkhur reng a. Chuvang chuan vawiin thlenga notify anih lohna chhan kha fimkhur a ngai viau ani. Engchin hi nge service High Court-ah kan place ang tih lai tak kha confuse theih a awm avangin, kha kha department an fimkhur vang a ni e, tih kha Pu Speaker, ka sawi duh a.

Tin, Mizo hi Pathianin hnamah min siam a. Hnam dan pawh kan nei a, ziakin a awm lova, custom kan nei a. Mizo hnam danah chuan Tualthah thu pawh darkar hnih lek chhungin kan upa ten an sawifel vek a. A fel chuan a fel a ni mai. Chu chu Central Act te nen hi chuan a in an lohna ani a. Compoundable ani lo reng reng, keini chuan kan compound zel a. Khatiang ang hnam dan tha nei kan nih avangin, kan hnam dan tha hi ziakin i dah ang tiin Mizoram sorkar U.T. tirh atangin i ti teh ang. 1980 vel atangin kum 20 chuang Customary Law hi ziakin i nei ve ang, i compile ve ang tih sorkarin a rel thlu a. Kum 20 chuang kan kalpui zel a. Mahse, hei hi chu upa an awm a, kan hnam dan chu an hria a. Kei nin kan hre lo anih pawhin a hria te kan rawn thei a. Chuvang chuan, tiin theih tawpin a compile Committee-in hma an la a. Tunah chuan an compile zo vek tawh a. Publish theih maiin, notify theih maiin a awm tawh tih kha house information atan ka han sawi hmasa duh a.

Tin, Law Department chungchang ka sawi laiin Pu Speaker, kan member zahawm tak Pu Liansailova khan tuna Recruitment MJS Officer tur mi 7 Public Service Commission in a lak turah hian a dan tlawhchhan tur kha asafe em? Schedule Tribe leh Schedule Caste te inang vekin a kal palh ang em? tin lai kha tuna Public Service Commission in Judicial Officer mi 7 an lak tur hi an dan tlawhchhan kha keimahni Mizoram dan a nih avangin kha danah khan 'a candidate should have pass class IV standard in Mizo vernicular,' tih kha kha danah khan a awm a. Chuvang chuan, a himah kan ngai a ni. (S P E A K E R : Awle, khami i sawi tak rau rauah chuan, khami 25% chauh S.T. tan reserve anga a rawn sawi pawh kha asawifiah nghal theih em?) Pu Speaker, khalai chiah kha chu ka hre lo a, amaherawhchu, kan recruitment rules ah kan service rules ah hian a him hrim hrim a ni.

**PU H. LIANSILOVA**

Pu Speaker, seperation of Judiciary a lo Awm dawn tak chinah hi chuanin kan MJS, rules hi tih that a ngai dawn a, chu draft mek a ni a. Tuna draft mek awm zawkah hian schedule tribe tanah 25% kha reservation angin dah ani a. Tin, Mizo tawng Pawl 6 standard thleng tunhmaa essential qualification - a kan dah kha struck-out ni dawn awmin hriatna ka nei a. Chu chu kan hotute hian a theih hram chuan lo en that leh a, in lo push through chuan, nakinah seperation of Judiciary a tak taka kan hman chuan High Court kha kan service rules min ken sak tu tur an nih tawh avangin 25% chauh kha schedule tribe-in kan chang tawh dawn kan ramah hian, tihna anih avangin kha kha apawi thei ang a.

Tin, Mizo tawng Pawl 6 standard thleng kan lo tih kha tunhma atang pawhin midang lo luhna han dalna kha a ni a. Khami kha kawng alo inhawn palh chuan nakina kan mite la kal zelah a la pawl ang e, tih thil kha a ni a. Tuna recruitment chungchangah chuan engmah sawisel tur pawh ka nei lova, a tha ka ti tho a.

**PU H. RAMAWI  
MINISTER**

Pu Speaker, tuna Pu H. Liansailova rawn sawi chhuah tak kha kan MJS Rules thar turah khan fimkhurna thu a ni a. Khalai tak kha kan inchaina lai a ni reng ani. Khatah khan Middle Standard tal, Mizo tawng hria tih zeh kan duh a, chubakah percent laia pawh khan tih kan duh a. Chuvang chuan chhuanlam hrang hrang hmangin kan inchai ve mek a. Chuvang chuan ani, kan sorkar hian vawiinni thleng hian MJS rules 2002 High Court in an draft pawh kha kan accept loh na, kan sorkarin a accept lohna chhan kha. Kan accept loh chuan kan MJS Rules dan pangngai kha a kal reng ani mai a, chulai chu kan fimkhur ve khawp mai a. Engchenge hma kan lak theih ang, an tih ang ngau ngau a kan duh lohna chhan pawh hi a ni a. Kan chhuanlamah chuan chi hrang hrang kha a ni ve a. Tin, General a min kalpui chuan engtinngge Delhi leh Kolkata a mi keini Mizo hian kan compete theih ang. LLB theuh theuh ah hian Mizo faten Delhi leh Kolkata amite kan tluk ang. Hengte hi ngaihtuah ngai a ni a. Kan ramah chutiang chu a awm kan duh hlei nem te pawh kan inti a. Chu chu India ram pumah hian kalphung pangngai deuhhleik hian nei a. Khang kha kan inchaina, kan muanna chhan pakhat a ni a, kan inchai chho zel dawn ni pawhin a lang a, chumi chung chuan tuna kan MHJS rules in a valid a ni mai, kan hmang zel dawn tihna a ni.

Tin, Pu Speaker, Member sawi hmasa bertu kha a awm ta lova, kha khan Horti. Budget tlem tial tial anga a sawi kha Pu Speaker, kan budget bu ah hian en ila, kan Demand bu ah hian, phok 431 naah Demand bu ah khan keu ila, kum 2004 - 2005 budget kha B.E. kha en ila, cheng nuai zali sawmli pathum leh singnga a ni a. Kuminah hian B.E. hi en ila, nuai zasarih sawmthum pasarih singhni a ni a. Nuai zathum sawm kua pathum ngawtin a tam a ni. Amaherawhchu, Non-plan ah kha nuai zali sawmkua leh pariat a ni a, 2004 2005 ah khan, kuminah erawh hi chuan, tuna pharh ah erawh hi chuan nuai zali sawmruk pakua a ni a. Nuai sawm pakua in a tlem ve thung a. Nuai zathum sawmkua pathum atanga nuai sawmpakua paih kha chuan a la tam tho rih tih kha House Information atan a Budget hrim hrimah hi chuan, chu chu B.E. ania ka sawi, nikum R.E. kha ka sawi lova. R.E. ah pheikha chuan a vaiin nuai (SPEAKER : Belh leh paih hi tihsual awl ve deuh ania). Chuvang chuan atlem love i ti teh ang. Kan hmanhmawh deuh aniang.

Amaherawhchu, Pu Speaker, Wood Vinegar chungchang, Ratu bialtu zahawm tak khan Wood Vinegar, sorkarin uar tura mipui zirtirtur leh a tul chuan Wood Vinegar hi heng Pest Management ah pawh hian atha ve a, that pawh a tha a. Tin, damdawiah pawh a tha bawk si a, tih a sawi kha keini pawhin kan thlawp a, nikuma fur laia pangang a puan lai khan Wood Vinegar hi pangang kah nan khan an hmang a, a tha tih kan hre tawh a. Tin, regular deuha lo hmang te thlawhhma kha pangang khan a khawih ve lo tih Champhai zawlah khian kan hre vawk a. Chuvang chuan hei hi kuminah chuan uar ve deuh hlek ila tih kha keini pawh kan riiru a ni tih kha ka chhanna ni sela.

Tin, Chemical Fertilizer Control chungchang hi Pu Speaker, Mizo tawng hian khuahkhirh kan ti a, khuahkhirh tih hi ran khuahkhirh ka tih hian thah vek tur tihna a ni chuang lova. Control, engtingge, khuahkhirh leh Control hi a inang reng mai a. Khap bur tihna ani chuang lo, kan khap bur lo. Amaherawhchu, a theih chin chinah chuan hman loh hi kan tum a. Department hian procure loh hi kan tum a ni mai. A chhan chu Organic Farming lam hawia ke pen kan tum vang ani tih kha kan sawi hmasa duh a. Nakinah ka rawn sawi zawm leh ang a.

Tin, IWDP chungchang kha kum hnih lai hetiang hian a awm a, enge tih lai kha, Pu Speaker, zet chi a cheng lo, Mizoramah hian IWDP hmanga hma kan lakna area ah hian a thawh tur ang hi kan duh ang hian a thawk lo ani tih hi chu kan hre theuh a ni. Engvangnge a chhan ni ang? ti a kan chhui hian athen Horti in an chang a, a then Soil in an chang a, a then DRDA in an chang a, Co-ordiante tu an awm

tlat lo, State level ah hian a coordinate tu an awm tlat lo a ni. Chuvang chuan tunah pawh hian a Nodal Department hi thlak ila kan ti a, kan thlak a, kan thlak hunah pawh, in pawisa hman dan min rawn hrilh rawh u, tiin kan zawt a, khang Department hrang hrang atang khan min hrilh tha tlat lo ani, kan duh ang hian, theih tawpa reminder kan tih pawh hian a har khawp mai. Chutiang avang chuan P.T.A thleng pawh khan thlak kan tum a, Delhi tlangah a Principle chuan min approved vek tawh a. Thil pakhat, wording pakhat siamthat ngai a awm a, chu chu tunah hian an rawn siamtha mai turah kan ngai a. Chutiang an siamthat hunah erawhchuan a monitor khan awmzia nei thei deuhin kan ring a, adarh nuaih tawh lovang a, awmze nei deuh hleka kan kal theih hi kan beisei a. Chutiang tur chuan Department ah pawh Cell in siamin tunah hian cell hran Department ah kan indin a. Chutiang ang chuan ke kan pen ve mek a ni tih kha Pu Speaker, House hian min hriat sak se ka duh a.

Tin, kan Member zahawm tak Saitual ami khan, Pu Zirliana khan Tawizo Alu chungchang, Chalfilh tih kha Tawizo a ni a, Chalfilh tih kha Tawizo a kan ek a ni a. Alu phurh man to tih kha a dik hmel khawp mai, aphurh man kha. A chhan chu 234 Quintals Horticulture Department in a pe a, Technology Mission hnuai anih avangin 234 quintals kha Aizawl ah hian a thlawna pek a ni a, a phurh man a awm ve ta lo a ni. Farmer ten a phurh man an chawi a ngai a, chutiang bawh chuan nikum lamah pawh khan ka bial Cheural khul, nichina in sawite pawh khan heta tang hian a phurh man a chawi vek a ni, Cheural thlengin (PU ANDREW LALHERLIANA : Pu Speaker, kum hmasa a a phurh man in chawi a chu quintal ah Rs. 45/- a ni thin ni awm tak a ni a. Tun kumah hian Rs. 400/- quintal a a tak tak a hi a sang lutuk a, hlep an siam a ni lo maw an ti a ni.) Department chuan a pek chiah kha a hna ani a, Pu Speaker, a phurh man kha chu farmer te mawh a ni a, truck an zawng ang a, hire tur, anmahnin truck an hire ang a, an phur mai tur a ni a. Ka bial ami te pawh kha, chutiang chuan truck hire tur an zawng a, tlawmngai rawh an ti a, truck neitu thenkhat chu an lo tlawmngai a, man tlawm deuhte pawhin an lo phurh tir ve a. Chutiang chuan Aizawl atang a Keifang phurh man hi Truck Owner Association rate ah hian Rs. 4560/- ani tlat mai a, Truck pakhat hire man kha, a quintal lam a ni lova, a truck hire man kha ani ta. A neitu te kha an lo tlawmngai a, Rs. 60/- chu an lo hniam hlawm a, Rs. 4500/- in truck pahnih angai si a, chutah chuan Rs. 9000/- angai nghal ringawt, heta tanga Keifang ah hian. Truck owner te thu a ni tawh si a. Keifang atanga Tawizo kha Motor lian a kal ve leh thei tawh si lova, Motor te an hmang leh tawh si a, a man a to leh tawh si a. Chuvang chuan quintal ah Rs. 400/- tih kha a nih theih hmel tlat a ni. Kha kha chu department perview tih a ni a. (PU SAIKAPTHIANGA : Pu Speaker, kan

Minister win-up na kha awih lo mah ila a ni a ti miau si a. Kum dang ah chuan kum lokal leh turah chuan hetiang lo deuh hian Agriculture te Horticulture ten truck an nei a, oil man loneituten tumin emaw khatiang khan tidan a awm thei lo maw?) (S P E A K E R : Ka sawi tawh ang khan belh leh paih hi tihsual a awl hle mai a.)

Pu Speaker, Truck hi Department hian anei tlem a, tin, khaw hnih khat hi ani lova, Zoram hmun hrang hrang a, a ruala phurh chhuah ngai thin anih avang hian department-in kan tihsak thei ang tih erawh chu, ka tiam thei lo a ni. Department truck hi an indaih thin si lova, chuvangin min hriat thiam ka ngen a ni.

Tin, Pu Speaker, Khawzawl bialtu leh Kawrthah bialtu te khan rawtna fumfe deuh mai an rawn theh chhuak a, a dang kha chuanin compact takin theh chhuah chuti takin han lakchhuah tur ka hre lova. Khawzawl bialtu in a compact area a hma a lak nise tih a sawi leh bul tan nan a area thlana a chin tur thlan a Market ngaihtuah tih a sawi kha, kha kha Pu Speaker, keini pawhin kan buaipui lai a ni a. Concrete tak a rawt siam kha lawmawm ka ti hle a.

Tin, Kawrthah bialtu pawh khan Organic Mannual siam tul thu kha a sawi lang a, kha kha Organic Farming a kal kan tum chuan Organic Mannual lamah tan a tul dawn a. Organic Mannual lama tan lak kan tum chuan engtingge kan tih ang tih kha ngaihtuah zui a ngai a, chutah chuan Pu Speaker, Organic Farming a kal tur chuan permanent farming a farmer kan hruai luh a ngai a, permanent farming a kan kal dawn chuan lo ram nghet an neih dawn chuan lei tha kha a ngai dawn ta hrim hrim a ni. lei tha siamdan chi hrang hrang hi a lo awm reng a, a thenah chuan hnim hnah an dah khawm a tual zawlah chu chu damdawi an va phul a, kha damdawi a kha mihring pawhin ei theih tho khatiang damdawi tha an leih a, chu chu ni 60 velah lei tha ah a chang mai a ni. Lei tha siam dan hi chi hrang hrang a awm a, chung chu a then chu, hetiang ke kan pen dawn avangin farmer te education kan pek hmasak angai a, khaw tinah kan theih dawn loh avangin tun thal chhungah hian Mizoram District headquarters tinah bul tan na farmer te ko khawm a Demonstration nei tir kan tum a ni.

Tin, kan mithiam ten lehkhabu chi hrang hrang an ziak a, Mau tam chungchangah pawh mithiam kan ngah ve tehlul nen preventing of Mautam tih Canadian mi daihin research an nei a, a buin an ti chhuak a, chutiang deuh chuanin shifting cultivation ah to zoom or not to zoom tih lehkhabu Dr. Venient D. Darlawng hian a ziak a, chutah

chuan confused theih deuh va thil ziah a awm a. Shifting cultivation hi a leh lamah chuan custom te nen a inzawm tawh a. A lehlamah chuan shifting cultivation hi remarkable form of Organic farming an ti a ni. Khatiang anih rual khan a leh lamah chuan scientific land use te an ti a, heng an tih rual hian kan custom te nen a inzawm that a vawi leh khatah thlak pawp thei a ni lo tih chu a chiang reng mai a ni. Amaherawhchu, vawi leh khatah thlak pawp thei lo ila, tunah hian bul kan tan a ngai a ni. Hnabthial bialtu sawi ang khan Organic Farming tih hian thil pahnih a kawka, pakhat chuan mihning hriselna atan a ni. Hriselna hi kan ngai pawimawh tial tial dawn a ni.

Pu Speaker, ka lawm e, kan tang rual zel dawn ni te pawhin a lang a, a lawmawm hle mai. Tin, hmalakna turah hian Pu Speaker, Mautam kan hmachhawn a engtia tih tur nge tih ah hian, tunah hian kut hnathawk tute chhan chhuahna atan hian eng angin nge hma kan lak angle? A har khawp mai, tihdan phung Pi leh Pu atanga kan neih thil thara zuan chhoh chu a har khawp a, mahse, kan farmer te hi kan ngaihtuah-na aia ngaihtuahna nei sang an awm a ni.

Tin, Grape chungchangah hian, Hnahlan velah sorkarin hma a la a, hetah pawh hian Pu Speaker, thil pakhat chiah ka sawi duh chu, Grape hi Mizo tawng hian Zu ah ngaih a ni a, mahse, mithiamte chuan liquor ah an dah reng reng lo a ni. State changkang zawkte pawh wine leh liquor hi a hrang daih an ti. Amaherawhchu, Grape tui pawh nise Balhla zu pawh nise chawl kan telh chuan zu chu a ni mai ang a. Mahse, khatiang anih loh chuan, mithiam te hian ram changkangah an dah hrang daih a ni. Government of India pawh hian instruction siamin total prohibitiona-ah pawh hian hetiang chi Agriculture Produce thil an process a hi liquor a chhiar lo turin, telh lo turin instruction a siam a, a copy min rawn thawn dawn a, vawiinni lamah a lo thleng ange maw. Khatiang ang awareness pawh kha tun atang hian kan neih a ngai a ni. Chutiang anih loh chuan khilai a kan Grape Pu Rohluna bial Grape neitu farmer thahnem ngai tak tak te nakinah chuan thilsual tituah kan puh palh ang tih hi ka hlau a. Chuvang chuan ngaihtuahna zau zawk nena kan lo sawi dun ange Pu Speaker, chuan Pu Speaker, tunah hian Mizoramah chuan heng kan fruit leh Pine Apple te helaia kan MIFCO khawlte hi a thar bun chhoh anih chuan hei hi awmze nei zawka a kal chhoh beiseiin, hei hi engtianga uara kalpui tur nge tih hi kan ngaihtuah rualin a market lam a leitu tur te nen a inthlunzawm sa a ke pen a ngaih avangin helai hi uluk takin kan Department lam pawhin ngaihtuahna hmangin a kalpui a. Tin, thil thar hi khawng ni i chhui ang aw tiin Pu Speaker, Papaya ah phei chuan agreement kan sign pui tawh a. A leitu tur tenen agreement kan sign tawh a. Tunah hian



Papaya chi pawh hi Hawaii Variety a ni a, a pum te chi anih avangin an duh a, tunah hian kan kui tiak mek a. Tiang bawk chuan Stevia pawh hi tunah hian a chhin nan kan ti tan mek a, Aizawl dai hnaiah hian a ni a. Tunah chuan en thlak em em chu a awm rih lo ang a, June thla velah chuan entlak te chu a awm ve mahna. Chu chauh a ni lova Kang damdawi kan tih Jatropa hi kuminah chuan a theih chin chinah hma i la ang aw tiin India ram ah State tinin uar turin hma an la vek bawk a. Keinin a natural a kan neih hi a par var chi an ni a, mahse, alo tam tawk si lova. A par var chi nen, a sen chi nen hma lak dan hi a awm em tiin a par sen chi pheh hi chu a yield a tha an ti a. Tunah hian quintal engemaw zat chu kan dah tawh a. Tunah hian kalkawngah a awm mek kan ring a. Chutiang ang chuan Zatrofa pawh hi enge kan an kan ramah a tha sa tih kan hriat sa reng reng tiin hma kan la a.

Tin, chulovah chuan Oil Palm chungchang hi sawi hlawh ni te pawhin alang a, engemaw chang changin kan sawilang a. A sprout a hi nuaikhat leh singriat kan kui tiak mek a, tunah chuan hmuh tur a awm ve tan ni te pawhin a lang a. Helai Thingdawl, Kawngpuiah mai hian hmun khat chu a awm a, hmun khat chu Lungleiah a awm a. Heng hi awmze neia kalpuia nakinah a khawl te nen a thlun zawm a, a leitute nenakhatia a hmuna Market awmsa tur a ngaih a ni a. Hetiang anga kan kal theih chuan hemi Kawrthah tlangdung te, tin, Lawngtlai thlang lam te, Western Belt kru cover kan tum a, a sprout deuh ang a, kan hmuh chuan. A sprout hi kan in chuh nasa em a, chuvangin kan hmu tam loyang tih hi kan hlau a, chuvang chuan kan tawngthui ngam rih lova. Hma kan han la phawt ang tiin kan inralring mek a ni e.

Tin, chulovah chuan, Aieng leh Sawhthing chungchang hi Aieng leh Sawhthing hi min damdawi siam nan an lo duh a. In Aieng hi Organic a nih chuan, in Sawhthing te hi Organic anih chuan kan lei duh e, an ti a. Amaherawhchu, tuna mi hi thawn ve ngawt ila, farmer te kan inzirtir rih si lova. Chuvang chuan, a sample kan thawn ve ve a, a result kan nghak ang a, damdawi siam nan lei duh an awm a, thildang siam nan lei duh an awm a heng market pawh hi tunhnai ah hian awmze nei a kalpui theih kan inring a. Chutiang ang chuan Department-in hma kan la ve mek a ni tih kha Pu Speaker, kan sawi duh a. Chu chauh nilovin, khing Champhai te, Khawzawl te, Kolasib-ah te Serchhip, Aizawl te, North Vanlaiphai te pawh aniang, khing leilet zawl tha hmun kan neihah khian buh kan ching a. Buh kan seng zawh tawh chuan Bawng tlat nan kan hmang mai a. Hei hi a pawh em em mai a. Buh seng zawh chiah hian winter crop chin nan a hman zui a. Buh kan chin aja hlawk zawk mah mah khan a ram kha hman tangkai theih a ni a. Chutiang ti tur chuan eng-

tingge kan tih ang tiin Pu Speaker, kan Member zahawm tak tak te pawh kan vai hian kan tanruai angaiin ka hria a. Kolkata khawpui atanga an highway Delhi leh Bombay peng inthenna lai bawr vel thleng khu a hla lo bawk a. Km sawmriat bawr vel lek chauh a ni a. Kolkata khawpui leh khulai inkar reng reng khu an lo piangthar a West Bengal pawh khu Buh an ching a, buh an seng zawh veleh Alu an ching leh vek a. West Bengal atang khan Alu pawh an lo thawnchhuak nasa em em tawh a ni. Chutiang anih chuan keini pawh hi i tan ve ang aw, Champhaiah nge, Khawzawlah nge, Serchhipah chuan pakhat tunah khian sak mek a awm a. Amaherawhchu, a enkawltu tur hi Department a maintain chi a ni lova, privatise a ngai a. Chutiang anih loh chuan kan fail sa a ni mai a. Khawzawl te, Champhai, Kolasib hengah te hian cold storage neih a khatianga winter crop, winter a kan thlai thar dah thatna kan neih chuan a to deuh hunah March, April velah awmze neiin kan hralh ang a. Phailama kan Alu lak zawng zawng pawh hi, Alu lei nana sum kan hman zawng zawng pawh hi Mizoram chhungah kan farmer te hnenah awmze neiin kan Alu man hi a kal ve ang tih ngaihtuahna neiin tunah hian Cool storage Mizorama din ve turin khimi Serchhip a an din Horticulture department-in an din mek bak khi a dang din belh turin ruahmanna kan siam mek a. Amaherawhchu, Pu Speaker, thil thar Mizorama kan neih ngai loh enkawl tur chuan a mithiam te rawn an ngai a. A mithiam te rawn chung zelin tunah hian hma kan la mek a. Kum thar chhovah khi chuan cold storate nena hmunkhat emaw tal, hmun hnih emaw talah chuan kan inenkawl ve theih hi kan beisei a. Tiang ang khan Department hi kan inbuatsaih ve mek a ni tih kha kan sawi duh a.

A tawpna ber atanah chuan Pu Speaker, Israel sorkarin an ram thlaler ram Agriculture ram tha a an siam theih laiin keini ram tha tawhsa monsoon ruahtui dawng tha hi ram tam tak tak chuan ram changkangah kan siam thei kut hnathawktu mi harsa tak tak, mirethei tak tak te hian vawiinnia an sum lakluh a letsawma an lak luh tam theih dan tur hi ka tum chuan kawng a awm a ni. Chutiang ngaihtuahna nen chuan kan vai hian tang tlangin Zoram farmer te hi abiktakin Zofate hi retheihna ruam atanga chhanchhuak tur chuan kan phak tawk teah kan phak chin chinah huaisen deuhvin ke kan pen hi a tul a ni tih Pu Speaker, kan sawi duh a ni.

Tichuan, ka Demand No. 4 - Law & Judicial Rs. 3,14,35,000/- Demand No. 12 - Parliamentary Affairs Rs. 2,16,000/-, Demand No. 31 Agriculture Department - Rs. 57,58,95,000/-, Demand No. 32 - Horticulture Department Rs. 12,06,85,000/- hi he House zahawm tak hian min pass sak turin ka rawn ngen a ni.

**SPEAKER** : Awle, Minister zahawm tak Pu H. Rammawi'an a Demand No. 4-na Law & Judicial, No. 12-na Parliamentary Affairs No. 31 - na Agriculture Department leh No. 32 - na Horticulture Department te tan avaiin Rs. 73,01,75,000/- pass a rawn dil ta a. Heng a demand te hi pass remti apiangin remti ti rawh ule. Remtilo kan awm chuan remtilo ti rawh u le. Awle, Pu H. Rammawi Demand No. 4 - Law & Judicial Department tan Rs. 3,14,35,000/- No. 12 Parliamentary Affairs tan Rs. 21,60,000/- Demand No. 31 Agriculture Department tan Rs. 57,52,95,000/- leh Demand No. 32 Horticulture Department tan Rs. 12,06,85,000/-. Avaiin Rs. 73,01,75,000/- chu House-in lungrual takin a pass a ni.

**PU H. RAMMAWI MINISTER** : Pu Speaker, ka lawm e.

**SPEAKER** : Tunah chuan Minister zahawm tak Pu K. Sangthuama Demand kan sawi hote han wind-up a pass rawn dil nghal turin i lo sawm ang u.

**PU K. SANGTHUAMA MINISTER** : Pu Speaker, Demand No. 4 - na atang khan tan ila, Sericulture Department hi Department lian lo tak a ni a. Mahse, Department pawimawh tak mai a ni a. Hei kan ramah hian kuthnathawka eizawngte intodelhna tura kan ram kan kalpui danah hian Sericulture Department hi Department pawimawh tak mai miretheite intodelhna atana hmalakna atana thil tha tak a niin ka hria a. Chuvangin he Department hi a pawimawh hle mai a. Amaherawhchu, a pawimawhna ang hian kan ramah hian duhthusamin thil harsatna chi hrang hrang sum leh paite avangin duh angin kan la enkawl tha thei lo hi a paw hle a. Amaherawhchu, hun a kal zel ang a, kan ram tana thil tha anih miao si chuan he Department hi tun aia changtlung zawka enkawl hi la beisei turah ngai ila. Hei Directorate Office chu kan nei ve a, amaherawhchu, Office Directorate puitling a la ni lo deuh a. Hemi Sericulture chungchang hi kan MLA zahawm tak tak 9 khan an rawn sawi a.

## Tin, Food &amp; Civil Supply Department 7

in anrawn sawi bawka. Tichuan a lawmawm viauin ka hria a, Sericulture ah kan MLA zahawm tak takte in tui viau tawh niin ka hria a. Ka rilru pawh a lawm a. Hei pawh ka tui khawp mai a. Tunah hian Mizoramah hian Sericulture hi Awareness bei phawt ila Mizoram pumpui hian a thatzia te hria ila. Mizoram tana kan hnemhnanna tur anihzia te hre phawt ila, tichuan mipui rilru a kan tuh phawt hian hnathawh aawlsam ang tiin ka bei ta a. Tunah chuan Mipuiin kan hre thawkhat ta viauin kan hria a. Directorate puitling hi nei ila kan ti a. Nichina min duhsak taka kan MLA zahawm tak tak ten an sawi ang khan kan sorkar ah kan thlen mek ani a. hei pawh hi min la tihpuitlin sak ngei kan ring a, kan beisei a, beisei tak chungin tunah hian kan nghak mek a ni a. Tichuan District Office te pawh hi 6 lai kan nei a. Aizawl leh Kolasib, Champhai, Serchhip, Lunglei leh Saiha ah kan nei a. Tin, Basic seed farm kan tih hi pakhat Rangvamual ah khuan kan nei a. Tin, seed multiplication centre kan tia a Mulberry 8 kan nei a, Vairengte, Kolasib, Champhai, Phullen, Serchhip, Thenzawl, Lunglei leh Hnahthial ah kan nei bawka. Tin, rearing factory kan ti a, hei hi pakhat Zemabawk ah sawn kan nei a. Sericulture Training Institute hi Zemabawk ah sawn kan nei bawka. Tin, Silk weaving unit hi Zemabawkah sawn kan nei bawka. Tin, Industrial Granage ka ti a, Zemabawkah sawn a awm bawka. Tin, variety wise farm seed hei hi mulberry 11 kan nei a, Eri hi 3 kan nei a. Tin, Muga hi 3 kan nei bawka. Tin, Oak Thresher hi pakhat kan nei bawka ni. Kan han tum dan chuan Sericulture hi keini a department hovin kan han rilruk leh ngaihkan ah chuan Thingtlanga chengte sum leh paia chawikan nan hian a tha berin kan hria a.

Tin, District leh kan State hmun zawng zawngah hian that duh bikna a nei chuang lova. A climate hi ahniam lai leh a sang laiah pawh a tha vek mai a. Chuvang chuan hei hi Mizoram tan hian thil chhenfakawm tak a nih theihna ni bawkin kan hria a. Tin, tlang ram lo neih bansana hemi eizawna atana mirethei berte pawhin awlsam taka an tih theih hi a ni a. Vawiina kan tlang ram lo neih dan kum tina hetia kan insawna kan tih zel mai hi chuan kan vat a kan hal leh a, a rama a chhia a, a lei tha tur zawng zawng achhe bawka si nen. Tin, Buh te hi a hlawk lo bawka si nen. Chuvangin, hemi bansana Sericulture ah hian kan inghah ngam phawt chuan hei hi eizawna ngialnghet atan siam theih niin kan hria a. Tin, a cocoon leh silk, a la duh chhuah atanga State sum leh pai leh mimal tinte intodelhna kawng hi awlsam taka hmuh theih niin a lang a ni. Tin, mihausa hnen atanga hlawkna chu mi retheite ah a luang lut a ni hei hi. A chhan chu a hlawkna kha miin a hmun a va siam a, kuminah hian mulberry te hi ching ila, Kumin May thla a kan chin kha nakum May thlaah a hman leh theih a. Kum khat chhungin a hman nghal theih zel a.

Hei hi a thatna tak a ni a. Short term policy ani a, long term policy ani baw k a. Kum khat chhunga lo thar thei kum khat chhunga hman theih kha dam chhung ti ila a rei lutuk deuh pawh a ni mai thei a. Kum 20, 30, 40, 50 thleng chuan chhe lovin a hman theih baw k a ni. Chuvangin long term leh short term policy inzawm a ni a. Hei hi a pawimawh tak tak a. Chuvangin mi rethei ber pawhin an hman thei mi hausa ber pawhin a tih theih a ni a. Chuvangin a pawimawh em em a. Thil tam tak-chu kum nga te nghah a ngai a, kum ruk te kum sarit te nghah a ngai a. Chuvang chuan hetah hi chuanin kum khatah a thar thei mai a. Hei hi a pawimawh kan ti em em a. Man power keimahnia hetia kan va thawha kan tih theih mai a ni ta a. Sum tam tak pawh a ngai lova. Miretheiin a kan tihve theih mai a ni a. Hei hi a pawimawh tak tak ani tih kha kan rilruah kan MLA zahawm tak tak te kan zavai hian hre tlang ila. Tin, kan zinna ah pawh zirtir tam ila. Ei hmuh nan a tha ani tih hi kan rilruah tuh phawt mai ila. Chu chu a thain ka hria a.

Buh te chu entirnan Phur 100 thar tur pawn a harsa lutuk a ni. Phur 100 thar tur hian patling pakhatin atih theih mang loh. Chu chu Rs. 15,000/- man chauh ani. Tuna maimaw la ah hi chuan, Pangngang khawiah hi chuan chhungkaw khat hian tin  $2\frac{1}{2}/3$  hmunah hian Rs. 1,00,000/- a thar thei ani. Chu chu an enkawl thei tlat a ni. A takin a practical-in Zemabaw k piah deuh Bukpui kan tiah sawn chhungkaw 20/30 dawn lai kan dah khawm a. Chutah chuan Chiang takin vawiinah an thar a, a thar tlem deuhin singli singnga te an lei a, atam deuhin nuai khat leh a chuangte an lei a. Chuvangin buh china lo neih ai chuan engti kawng pawhin a tha a ni tih Mizoram pumpui hian hria sela hetah hian inngat ila a tha berin kan hria a. Chuvangin tunah pawh BAFFACOS kan ti a, Mautam do nan a kan han inbuatsaihah pawh hian keini chuan helamah hian hma nasa takin la ila, kan ti a. Kum 2007 ah a ta dawn a ni a. Tunah kum 2005 chauh a la ni a, kum 2 a la awm a. Helaiyah hian inngah nan chhungkaw tam takin a hman theihin kan hre tlat a. Chuvangin a leina hi kan neih phawt chuan buhfai chu Central atangin min pe zel a. Ei sen lohvin min pe a vawiinah pawh. Lak sen lovin min pe zawk a ni central hian. Khami a leina kan lo thawh chhuahna tur kha vawiina kan ngaihtuah a ngaih avangin tunah pawh BAFFACOS a tang hian nuai 75 min pe a. Tichuan hetah pawh hian a tam tehchiam lo naa, chhungkaw 150 hi chu helaiyah hian enkawl kan tum a ni, abikin. Chutah chuan Theihmu huan kan siam tir phawt ang a, a chi kan pe ang a. A chi kan pek chu kumina kan pekin nakinah a lo thar ang a. Nakum kum chanveah chuan a thar leh hman dawn a ni a. Chuta tan chuan engemaw zat kan hmang ang a. Tin, equipment a ngai a. Tin, a in sak te a ngai a. Rangva te a ngai a. Chuta tan chuan nuai 75 hi hman ban tum a ni.

Tin, kuminah hianin 125 lakhs min pe leh a, hei pawh hi Theihmu huan siama atan te a cocoon leina atan te hman kan tum a. Hei an han thar a hi, an han thar ta a, hralh zung zungna a awm phawt chuan mi an taima a, tihzel an chak a, thawh zel an chak a ni. Chuvang chuan tunah pawh hian a cocoon hi kan han lei sak a, kan leina man hi kan ha pe a. Amaherawhchu, rei tak bat sak chang a awm a. Chuvangin tuna BAFFACOS a pawisa min pek hi a cocoon leinana kan hman a, hetiang kan tih chuan atangkai dawn hlein ka hria a. Tichuan, kan lei a, kan lei kha kan hralh leh a, apawisa kha kan dah tha ta a. Awlsam taka hetiang thar te leinan hian cheng engemawzat tunah hian Lakhs engemaw zat kan nei a. Chumi belhchhah nan chuan tuna BAFFACOS a pawisa min pek ahi dah ta ila, tichuan, a thar a te khan an hralh zung zung a, pawisa an hmuh zung zung chuan hetah hian awlsamna tam tak kan hmu ang a. Mi an lo taima ang a, pawisa an hmuh hma theih dawn chuan min tha tho takin taima takin hna an thawk thei dawn a ni tih kha ngaihdan kan han nei a. Chuvangin, kum thar lehah pawh hian hemi kumina kan Budget BAFFACO a kan hmuhte pawh hi heta tana hman hi engemawzat chu a tul ang tih ngaihdan kan department in kan nei bawk a. Tin, hemi chungchangah hian keimahni State sorkar atang ngawt hian sum hi dukhawp a hmuh theih bik lova. Central lam atang pawhin hei min duhsak a, engemaw zat pawisa te min han pe a, tunah pawh hian hemi a transportation, a cocoon hemi farmer hovin a an neihte han phurh khawm sak zung zung a, han lakna zung zung tur te pahw hi tunah hianin nichina kan MLA zahawm tak Pu Zira ten a an han sawi ang khan hemi Van te pawh hi hmanni lawk khan Central a kan Secretary a lokal a, Ministry of Textile a Secretary a lokal a, hemi hnenah hian kan Director ten an lo sawi a, hei hi proposal rawn ti vat ula, heta tan hian ngaihtuah kan lo tum ang e' an ti a, a lawmawm viauimn kan hria a, tunah hian proposal te pawh kan thelut thla tawh a, min rawn pe thei nge thei lovang chu vawiinah hian kan Chiang chiah lo nain, hmanna heta a lokala kan Director te hnena a sawi kha kan han bawhzui ang a, hengte pawh hi min pek theih kan beisei viau ani.

Tin, pakhat lehah chuan a ur rona ti mai ila, hemi chi a hi acocoon han tih rona pawh hi tunah hian kan ngaihtuah mek a, kan nei theih mai pawh kan ring a. Tin, a storate House pawh pahnih sak turin kan ruahman mek bawk a, khatah khan a tihrona khawl ngaihtuah a ni bawk ka tih kha. Chutiang chuan yawikhatah hian a changtlung zung zung thei lo nain, tlem tlem chuan hei hma kan han sawn chho ve zel a. Chuvangin, Sericulture ah hian nikum chhung khan chhungkaw 500 vel pe ila tih ngaihtuah na kan han siam lain a ching duh kha an lo tam ta kawp mai a, a ching duh zawng zawng pheikha chu kan pe seng lo lam mah mah a ni nghe nghe a. Chhungkaw 2998 hnenah nikum khan a chi hi kan pe

a. Kuminah pawh hian kan target-ah chuan 1000 chauh chu kan han target naa, mahse, tunah hian rawn sawi an tam hle leh tawh mai a. Engzatnge kan pek theih dawn kan Chiang Chiah thei lova, chhungkaw 2000/3000 lai chu pek leh an ngai mai thei a ni. Chutiang ang chuan Mizoram hian Sericulture chungchangah hian mi rilruah eizawn nan a tih theih a ni. Hemi kan shifting cultivation thlak nan hian a tha a ni, ahlawhtling a ni tih min an han hriat chuan an phur hle mai a. Hetah hian kan house kan ngen duhna chu kan zavaia hetilaia Roteltu te hi kan tui thiam phawt chuan kan ram atan hian hei hi a tha ber e pheih chu ka ti lova, a tha ber te zinga mi chu anih hrim hrim ka ring a ni. He Agriculture ang hian kan hmalakna hi a la rei chiah lova, Agriculture te hi chu kan pianhma atanga British hun lai atanga Sorkarna keimahnia kan neih hma atanga ruahhmanna kal tawh a ni a. Hetiang ang pheih chuan ngiahtuahna kan rilruah awm ta se sorkar ang pawh hian. Sericulture atang hian intodelhna Mizoram hian kan nei thei mai awm mang e aw tih ngiahtuahna ka rilruah a awm thin a. Kan chhut thin a tunah hian chhungkaw 30,000 hian hetah hian eizawn nan innghat ta ila, kan thar theih dan te kan chhut kan chhut hian vaibelchhe 150 atanga vaibelchhe 300 inkar hi chu kum khatah kan lei thei mai awm mang e aw! tih ka chhut chhuak a. Chu chu chhungkaw pakhat ina Rs. 50,000 atanga Rs. 1,00,000/- inkar la thei tur ang a ni. Chuvangin, heta tang hian kan ram siamna ke hi thui tak kal thein a lang a. Chuvangin, kan department chuan uar chhoh zel kan tum a, department lian lo te ni mahsela, kan ram tan hian a chhenfakawm dawnin ka hre tlat a. Nikum ah pawh kan sawi ang khan hei Aizawl District ah hian chhungkaw 946 hnenah kan pe bawk a. Hei hi achi 37.84 lakhs lai a ni a. Lunglei District lamah hian tlemin an la tui lo deuh nge ni demand atam tehchiam lova chhungkaw 84 hnenah chauh kan pe a, Serchhip District ah pawh hian chhungkaw 68 chauh, tin, Champhai District-ah chhungkaw 927, tichuan hemi a chi acutting reng reng hi 119.92 lakh nikum chhungkhan (2004) kan pe a ni. Kuminah pawh hian hetiang zat emaw hi chu pek chhoh leh kan han tum ang a. Chuvang chuan Sericulture atang hian hmasawna tam tak Mizoram hian nei thei turah kan han ngai a ni.

Tichuan, hei products pawh kan nei tha ve viau timai ila, Mulberry atang hian nikumah khan 45 metric ton (450 quintal) hi tihchhuah a ni a. Tin, kuminah hian 47 metric ton beisei leh a ni a. Tin, Eri ah hian metric ton 4, kuminah hian metric ton beisei ani. MUGA ah hian metric ton 5 beisei leh a ni a, Oak trusser ah hian metric ton 3, production of raw-silk ah hian metric ton 2 ½, kha kumina tharchhuah kan han beisei dan deuh a ni. Hemi Sericulture chungchangah hi chuan kan beiseina asang zel a ni. Central lam hian duhsak takin Chhimtuipui District ah hian direct in hemi chungchang hi tunah hian kan District Council pathumiah hian min rawn pe bawk a. Chumi erawhchu heta

tang hian direct in kan enkawl lova, Central atangin direct a rawn enkawl chhoh a ni a, a sum pawh hi anmahniin sawti lamah Bank ah dah vek a ni. Chumi Monitor tur chuan D.C. te CEM te an Chairman na hnuaiiah Committee te siamin an enkawl a, tunah hian 1<sup>st</sup> Phase kan zo tawh a, 1<sup>st</sup> installment chu min pe a, 2<sup>nd</sup> installment hi min la release thei lova, tun atanga rei vak lovah hian ikan beisei nghe nghe a ni. Hmannia ka va kal khan, hei ala rei lo hle a ni a. Sawtilai chhimituipui lui lei chhak lawkah sawn a hmun compact area deuhin an siam a. Zingah khawvar tirhin kan kal thla a. Kan han en a. Chutah chuan engzah nge in thar tawh kan ti a. Chhungkaw khat khanin quintal 4 1/2 chu an lo thar hman a. Chu chu nikum hmasa lawka siam kha ani a. A tha khawp mai a. A dang chu kan tlawh hman ta lova. Tichuan sawmi District pathumah sawn hma zauh zel kan tum a. He thilahi pawh hian an phur em em mai a. Mahse, Central lam hi nichina an sawi ang khan sum leh pai min pek reng reng hi kan thiam loh nge khulam thiam loh ka hre lova, duh ang huna min rawn pek zat zat theih bik loh avangin harsatna engemaw chen kan tawk ve thin a. Tin, keimahni thiamloh te pawh a ni ve bawk ang a. Utilization certificate te hi duh anga hma a pek theih lohte pawh a awm ve thin a. Chuvangin central lam han dem ngawt a nih theih lohna lai pawh a awm ang a. Chuvangin Chhimituipui District ah sawn hma nasa takin Seri lamah kan la bawk a. Hemi a kan rilrua awm a kan rilrua kan tuh tlat a, kan hma lakna hi kan rilrua a awm phawt chuan thil har lo lehkha thiam tehchiam pawh a ngai lova, pawisa neih tehchiam pawh angai lo a intodelh theih mai a ni a. Hemi kawngah hian kan Member zahawm tak tak te kan zavaia tan la tur hian kan sawm nghal bawk che u a ni.

Awle, a sei lutuk ang tih a hlauhawm a, a tawi thei angin a dang pheih hi chu sawi vak tur a awm tehchiam lova, department dang hi chu. Chuvangin hetah hian kan duham deuhhlekk a. A dang hi chu minute 4/5 a zawh theih mai tur a ni a. Engpawh nisela dar 7:00 chauh a la ni a. Dar 9:00 vel kha thleng tura ka hisap a ni a. Thil sei deuh han sawi hi a sawitu tan nuam viau mahse a ngaithla tu tan hian aninawm sam khawp mai a. Chuvangin kha kha lo duhtawk dawn mai ila athain ka ring a.

Demand No. 37 na Co-operation kha tlem han sawi leh ila. Hei Co-operation hi Mizoramah hian a hlawhtling thawkhat a. A hlawhtling viau lo a nih pawhin kan hlawhtling thawkhat ve chuan kan hria a. Tunah hian Co-operation Society 1600 kan nei a. Tah chuan 70% vel hi an thawk thain kan hria a. 30% hi chu an thawk tha tehchiam lo a ni. Thawh that vek hi a har ang reng khawp mai a. Society tam tak kan nei a. A hlawhtling tawk a awm a, hlawhtling lo tawk chu



awm turah ngai ta ila. Chutah chuan a pakhatna atan chuan MIZOFED hi kan department ah chuan hna thawk tha pawl tak zing ami ani a. Hei, kan thawh chhuah hi chu han sawi vek ka chak a, mahse, sawi vek sen chu a ni dawn lova. A ninawm duh angreng a. Mahse engeni kan thawhchhuah thatte leh kan department-ina an han thawhchhuah angte han sawive phei chu ninawm lutuk awm lo tak ani a. Chuvangin, hemi kawngah hian kan MIZOFED hian POL leh LPG ho hi a hma a. Hengah hian kan thawk chhusak tha khawp mai a. A tawi zawngin sawi ta ila, gross profit-ah hian Rs. 3,60,93,214 a ni a. Chutahchuan expenditure zawng zawng kan han pah a Rs. 3,07,12,127 a ni a. Tichuan, kan net profit chu Rs. 53,81,087 a ni a. Kan thawk chhuak tha viau mai a. Amaherawhchu, kan employee te hi 140 chuang MIZOFED ah hian kan nei a. Heng hi tun hma atanga kan lo rawih tawhte vawiin thlenga kan la rawihte an ni a. Engemaw chen dawr Kan kai a, kan dawr kainate hi a hlawk lo khawp mai a. Mahse, hnathawktu 140 zet kan chawm bawk a ni a. Chung chawm bawk chung a thlem a zawng kan la hlep thei te hi chu a lawmawm viauin ka hria a. Sorkar atang hian engemaw zat tanpuinate kan hmu thin a. Nimahsela, a zawng a zain a hmuh theih si lova. Keimahni in thawk chhuak chawp atanga hlawhte hi pek tur ani si a. Hemi gas lampang leh petrol, diesel atangte hian hlep kan hmu tha a, kan dawr lam atang chuan hlep a tha lova. Chuvang chuan heta tanga kan hlep akan inchawm tur hi kan ni a. A harsa ve ang reng viau mai a. Mahse, kan hralh tam hrim a engemaw zat hlep ka nei hi alawmawm a. Theihtawp kan chhuah a, tunah hian mi 140 vel chuan a dik chiah chuan thawh tur kan nei lo lam chu a ni a. Mahse, mi 140 a kha han inban dawn ila thil theih loh a ni a. Mi eizawna tih tawp ngawt chi a ni lova. Chuvang chuan a khawlh ang reng viau mai a. Mahse, theihtawp kan han chhuah chho zel ang a, miin eizawna atana an lo hman tawh, sorkar hmasatena an lo lak tawh, an lo rawih tawh kha vawiinah keini sorkarin kan ban mai theih pawh ani lova, kan ban mai tur pawh ani lova. Tangkai zawka hmante kan ha tum chho ang a. Chuvangin, MIZOFED ah hian intodelh tur chuan theih tawp chhuah zel a ngai a. Mi 70 vel hian a thawk thei awmin ka hria a, ka hmuh dan chuan, tuna kan thil enkawl hi 70 hi chuan helama thawh theih tur niawm tak hian ka hmu a, kan chhut chhuak a. Mahse, 140 vel kan ni miau si a. A enga pawh chu nisela miin eizawnaa anlo hman chuan tha zelah kan ngai mai lo thei lova. Chuvangin kha kha kan kalphung MIZOFED ah chuan ani a.

Tin, MIZOFED lovah hian hei Co-operative Apex Bank hi kan nei a, hei hi tunlai chuan kan thawk tha chho ang reng viau a. A lawmawm viauin ka hria a. Hei hi kan hriat atana kan sawi duh chu APEX Bank hi Branch 11 lai kan nei ve a. Hetah hian crore 130.59 hei hi a vaia deposit neih a ni a. Chutah tang chuan 85.89 crore hi loan ah pek chhuah a ni a. Tichuan 65% kan pe chhuak a ni. Hei Mizoram

Presbyterian Kohhran te, Lai Autonomous District Council te, Mara Autonomous District Council te leh Evangelical Church of Maraland ten MOU kan sign a. Hemi MOU kan sign hi a tha khawp mai a. An pawisa neih kha kan bank ah an rawn dah ang a. Tichuan an hnathawkte hnenah loante kan pe thin tur a ni a. Tichuan, tunah hian an pawisa neih ang ang kan Synod atang te, Mara atang te, Lai atangte khan an rawn dah ta a. District Council atang te, tichuan Housing Loan te kan pe ta a. Hei hi a tha khawp mai a. Kan hnathawktute remruatna a ni a. Remruatna fing tak an nei hi alawmawm hlein ka hria. Tichuan, Kohhran hrang hrang 248 hnenah hian crore 20199 loan kan pe chhuak a ni nghe nghe a ni. A tangkai viau a, a lawmawm tlang viau. Tin, Kohhran hi a rul pawh an rul tha duh a. Tin, sorkar hnathawkte pawh loan kan pe a. An hlawh atanga cut te a ni a. An rul tha a. Heng atanga theihtawp chhuah a kan han tih hian kan bank pawh hian tun hma aiin hma nasa takin kan sawn chhova. Tin, hnathawktute an tang a, tin, kan Chairman Pu Biaka te pawh hian hma ala nasa a. An zin reng a, tichuan, share holders te rawn ti turin hemi society hrang hrang hnenah hian an vak thin a. Chung chuan theih tawp chhuah in an rawn ti zel a. Tun hnai lawkah pawh hemi society atang hian nuai 6 chuang zet chu share an rawn pe nghe nghe a ni. Tichuan theih tawp chhuahin a thawktuten hma an la a. Tin, tun kum target nuai 191.6 ah nuai 115.02 hi ran vulh nate, thlai thar mante leh tui pump khawi loinan tui kawng siam nante loan kan pe chhuak a ni. Chuvangin kan bank enkawl dan hi vawiinniah chuan hma kan sawn hle a. A lawmawm hie a ni. Chu chu a tlangpuiin kan House zahawm tak hian min hriatpuna kan duh a. Tunah hian sorkar-ah pawisa/share engemaw zar kan dil ve leh mek a. Hengte pawh hi min pe turah kan ngai a. Tin, chumi rual chuan hei hi kan sorkar te leh department tinte leh kan MLA zahawm tak takte hnenah pawh hian ka ngen duh che a, keimahni bank a ni a. Kan sorkar bawh a ni a. A hlawk leh kan tan a ni a. A hlawk loh leh kan tan a ni a. Vawiinah pawh crore tam tak crore 100 dawn lai loan kan pe chhuak a, mirethei hnenah te, mi hausa deuh hnenah te. Tin, sorkar hnathawh hnenah te. Tin, Kohhran hnenah te Biakin sak nante kan pe a. Tichuan, keini anga bank dangin a hetiang a loan a pek chhuah hi an awm lovin ka hria a. Chuvangin kan pawisa neih angte, sorkar in a dah theih ang, a lo hman mai loh tur, a dah theih ang chi hi chu department pawhin min dah sak hram hram ula chuan a lawmawm hlein ka ring a. Kum thar atang hi chuan a lawmawm hlein ka ring a. Kum thar atang hi chuan min dah sak hram hram ula department khatah hian....

**PU LIANSUAMA**

Pu Speaker, ka zawhna chhannaah khan  
Finance Minister-in SSA pawisa Dawrpui  
State Bank Branch atangin Vijaya Bank

Ah crore 10 an transfer a ni tih kan hria a, ka zawt a. Mahse, min rawn chhan dan kha a dik lova. Oral a chhan nise chuan zawh belh tur pawh ka ngah a. Engatinge kan Bank ah hian SSA pawisa tam tak hi an dah loh? Chutiang zel chuan PMGSY pawisate hi engatinge Vijaya Bank ah kher hian an dah, vaibelchhe tam tel ani si a. Chuvang chuan kan State-in a hman tangkai em em APEX Bank ah hian, a zawng a za pheii chuan Bank an lo dawr sa ami kha withdraw vek chu aharsa deuh pawh a ni ang a. Chutiang zel chuan R.D. a pawisa lokal tam tak te leh a hrang hrang hi State Bank ah a awm khawp mai a. Mahse, Vijaya Bank te ai chuan Apex Bank hi a puih theih deuh lawm ni?

**SPEAKER** : Tam tak pawhin kha kha ngaihdan kan nei awm e.

**PU K. SANGTHUAMA MINISTER** : Pu Speaker, a lawmawm khawp mai. A dik khawp kha kha ka rilrua ka vei ber a ni a. Kan phone leh chawt thin a, Amaherawhchu, thunei taka Department dang kha va tih thiang pawh kan ni si lova. Ti thei pawh kan ni si lova. Tuna kan MLA zahawm tak Pu Suaman a rawn sawi kha adik khawp mai a kan pawisa neih ang hi dah nachang kan hriat a, kan tum a nih chuan State Bank-ah te kan dah thova, a hlutna kha enge ni ang aw. Ka ti thin a, kei chu tunah hian ka pawisa neih ve ang ang chu Apex Bank ah hian ka dah, ve nial a. Chuvang chuan kala nei leh zel anih pawn Apex Bank ah hian ka pawisa neih chu dah zel ka tum a, ka hlawh lakte pawh hi kan dah ve ang nilnial a. Amaherawhchu, tam tak han dah theih kan nei lova. Chutiang chiah chuan kan MLA te pawn Account min rawn hawn sak theuh teh u, kan Officer te pawh hian hetiang chu tlem tlem kalkhawm atanga tam tak rawn siam a ni mai, khang kan dah atang khan loan kan pe a. Hei tunah hian an hman tangkai em em zia mai chu, tui irrigation siam nan te, tin, Agriculture loan ah te. In sak nan te engkim ah kan pe thei mai a ni. Chuvang chuan State Bank ah hianin zu dil ta ila. Hetiang hi min pe kher lovang, Vijaya Bank ah pawh sawn, engati a? (PU LIANSUAMA, MLA, a thusawi a hriat theih loh)

Tichuan, hei vawiinniah kan tang tlang tawh bawk a. A pawimawhna kan hria a, kan MLA zahawm tak ten min support hlein ka hria a. Chuvang chuan ngaihtuahna hetah hian kan hmang chho zel ang a. He kan Bank a hi kan tih len leh kan tan a hlawk mai a.

Bank dangah chuan va dil mah ila, a har khawp mai. Kei pawh tunah hian Vijaya Bank ah In sak ka duh ka ti a. In sakna loan kan pe thei lo te an lo ti mai mai a. Chu chu dawr than deuh a pawisa tam deuh va dah loh chuan ahar khawp mai. Awle, kan sawi thui lutuk ang a kan tui lak lawh ang tih ahlauhawm a kha kha Bank chungchangah chuan tawk leh dawn mai selangin a thain ka ring a.

Hei Society tam tak chu a awm a, kan sawi vek hman lo ang a, kha kha kan society lamah chuan tawk dawn mai selang. Hei MULCO tihte leh eng eng emaw a tam mai a. Hengah hian Bawnghnute te pawh kan hralh tha khawp mai a. Kan society avangin a dik chiah chuan Aizawl pawhin Bawnghnute ei thei chauh kan ni a. Kan society hian Sihphir leh Durtlang atangin tuk tin a rawn phur thla a. Kha kha kan lo lei a kan ei mai mai a lawm. Mimal rawn tih chu nise a to khawp ang. Chuvangin society avanga a zar kan zo hi atam khawp mai, han sawi dawn ila darkar khat vel hemi society ringawt pawh hi sawi tur a awm dawn si a. Chuvangin hei hi lo duhtawk leh mai dawn ila, a tha ang e.

Hei Supply chungchang, Demand No. 17 na hi Supply hi tunhma atangin Mizoram pumpui a rethei, a hausa thlengin chawmtu ngang a la ni a, enkawl hneh pawh a har a. Keini ang tan phei chuan enkawl thiam pawh a har a, mualpho mai te pawh a awl a. Amaherawhchu, kan MLA zahawm tak tak te pawh an awma kan opposition thlengin thil dik lote min rawn hrih thin avang hian lawmthu a hmasain kan sawi duh a. Action han lak zung zung hi kan lo ti lo anih pawhin henglaiah hi chuan min hriatthiam ve deuh hlek kan duh a. Store Keeper te a za tam tel rual kan han nei a. Tin, kan Godown te hi kan ngah ve ang reng khawp mai a. DCSO hi hmun ruk ah kan nei a, DEFCSO hi hmun 4 ah tichuan, distribution centre hi 20% kan nei a, principal distribution centre hi 9 kan nei a. SDC 18, Supply Centre 93, Godown hi 188 leh Staff Quarter 250 kan nei a. Godown 188 kan nei a khata han enkawla khawimaw laite chu a chichawm lai tak pawh atam ang. Nia, nichinah te pawh kan sawi kha dik lo tawk pawh a tam ang tih hi chu ka ring a. Helaiyah hian harsatna tak hi a awm a. Chuvang chuan kan MLA hote pawhina Supply chungchang a hi chu hriatthiamna thui takte kan neih a ngaiin ka hria a. Chuvangin hei tunah pawh Fur chhung hi ei tur kan han bei ngar ngar a, Fur chhung ei tura hi chu kan hanti zo thawkhatin kan han hria a. Hemi Motor awlsam taka Furah pawh a kal theihna laia hi chu nitin pawh ti ila akal thei mai a. Chhek khawl tehchiam a ngia lova. A kilkhawr laia kha kan chhekkhawl chuan, tehkhinnan khiti lai Serchhip ang te khi chu ni 2/1 tla an neih pawn tikhan nitin a kal zung zung thei mai a. A harsa lo reng reng a. Tin, Hnahthial

tiangdung phei te pawh, chutiang ang chuan, amaherawhchu, hemi a kilkhawr lai leh engemaw zelah chuan fur chung ei hi chu tunah chuan kan dah thawkhatin kan hria a. Tin, Chawngte ah pawh 17000 qtls. lan mamawh thin a, tunah hian 13000 qtls kan dah tawh a. Chu chu anni chuan 17000 qtls. tla anni a, mahse, kan chhut danin 20000 qtls. an ei ziah mai a. In heh bik em ni te ka tia a fiamthuin ka ti mai mai a. Mahsela, a awm viauva, awmna hmun atang hian chaw te pawh a heh theih bik deuh hleka chuvang chuan sawtah pawh 13000 qtls. chu kan chhek phei tawh nghe nghe a. Harsa lo turah dah ila, a thain ka ring a. Buhfai chungchangah hi chuan. Gas te, tin Chini te, a changin harsatna kan han nei zeuh zeuh a. Nikum khan Gas pawh kawng that lohna avangin harsatna kan han nei zauh a. Mahse, harsa lutuk lovin kan han ti leh thei a. Hemi chini ah hi chuan hmanna ka sawi ang deuh kha a a ni a, nikum khan thla 4 kan sem lova ni, a mak ka tih ang reng chu, mipui kan phunchiar lo ang reng phian chuan ka hria a. Thla 4 kha kan sem lova phun kha ka hnena rawn phun hi pakhatmah ka hmu lo hi chu a mak chu ka ti ang reng a, a lawmawm ka ti ang reng a, a chhan chu Central atang khan kan hmuh loh avangin thla 4 tawp kan sem lo a ni a. Phun nuai nuai awm zawk hi ka ti a. Chanchinbu thlenga ti vak vak awm hi kan niin ka hre zawk mahse, Central atanga harsatna anih avang khan State pakhat mai anih loh avangin India ram pumpui State harsatna a nih avang khan min an hrethiam niin ka hria a, a lawmawm hle a. Tunah hian hei March thla thlengin pawise hi chu kan pe fai leh fek tawh a. Central atanga a loka theih loh avangin duhthu kan sam thei lo hi erawh chu kan House pawhin min hriatpu kan duh takmeuh meuh a ni. Tunah January thla chho a io thleng a kha vawikhat chu kan han sem leh a, theih tawp kan hotuten an han chhuah zel ang a. Central-in min pek ang hi arang thei ang bera sem zel hi chu kan han tum dan ani a. Tin, thingtlangah khawimaw laia lo zuva erawh hi chu thil awmthei tak mai a ni a. Hei hi inhriat chuan min han hrih zel ula alawmawm ngawt ang.

**PU LIANSUAMA**

Pu Speaker, Supply Minister zahawm tak chhan nghal atan tunhma khan DCSO atang hian MLA te hnenah allotment copy min pe thin a, khawnvartui te leh

Chini te hi hun engemaw chen atang khan atawp ta vang vang a, a thar thawh leh theih ang em? Christmas leh kumthar inkar khan kan bialah kan zu kal a, Kristmas leh Kumthar vel atana sorkarin mipui chin atana an thawnthlak kha khaw pakhatah chuan an hralh fai vek mai a. A leitute pawh ka chhinchhiah thlap a. Chuvang a nia, Vigilance Committee hi din mai a tha lawm ni? tih te pawh kan rawtna chhan kha. Chuvang chuan MLA te hnenah hian allotment copy kha min pe leh ta ula, a thlen kim leh kim lohte pawh kan beng kan lo chhi ang a, chu chu a theih dawn lawm ni aw?

**PU K. SANGTHUAMA  
MINISTER**

Pu Speaker, chu chu a tha khawp ang tih theih pawh kan rawn tum ang a. Tin, Vigilance Committee kha chu kan lo la nei reng a, an function tha lo ani mai thei a, report hi rawn pe thin sela. Tin, a hralh ru i hriat kha min hrih la, a thain ka ring a. Hei hi chu atha lova, kan naute pawh kan lo hrih tir ang a. Khatiang ang chi a awm kha chuan an hmingin hrih zel ila. Vawikhatah inhrem rup rup lo mah ila, an thiltih diklohte kan hriat a tha taka kan kohva Office a kan koh a kan zilh na na na hi chuan rin aiin mihring hi nem a awl a, a pawng a taka han tih rup rup hian mihring kan inti luhlul mah mah a. Tha taka mi kan kova, hetiang hian thil inlo tisual a, a dik lo a ni tih kan han hrih dap hi chuan rin aiin a zahthlak duh angreng khawp mai a. Khawngaihin i hriat chuan an hming min rawn pe turin kan ngen nghal bawh che ani.

Tin, Khawvartui chungchangah pawh hian nia .. Khawnvartui min rawn tihlem sak hret hret a central hian; kan hriat atana kan sawi duh chu, kumtin hian heti hian kan quota hi tlemin min tihlem sak hret hret a, churang chuan a ngai ang reng kha chuan a kal thei lova, hei hi kan hriat atan pawh thain ka ring a. Mahni chanpual lo tiral duh mai tawkte hi kan awm zel a nih chuan heng hi a buaithlak khawp mai a, tunhnuah kan lo enchiang chho zel ang a. Quota.. nia.. a bialtu te hnena quota han pek zet a kha atha khawpin ka ring a, chu chu tihlawhtlini pawh kan tum a ng a. Nangni pawhin inbial theuhah khan ngaihtuahna in lo hmang ve thei turah ngai ila.

**PU H. LIANSILOVA**

Pu Speaker, a hluih khanin ka zawhna min chhannaah khanin a Department lam rawn buatsaihah khan a tawngkam te ah khan min han chhang tawp deuh mai a. K.Oil agent te hian Khawnvartui hi an sem lo tih hi ani a. An sem loh a kha chu ka hria a. Kan zawhna atang pawh hian a hriat theih mai a, K.Oil Agent te hian an lift a, chu chu an pechhuak leh mai a, a retailer hnenah khami a kha an pechhuak ta lova, K.Oil Agent te hian kan quota hi an lift tho anih chuan khawiahnge an tih, tin, an lift lo anih chuan kan quota a kha engtingge a awm ? kan hlauhthawn zawk taka chu ka Petrol ah hian an chantir tam viau a ni lo maw ? tih kha ngaihtuahna ka nei deuh bawh ani, kan quota kan chan bakah.

**PU K. SANGTHUAMA  
MINISTER**

Pu Speaker, nia, a agent-a te khan retailer-ah khan an pe tur a ni a, kan han tih-dan tak chuan Retailer-ah an pe ang a, an chan tur kha DCSO atangin an ruahman vek a. Khami area-a Agent khanin Retailer chan bik tur kha alitre zat kha an ruahman vek a, kha kha an pe thin tur ani ta a. Kha kha lo pe lo te an awm a nih chuan, a dik khawp mai. Kha kha khawthlangah pawh khuan complaint tam tak a awm a, kan hmu lo tihte a awm a. Khatiang khanin kenina DCSO atanga kan han zawh thin hi chuan allotment an siam a, la vek ang hi chuan a awm thin si a, khalai karah khan lo bo thlau leh chang lo engemaw chu thil awm thei tak a ni ang a. Khang kha kan hria anih pawhin Aizawl khawpui chhungah pawh hmun tinah inhrilh zel ila, action kan lo lak theih nan ka hnen kher loah pawh hei kan Director-ah te leh kan DCSO hnenah te pawh a... hriattir ni thei seng chuan a tha khawpin ka ring a. Tawngka mai lova ziak nise duhthusam chuan athain ka ring a. Chu chu vawiin ah hre ta ila, kan ngen nghal bawk che u a. Tiang chuan kan zavaia kan tan tlan a ngai a ni. Supply chungchangha hian a dik chiah chuan kei tehlu hian felfai takin Mizoram Supply zawng zawng hi ka ti lo ang tih chu kei aiin inchiangin ka ring a. Chuvangin, kan zavaia kan tanrua a, a thalo lai te, a dik lo laite siamrem tur chuanin kan zavaia kan ngaihtuah a ngai a ni.

**PU SAIKAPTHIANGA**

Pu Speaker, thil pakhat chauh kan Minister zahawm tak hian a zo tepin ka hria a. Hei, hmannah ka Car lei ve Guwahati-ah ka zu servicing tir a, chutah chuan Mizoram atang a Petrol kan thun kha an lo en a, a company khan hetiang Petrol hi hetiang Car ah inhmang anih chuan reiloteah Mizoram a Car tha zawng zawng hi chu achhe vek ang an lo ti a. Chuvang chuan, kan Supply Minister kha a inhawng a, alawmawm bawk a. Kan Petrol chhe lutuk hi engtin emaw tun aia tha deuha ruahman dan hi kan Minister hian hre thei se chu a duhawm khawp mai a, tih kha kan sawi lang duh a ni.

**PU K. SANGTHUAMA  
MINISTER**

Pu Speaker, a dik khawp mai a, hei hi Petrol hi nia.. a .. kan Motor pawh hian a tuar a, chumi lai chuan hemi Petrol te Diesel te black-a zawrh hrim hrim a pawh hi kan khap dawn nge khap dawn lo tih hi ngaihtuah tham fe a awm a. Khap mai tha ka ti a, amaherawhchu, harsatna chi hrang hrang ngaihtuah hian khap loh nge tha anga khap, Kolasib D.C. khu chuan a khap

vek a, Aizawl-ah pawh hian khap ta mai ila, tih hi atha mai awm mang e, la inrawn khawm ila, tih ngaihtuahna te kan la nei a. Chuvang chuan, hei hi nia kei pawh kan vei khawp mai a, tunah hian hei theihtawpin keini Department hian kan han ngaihtuah chu a ni a. Petrol hi a lo thlen vele hian check vek chu a ni a. Hemi Legal Metrology hian tlema an indaih lo khawp mai a. Hemi a density a thlen chin leh thlen loh chin tur ang chi hi an han ti ve bawk a, a san lamah a hniam lamah hemi chin hi hemi chin hi, phal chin a ni e tiin a awm a. An han check a, phakchin ni vek ang a ngaih hi chu kan han unload ve bawk thin chu a ni a. Chutiang ang thleng phalo hi chu kan unload ta lo mai a ni a. Chuvangin, a tehna hemi akhawl tha leh laboratory tha taka hi Nonnmati-ah chiah khuan a awm a, khutah khuan tih a ngai si a, harsatna ve tak pakhat chu kan Legal Metrology te hianin dik lo an tih hi chu thawn kir mai tur kha anih loh chuan a ngaihna a awm lova, kan bunruah tir lo a. Tichuan, engemaw zat chutiang ang chuan kan ti tawh a, tichuan, Laboratory Nonnmati-a awmah khuan an exam tur ani a. Helai a khawl exam tur tan engemaw chenah chuan kan exam chhung khan kha Tanker-ah khan a ding tur ani a. A ding ang a, a dinga kha a lo bo thlau chuan engemaw chenah mawhphurhna a lo awm leh a. Hei hi akhirh ve ang reng khawp mai a, helai test-na kan va neih chhun a chu, a density-ah hian a san lam leh ahniam lama hi heta athat tawh loh chuan kan bunruak lo mai a. Tikhan, kan kir ve leh mai a. Kir ringawt mah ila, khawlaiah nge an tihral leh tak a kha chu ahaw khawp mai a, hei hi assembly zawh hian sawi khawmna chu nei ila, a tha ang e, tih ngaihtuahna kan lo hmang mek a, hmannah kan inrawn khawm dawn a. Mahse, harsatnain min tlakbuak chho leh ta a, zin te a lo ngai a, kan ti hman lova, Assembly zawhah hian tlema thapui thawh deuh chu a ngaiin kan hre khawp mai, keini pawhin sawi tak zelah chuan hman deuh pawh khan ka Car-ah hian chhe em em mai hi alo inthun a, tichuan, kan han bunchhuak a, tha lo em em mai kha a ni a. Han sawi tak zelah chuan, MIZOFED a mi lo chu kan thun ngai si lova, chuvang chuan, a tha lo khawp mai a. Amaherawhchu, kan enkawl na hnuai te ani bawk si a, chu chu kan sawi mai a nia. A that lohzia chu a Chiang khawp mai. Chuvang chuanin kan han tichho zel ang a, theih tawp chhuah chu a ngai ani kha kha, adik chiah a ni. Chuvangin ka hrechiang ang reng khawp mai a, chu chu a tha looa, chuti laiah chuan a that zawkna tura theih tawp chhuah chu kan han tum chho mek a.

Amaherawhchu, a harsa ve ang reng khawp mai a, hei thil hi ati ru duh dan chuan zu zawrh te, drug tih te a vengtu ai chuan a tiru duh hi kan taima zel mai a, zu zawrh te pawh hi, hei hi a harsatna deuh a ni a. Chuvang chuan theihtawp chhuaha YMA nen kan han beih pawh hian a harsa ang reng khawp mai a. Kei pawh a chang chuan VDP ah hian zan dar 12 te ka ved la thleng ani a, tunah te pawh hian, chu tlang khawp chuan kan la bei ani a, kan vengah te pawh hian.



Hei BAFFACOS hi min pe a, kuminah hian 90 lakhs min pe a, kum kal leh tur tuna kan budget mekah hian nuai 260 min pe a. Hei hi a tangkai thei ang bera hman kan han tum ang a, tunah hi chuan engpawh ni sela, Godown in sa phawt mai teh ang, bunfai godown kan nei chhe bawk a, repair ila areconstruction hi in bei phawt mai teh ang, kan ti a. Tichuan, a reconstruction leh a repair a kha kan han ti a. Hei, nakum atan hian eng angin nge kan hman dawn kan la sawi khawm lova. Engtingge ni tangkai pui theih dan ber kha ngiahtuah tur ani ang a. ^ tam lampang chhanna tur atan khan Godown sak sak chu a fel ber ang em aw tih erawh chu ngaihtuahna chu a awm thei viau va, ka ngaihndan chuan, amaherawhchu, hei 2006 - 2007 velah khi chuan mi rethei te tana a inhlawhna tanpui tura kha ngiahtuahna kal se thain ka hria a, tunah chuan Mau tam ami tur vawiin a lo inhlawh tir ngawt chu a chi bik si lova. Chuvang chuan Godown sak pawh kha atha lo tingawt dawn ila, Godown tha kan neih chuan Buhfai kha kan dahkhawl ang a, a chhe har thei deuh ang a. Tin, kan Godown a hi a rei tawh hlawm a, hmanlai sak te ani vek mai a. heng hi chei ngai vek mai, sak that ngai vek mai a ni a. Chuvang chuan, tun kumthar ami pawh hi Godown cheibawlnana kan lo hmang anih pawhin a kum leh kum leh kala chu tam tanpui nan nuai 200, 300 a te min rawn pek chuan tam nasa taka kha keini supply atang pawh hian kan chhan thei dawn a. Khatiang zawng khan kan sorkar-in ngaihtuahna fumfe tak a rawn siam chho ang a. 1959 te ang kha chu ani turah ngai lo ila, a buhfai hi chu Central ah Mau atam ve dawn chuang lova, kan ngah ang a, a leina pawisa hi kan lo ngaihtuah ang a. Tichuan, harsa lutuk lovin Mizoram hi chu ei leh barah Mau tam chhung pawh hian awm thei turah han ngai phawt ila, Central te an tha a, sorkar tha tak Central-ah kan nei a. Hei min duhsak a, kan Prime Minister zahawm tak kaihhruaina hnuaiah India ram pawhin hma nasa taka a sawn turah ngai ta ila.

Economist te kan nei a, tunah Finance Minister tha tak Central-ah kan nei bawk a. Prime Minister tha tak kan nei bawk a. Chuvang chuan, Mizoram an rawn ngaihsak em em a, chuvangin, hetih rual rual hian keini pawhin an mi duhsakna te, Zoram min rawn ngaihsakna te pawh hi keini pawhina theihtawp kan chhuah a, Central te pahw an hming kan tih that theihna tura State sorkar pawhin theihtawp kan chhuah a. Kan ram enkawl naah hian tan kan lak viau a ngai dawn a ni tihte pawh a lang awm e. Awle, chu chu kan Demand pathumna ani a.

Tichuan hei Demand No. 17-na Food 7 Civil supplies Rs. 92,99,16,000/- Demand No. 37 na, Co-operation Rs. 6,96,75,000/- Demand No. 17 na Food & Civil Supplies hi kan sawifiah leh lawk ang a. Food & Civil Supplies tih hi kan thlak tawh a, mahse, hemi

official ah hian Food & Civil Supplies tih vek a la ni a. Chuvangin, hetah hian Demand No. 17 na hi Food & Civil Supplies tih a la ni. Hetah hian 92,99,16,000/- a ni a. Tin, Demand No. 37 na Co-operation ah hian Rs. 6,96,75,000/- a ni a. Tin, Demand No. 41 na Sericulture Rs. 6,19,40,000/- Tichuan a vaiin Rs. 1,06,15,31,000/- a ni.

Awle, Pu Speaker, hemi ka Demand ka rawn sawichhuai tak Rs. 1,06,15,31,000/- hi kan House zahawm tak hian min pass pui turin ka rawn ngen e.

**S P E A K E R** : Awle, Minister zahawm tak Pu K.Sangthuama'n a Demand No. 17, Food & Civil Suplies leh No. 37, Co-operation leh No. 41 Sericulture department te tan Rs. 1,06,15,31,000/- pass a rawn dil ta a. Heng Demand te hi remti apiangin 'remti' ti rawh ule. Remti lo kan awm chuan 'remti lo' ti rawh ule. Awle, Minister zahawm tak Pu K.Sangthuama Demand No. 17 na Food & Civil Supplies tan Rs. 92,99,16,000/- Demand No. 37-na Co-operation tan Rs. 6,96,75,000/- leh Demand No. 41 na Sericulture tan Rs. 6,19,40,000/- a vaiin Rs. 1,06,15,31,000/- chu House-in lungrual takin a pass a ni.

**PU K. SANGTHUAMA  
MINISTER** : Pu Speaker, ka lawm e.

**S P E A K E R** : Tunah chuan vawiin atana kan Demand Hnuhnung ber Minister zahawm tak Pu Z.H. Ropuia Demand kan sawi hona te han wind-up a, pass han dil nghal turin Pu Z.H. Ropuia i lo sawm ang.

**PU Z.H. ROPUIA  
MINISTER** : Pu Speaker, a hnuhnung ber ka chang a, hma a miten thahnem an ngai si a, Upa tawng takin a hnuhnungah tih tawk a awm an ti a, kan ti teuh mai dawn emaw ni. Kan ti tawk mai a niang chu.

Tichuan, ka Demand chungchangah hian vawiinah member te chungah lawmthu sawi atul hlein ka hria a. Budget Session hmasa te ngaihtuah chuan vawiinah hian member te hriat pawh kan hlawh ve hlein ka hria. Budget hmasa angah te kha chuan member  $\frac{3}{4}$  vel bak khan min sawipui lova. Vawiinah chuan member 18 velin an sawikarah hian member 14 laiin min sawipui niin ka hria a. Ka lawm hle a. Hriat kan hlawh ve ta niin ka hria a, a lawmawm takzet a ni tih a hmasain kan sawilang duh a ni.

Tichuan, vawiinah hian a hmasa berin Demand No. 28 na Labour & Employment hi ka'n sawi hmasa duh a. Labour & Employment Department hi kan chaurau hle thin a, kum kalta phei kha chuan tan lak kan han tum thin a. Kan pawisa neihte a tlem si a, nuai 70 vel a in manage tur khan chuan kan tluantling zo lovang a, kan ti a. Hmasawn chu sawi loh keimahni pawh kan intungding zo lovang a ka ti a. Amaherawhchu, hun a lokal a, tiang hian a final-na ah tlemin min han belh a, kan in awichhuak hram hram a. Tan lak ka tumna leh hmalak kan tumna pawh hma la hman loin leh suangtuahnaah kum kan hmangliam ti tih ringawt mai a ni. Amaherawhchu, kuminah te hei ka hotuten Department in thahnem ngaihzia te hriain tlem min han punchho ve ta a. Kan hriat fuh loh deuh hlek a awm thin a, ka hriatte sawi lan tulin ka hria a. Labour & Employment tih hi pahnih chu ni mahse, chithumin kan then a. A hmasa berah Labour Welfare kan ti a. Tin, a pahnihnaah Employment Service kan ti a, pathumnaah Craftmen training kan tih hi ani a. Central sorkarah phei chuan Labour Ministry hi an ngai pawimawhin a lian em em mai a. Kan ramah erawh chuan employment service ni kan hre lar em em a. Chuvangin ngaihthah pawh a lo hlawh rei a. Post create te lo ni tawh mahse, Labour Officer leh Assistant Labour Officer leh Factory Inspector post te create lo ni tawh mahse, fill up lohvin ngaihthah a lo ni chho a. Labour Wing lampang hi kan ramah hian India ram pumah employment sorkarah hian down sizing policy a ni bawk si a. Private sector ah leh thil hrang hrangah leh sorkar angah te pawh M.R. leh Work-charge ang ten a hna an han thawk ve te hi, security an nei lovin an tan hian abeidawn thlak hlein ka hria a. Chuvangin, tanlak tulin kan hria a. Labour Officer leh Assistant Labour Officer leh Factory Inspector te post fill-up kan dil a. DP & AR in min phalsak a. Amaherawhchu, pawisa harsatna avangin leh remchan lohna avangin Finance-ah te kan han hnawng leh zak zak thin a. Kan han nawr chho leh a, tiang chuan hma kan han la a. Tunah hian kan hotute Finance Department lam rawna angin Factory Inspector post hi chu Factory tih tlak kan la nei bawk si lova, Labour Officer leh Asst. Labour Officer post hi chu rawn process leh ula an ti a. Kan process leh mek a. Hemi kan han tih hi chuan heng kan labour law tam tak te hi enforce turin hma kan lak theih

ka ring a. Heng ho himna tur hian tiang hian ti ila, Labour te leh Work-Charge te, M.R. leh Private institution a thawk ho reng rengte pawh duh huna thlawn leh mai leh boral ta se, arte thih mai tur hmabak engmah chhungkaw tan a thil han hnutchhiah tur leh eng emaw awm lo lutuk hi atha lova, Employees Provident Fund organisation hi zawm ila kan ti a, kan nawr a. Amaherawhchu, dan neuh neuh te a lo awm a. Heri hi keimahni employment ringawt tih theih loh chin a awm a. Chuvangin, Education te, kan Finance Minister te nen a inrawn tiang a, engtin nge he Employees Provident Fund Organisation hi kan zuk zawm ve theih dan tur leh chu chu awlsam zawka sub-regional Office Mizorama hawn a nih theih dan tur te kan ngaihtuah ho turah ka ngai a. Kan phur khawp a, kan Chief Minister zahawm tak pawh kan sawipuiin tha a ti a. Thahnem min ngaihpuin tunah pawh hei harsa tak karah Labour Officer leh Assistant Labour Officer post pawh hi fill-up min remtih sak turah ka ngai a. Chu mai nilovin hei National Trade Union Mizoram te nen indawrin leh Life Insurance Company te nena indawrin ka hotu ten hma anlak pui a, tunah hian kan indawr pawp tha viau tawh a, lo boral te, pawh nise, heng Insurance Policy mirethei leh hnuaihngung zawk a thawk te tlawm zawka group type a kan insure theih dan tur te ka dapin tunah hian indawrna a kal mek a, chungte kan han tih theih chuan tam tak tanah tlem tlem dah kham a khatianga deposit nena an han tan a, a tawpa lak let leh theih leh vanduaina pawh tawk se an tanah leh an chhungte tan pawh a lukhawng neive thei turin tiang chuan ruahmanria kan siampui a ni.

Tin, Mizorama ILP hmanga hnamdang lo lut tam tak te hian an rawn luh hian kan hnathawh tur tam tak min thawh saka hei hi kan vei ang reng a, kan thalai te hna hmulo ka tihte hi hna hnuaihngung deuh anga ka hriat te hi kan hmusit deuh thin nin kan hria a. Tin, an thawh tur ang te thalai te pawhin thawk dawn se hnam dang ka ruai zel mai hi a controll-na hi uluk leh zuala siam thain ka hria a, tahchuan hei Concrete Mistiri kan tih ngawt te hi Engineer hna ani a. Tin, Alkatra luan te hi Engineer zir chhuak te hian thawk se, alkatra luan te hi aquality atha ang a, lekhathiam nge ngein a heng hna te hi thawkin heng hnamdang rawn lut te thawh ai hi lo thawh khalh zel ila thain ka hria a. Chumi tur chuan heng enkawlna dan leh khuahkhirh dan pawh hi uluk takin duang ang u kan ti a, kan duang chhoya, Central Act zulzuiin Rules ka duang mek a, tah chuan kan han duan pawhin kan sawiho pah thin a, uluk angai khawp mai a. A sponsor tute hi kan khuahkhirh nat viau angaiin kan hria a, a sponsored tute hi a tikhawlo tu an ni tlat hian ka hria a, chuvangin, inter State Migrant Workmen Rules hi kan Cabinet-ah pawh min pass sak tawh a kan lawm hle ani; hei hi Labour Officer leh Asst. Labour Officer te kan neih hunah chuan kan hmang tangkai theiin kan ring a.

Tin, hei Rules tam tak Central Acts zulzuia siam tur kan nei a, han adopt dawn pawhin a ngai ang diak diaka han adopt hi fel tawk loin kan hria a. Kan ram mil tur te en a ngai a, tihtur a tam hle mai a, rules te han exam leh hi rin aiin mithiam rawih te angaiin hun a duh rei hle a, duh angin hma kan sawn chak thei lova. Amaherawhchu, engemaw zat tunah hian kalchhoh pui mek kan nei a ni tih kha ahmasain Labour Wing ah kan sawi duh a ni.

Tin, Employment Service chungchangah hian hei kan hriat angin District Employment Officer post hi post riat kan nei a, tah chuan post 5 hi promotion post leh pension post leh boral ta ai ruak kan neih a ni. Chutah chuanin kan Directorate Administration pawh hi a hahthlak em em mai a, Director a awm a, Deputy Director pakhat a awm a, kan chang hla deuh maiin tiang hian a awm bawk si a. Administration ah harsatna tam tak kan nei a, Employment Officer post 5 ruak kan neih hi filled up an phal rih bawk si lova. Chuvang chuan surrender a Joint Director post hi dah akhatianga Office te pawh inenkawl chak zawk hi kan duh a, kan dil mek a, min han regret thin a, kan ti chho leh a, tunah pawh tih chhoh leh kan tum mek a, hetiang hian Directorate ah pawh hotute kan nei tlemin tunah pheichuan kan Deputy Director hian ITI Principal hna nen a kawp a, a buai em em mai a ni. Chuvangin, kan Employment Directorate te harsatna pawh DP & AR leh Finance pawhin min hriat thiam ka beisei a, min chhinchhiah sak pawh ka duh a ni.

Tichuan, Craftmen training chungchang hi sawi leh thain ka hria a, Craftmen training chungchangah hian harsatna kan nei a, tunah hian ITI Principal hi fill-up turin kan han dil a, deputation ang deuh tein an han kal a, deputation a kal duh an awm bawk si lova, kan buai em em a. Tunah hian kan Deputu Director in a kawp mek a, tichuan direct arecruit te min phalsak se ka ti a. Tunah hian ka ngen leh mek a ni.

Tin, ITI hi tunah Saiha ah kan buaipui mek a, Lunglei leh Aizawlah extent kan dil leh mek a, Lunglei leh Saiha hi an peih tawh a, chutah chuan hei mi pahnih Electrician leh Skincare hi Saiha ami tur Aizawlah hawn lawk a ni a. Mahse, hei hi Session tan leh dawn hunah ITI Saiha hi hawn kan tum dawn a. Lunglei pawh chutianga bawkin hawn hman kan tum dawn a ni. Trade li ve ve Lunglei leh Saiha ah hian hawn kan tum a ni. Tichuan Aizawl a pawh trade engemawzat hawn belh kan tum a, chu chu a thawktu tur te zawk kan department in a sponsored a zuk training tawh Instruction tur te pawh M.R. fill-up dan contract basis ten min phalsak tawh a, tichuan, hengho hlawh pek chungchangah pawh hian 100% kum 2007 thleng hian Central Sponsored

Scheme anih angin min pek sak dawn a, chubakah Aizawl ah hian ITI din turin central ah ruahmanna kan siam mek a, anni pawhin a thuphungin tawngkamin min remtihsak tawh a, Champhai ah pawh ITI din turin ruahmanna kan thehlut mek a ni.

Tichuan, Employment chungchangah pawh theihtawpin pawisa neilo chung chungin tan kan la a, Self Employment Scheme te tihdan turte kan duang a, kum tharah phei chuan nasa taka hmasawn leh zel kan tum a, tin, Private firm ah te leh called centre angah te hnawhlut thei turin Recruiting Agency ka Industry lampang DOECE te thahnem an ngai em em a, chungte nena tangkawp chuan employment engemaw zat called centre ah te pawh kan hnawhlut tawhin kak thalai te tan kan siam sak tawh bawk a ni. Employment chungchangah chuan tawh rih phawt se.

**PU LIANSUAMA**

Pu Speaker, sawi leh tan hma khan sawi belh lawk atan - Unstarred zawhna 138 chhannaah hian Home Department in 2004 thleng kum 2000 atangin Employment Exchange kal tlang lo Advertisement lovin post 231 a hnawhkhat a, hei hi engtingge action in lak dawn - Employment kaltlang lo a hna lak kha a thiang lo, chu chu nichinah pawh inham puar deuh teh u khai kan tih chhan kha a ni a.

**PU Z.H. ROPUIA  
MINISTER**

Pu Speaker, a dik khawp mai, amaherawhchu, thil pakhat chu - hei hi kan han ti ngial a, tam tak control leh ventur a awm a. Chuvang chuan Employment kal tlanga tih hi a him ber ani tih kha, han ngaihdan a niin tun hma pawh a, Employment kal tlang lova Recruitment tih hi a dik lo ani tih kha sorkar kalphung leh tihdan a ni a. Amaherawhchu, khatiang a kan han tih khan sorkar lamah an han exam hnu khan minrawn chhannaah chuan ka tello khan Direct a recruit pawh kha an lo relax deuh a, an lo phalsak tlat mai a, chuvang chuan kan inham puar tum ang khan kan inham puar tha hlei thei lova, chulai chu harsatna ka neihna ani a. Dan lo ang em em a ni lova, annin anrawn zahder anih siloh chuan, zahder lo han tih ngawt thu chu ni lovin, phal theihna chin kha a lo awm tlat avangin duh angin Employment kaltlang lova hna lak chi a tam phah niin kan hria. Pawi kan ti hle a ni. Kan

thu ziktluak theih lohna chin a awm a. Mahse, Employment chungchangah hian ramdangah te (Interruption) department dang recruitment ah pawh harsatna tlem kan nei a ni.

Hei Railway Agency leh Recruitment Agency ah te khan Employment awm thei angte min hriattir turin kan ti a. Tunah kan naute Exam tur ten Central Office hrang hranga vacancy post awm kha kan ti a. Min hrih tan zel a. Tunah I.T. facilities te kan han neih chhoh phei chuan Information hrang hrang kan nei chho thei turah kan ngai.

Tin, Tourism Department hi kan phur hle tawh a. Central a kan Minister khu a tang bawk a. kan tang ulh ang tih hlauhawm khawpin a bawh mai dawnin kan hria. A lawmawm hle a. NDA sorkar khan CSS te pawh a nuai tela kan sanction hi adik lo a ni Target nei deuhin Destination Project tih te, Circuit Tourism tihten kalpui ila an ti a. Chutiang zulzui chuan hma kan la tan a. Hmanniah pawh Delhi ah kan Meeting naah Introduction ang deuhin kawng a inhawng dawnin ka hria a, Department dang tan pawh. Parliament Standing Committee lo kal tena an han tih khan Airport te an han study a. Toursim Minister's Conference ah chuan tihian kan pass a. International Airport hi State tinin neih vek tum tur a ni an ti a. Airport pakhat tal neih belh leh theuh tum tur nise an ti a. Chubakah Turbine fuel hi Tax an la sang mai a, State dangah chuan hei hian Airforce Inland Service ho hi a ti sang niin kan hria. Bangkok te Hongkong te han kalna hi Delhi kal nen a lo inang deuh reng mai a. Chuvangin, mi tam zawkina thlawhna a man tlawm zawka an chuan leh Attraction Tourism ah te kan neih that zawkna turin Turbine fuel tax pawh hi State tinin tihhnam nise an ti a. Department dangin Infrastructure reng reng pawh hi International Standard veka siam ni rawh se tia Department dang nen pawha Cooperation tha taka development work pawh kalpui nise an ti a. Tin, Polythene hi kan lo ngai pawimawh nep hle a. Tourist Centre reng rengah Poly free nise, Polythene hi hman loh nise kan ti a.

Mizoramah pawh Foreign Tourist hi kan hmu chho nual a, 266 lai mai. Domestic Forest hi 37000 chuang kuminah kan nei a ni. Tunah kan hruaitu hmasate thahnemngaihna te a la ziktluak lo deuhva, Tourist Lodge hrang hrang 10 sak zauh ang reng chul mam chiah loh leh furnishing la tih lohte hawn mai theih turin kan buatsaih mek a. Ngopa, Mamit, Tlabung, Hrangchalkawn, Tawikpui, N.Maubawk, Vawmbuk, W.Phaileng, Pangzawl leh Chaltlang te hi a rang thei ang a hawn tumin hma kan la mek a ni. Tin, Information atan Mizorama rawn luh a harsatna em em chu ILP leh RAP ah ani a. Airport ah leh Zoram House ah te Tourist Information Office hi nei ila kan ti a. Chumi chu kan buatsaih mek a ni.

Tunah hian Member zahawm tak Ratu bialtu kha aawm ta lova. Starred Question ah kha a ti a. A chhuak lova. Tunah hian kan Toursit Lodge sanction thar thenkhat te 4 sak mai tura peih tep kan nei a. P.W.D. a hlan tawh an niin reiloteah an Tender theih ka ring a. Zokhawthar, Sakawrdai, Khamrang, Hmuifang te Tender mai turin an buatsaih mek a ni.

Destination Project kan tihah hian ITDC nen tangrualin hma kan la a. Kawlkulh Highway Restaurant a lo khi tuam tawh a. Anni pawhin a hmun khi tha antiin an it khawp a. Building zawng zawng Dismantle a, a hmaa in dawh phei khi la awm siin a chhawngin tuna cafeteria chungah khian view nuam em em siam a, Holiday hmanna tura room buatsaih turin project nuai 108 kan han earmark chhin a. Champhaiah changkang zawkin VIP road te leh fountain te siam ila kan ti a. Nuai 208 kan earmark a. Chubakah Hringlang tlang kan Mizo thawnthu amite Tourist Attraction ah han chawilar ila kan ti a. Hringlang tlang hi Gate ropui deuh siama Truck road a siam a, viewing gallery changkang deuh hman 2/3 ah siamin durbina khawchhak Rihdil leh Khawthlang han thlir theihna tura siam kan tum a. Nuai 30 chuang kan dah a. A vaiin khilai atan khian nuai 442 hmanni lawkah sanction min pe a. Tahchuan 80% pawh min release nghal a ni.

Tin, Tourism ah hian Serchhip - Lunglei road hi kan han telh chho a. A bikii Aizawlah hian Chaltlang te Sairang ah te khawpui chung tih changkanna tur hi kan han buatsaih a. Chaltlangah nuai 69, Sairangah nuai 27, Chhiahtlang saw upgrade a, engkim Telephone facility leh Computer nen tiha a chungah sawn han chawlhna tur, VIP thlen theihna turin Restaurant chhawng siam kan tum a. Nuai 108 vel kan dah a. Serchhip Tourist Lodge complete theih loh saw complete a fel taka tih chhohna turin nuai 43 kan dah a. Hnahthial hi upgrade nan nuai 55 ka dah a. Zotlang Tourist Lodge ah hian nuai 125 kan earmark a. VIP Lounge tun ami aia tha siam ila, Lal In hmun velahte, Zobawka Picnic Sport bulah engemaw zat siam a, cafeteria changkang deuhhleik siam na turin central-in nuai 634 min approve a. Hei bakah infrastructure ah hian Kanhmun, Tlabung leh Taichho leh Reiek leh Berawtlangah hian kan nei a. P.W.D. nen hma kan la chho mek a. Chutah chuan nuai 341 PWD ah ruahman turin kan ti mek a ni.

Tin, Tourism hi chu kan intodelh ru riau a, kan inchawm thei a, revenue pawh kan la lut tha viau va. Kan inchawm theiah kan ngai a. Mahse, India ramah hian employment generate tam bera ngaih chu Textile Industry ah hian a ni a, a dawtah chuan Tourism Industry



hi ani. Mizoram hian kan la hmelhriat lova, chuvang chuan heng hi tih changtluna employment generate na tura hmanraw tha ber te zinga mi niin ka hria a. Tunah hian training zo te helaiah dah chhoh zel kan tum a, nasa taka tan lak kan tum a ni. Kan Chief Minister pawhin thahnem angai a, NEC atangin theihtawpin a nawr a. Chalfilh tlang Tourist resorce tur hi crore 24 min approve sak a. PWD in an tender mek a, hma an la mek a ni. Reiek chungchangah bialtu MAL a lawm thiam hlein ka hria a, a lawmawm hle a, chuvang chuan a niang lawmte hi malsawmna hnar a niin ka hria. Tourism Reiek atanah nuai 90 min rawn pe tel leh hlauh mai a, tiang hian cheibawl kan tum a ni. Tuypical village kan tihah hian Mizo thil hnam dangin tourist attraction an hman tangkai leh hmuh an chak Mizo nun dan phung typical village kha ka din chho mek a, chutah chuan in hriat chian loh hmel riauva kan hrilh che u alawm mawle, Pu Speaker, a hnukung berah min dal bawk a, nakinah kan fate kan tute tan vek ani a. Naupang in harsa em em a an zir Mizo nun dan phung, inchhungkhur khawsak dan lehkhawua an zira an fail thinna kha atakin an hmu ang a, 1<sup>st</sup> division ah an pass tawh mai dawn ani. School naupangten kumtin excursion emaw an nei ang a, tunah ringawt pawh hian thlasik lai hian nitin 100 chuang tlawhtu Reiek tlangah khuan kan nei a ni. Local Tourist nasa takin a hip ang a, income nasa tkain a generate dawn niin kan hria a. Weekend ah te zuk intih hahdamna turin hun kan nei thei dawn nin a hriat a. Cultural scene te an nei ang a, hnam dangin an ngaihsan, In ropui tak tak hi an hmu ning tawh, chungte chu a ni tih kan chak chu, chumi entertainment chu atih theih dan tur awm theihna tur kan dap mek bawk a ni.

Kan opposition Leader zahawm tak kha a chhuak a, thahnem ngai takin a sawi a, lawmawm ka ti a. Sport chungchanga sawi hnem a, hetah hian Sport hi flying club project kan siam a, an Managing Director hovin project kan theh lut mek a. Tourist atang hian pawisa ka hmu thei zawk ang kan ti a. Sport lam ai chuan, chuvangin, Planning ah kan nei a, kan Chief Minister pawhin min hriatpui sela, non lapsable pool fund atangin nuai 200 leh tih lek a ni a. Kan hnuk chhuak thei turah kan ngai a, tunah Planning Project ah a tang mek a ni.

Tin, Tourism hian Mizorama kan lo ngaihdan tam tak hi a tha lo kan ti a, tourism han tih hian In sa tur ringawt a kan ngaih hi, tour operator ho hi Tourism sector anni a, kan driver te ka tih changkana khual chhawn dan leh polite d ante ka zirtir a ngaiin kan hria a. Chuvangin, Training Programme tunah kan duang a, pawisa pawh kan hmu vek tawh a, taxi driver hote training neihpui kan duh a. Tin, Traffic Police te hi an tha em em a, kan Traffic Police te hi India ramah chuan an chhuan awm berin ka hria a. Mahse improve-na tur a la awm em tihte, Traffic

Police te nen training turin hei hi Tourism sector anih avangin tunah hian kan buatsaih dawn mek a ni. Tin, kan hotel te helai kawngpui tlangdung amite tlema thinghlim leh changkang zawka tihdan turte training neihpui la. Tlungvel te, Hnahthial te, Tawipui te hi kan chawlhna buk deuh anni a, thianghlimna leh han in enkawl dante training pui ka tum a. Chutiang te chu tunah hian kan bei mek a. Tin, Sport lam nen hian a inkaihnawih deuh a Adventure te Tourism tihte hi. Adventure Sport tih nen a inang deuh si a, sawi tur tam tak aawm a, tunah hian, thla leh hian Project siam turin an chhuk thla leh ang a, engemaw zat crore 5-2 bawr vel chu Vairengte lampang Circuit Tourism ah te, Mamit leh Zawlnuam lamah te kual turin, Phase - II Project ITDC te nen kan siam leh dawn a ni. Tahchuan, helai bialtute pawhin thehtawp min lo chhuah puia apawimawh te min lo kawhhmuh kha a ngai dawn a ni tih kha information atan ka pe lawk duh a ni. Chu chu sawi tura tam hle nachungin Tourism lamah chuan tawk mai se Sports hi ka ngai pawimawh a, memberte pawhin in ngai pawimawh a, sawitu pawhin tam hle a, tlem sawi loh theih loh niin kan hria a. Kan achievement te hi nichina Saitual bialtu zahawm takin a sawi ang khan kan Demand No. 32 na Sports & Youth Services hi inthahnem ngaihate zawng zawng khan kan budget pawh hi apung chho zel a. Tichuan, nikum hmasa aiin a let velin kan pung a, tunah tlemin min han tihpun belh leh a, chutih rual chuan tih tur tam tak a awm si a, Sports hian a huam zau khawp mai a,

Sports & Youth Service hian. Youth Services ah hian a hmasaa sawi ka duh chu Youth Services hi kan ngaih pawimawh a ngai a. Central-ah pawh Scheme te kan thelut zel ang a, Adolescent Scheme te heng kan tleirawl nun sual chho tur venna tur atan te hia Scheme thehluh theih dan tur kawng tam tak a awm a. Tunah hian kan bei tan mek a. Tichuan, heng thalaite an puitlinna tur leh mipuitling an nihna turin Adventure leh NCC leh NSS programme te, Scout & Guides movement te, kan nei a, tah chuan tunah hian heng kawng hrang hrangah te hian hma kan la a. Hei NSS te hian Ram leh khawtlang tana service an neih theihna turin hma an la a, zunin te, Bus waiting shed leh kawng hrang hrang, Pavillion te an sa a. Tin, thingphun hnatlangte an nei a, ram tana an inzirna tur leh an inpek chhoh zelna tur thalaite training nante. Tin, khawlai tihfaite leh kawng hrang hrangin, tin, NCC ah pawh Batallion tharte dinin hma kan la chho a, training te nein camp te an nei a, Republic Day Parade ah te pawh khatiang khan kan hlim chho em em a. Thil tihpui nikhuaah te pawh kan hmang tangkaiin Training tha tak leh Discipline tha tak nen kan thalaite hi chher chhoha tih puitlin kan tum a. Tin, Scout & Guide Movement ah pawh hian thalaite ka train chho nasa hle a. Hmanniah pawh khan National Level Rovers & Rangers Moot Tanhrilah te ka nei a. Tiang khan hma kan lain Scout & Guide Movement thi tawh pawh tunah hian an parh chho leh mek a ni tih kha vawiinniah House hmaah sawilan ka duh a ni.

Tin, Coaching Programme te hi uar nise tih kan duhin Directorate a kan Coach te leh Council a kan Coach ten Coaching Programme hi an nei reng a, Club hrang hrang ah te an chah a. Tiang hian Sports lamah hma kan lain bul kan tan a, bul ka tan tih ila inlo ruahmanna te tihhlawhtlin a ni chho mek a ni.

Tin, chubakah Council Head-ah pawh hian kan dah a, khatiang special Coaching programme te nei tur hian khaw. atangin emaw MR pawha kan la rawih loh Coach trained tawh, NSS trained te ka ruai zawk a, thla hnih thla thum te ka ruai zawk zawkin thahnemngai takin ka bei a ni.

Tin, Adventure Programme Youth Services a mi hi sawi nawn leh ka duh a, nichina Tourism nen a inkawp avang khan. Kan Tourism potential ah hian Adventure hi apawimawh em em a. Caving tih te, climbing tih te, working tihte hi adventure programme apawimawh tak ram boruak, natural air condition, boruak thiang tak leh ram ngaw hring nuam tak leh luiah pawh mi ram lui anga tawp leh bawihhlawh ni lo, lui thianghlim rafting han neih te hi nuam an ti a. Chuvangin, hmannah Canada atangin tlangval pahnih leh Israel atangin, pakhat an rawn kal bawk a. Helai kan Adventure Club te nen Joint in expedition an han nei a, khita tangin survey Bualpuikai, Muallianpui, hnuaiiah Chhimtuipui rafting an rawn bei thla a, kan adventure ho nen khutah Lawngtlai thlangah Kawichawah khan an chhuak a. Tiang chuan Phawngpui Tlangte an han en a, min survey pui a ni. A chhan chu hemi potential ahi sum leh pai revenue ti turin an market thin a ni. Chutiang market tlak chu ani em? engtingnge ka improve ang, ramdang nena kan inkungkaihna tha zawk a awm theihna turin kan ti a. Chutiang chuan hmannah hlawhtling takin kan han ti a, kan hlim hle a ni. Anni pawhin an ramah khatiang khan theih ang tawkin khulai thalaite nena Mizoram Tourist attaction tur leh hun kan rawn hman vena turin link kan tum dawn nia tih a ni. A tam hle mai a, Sawi dawn chuan a tam lutuk deuh a, kan short cut dawn em ni, enge ni in ngaihndan in ning tawh em? (PU LIANSUAMA : Pu Speaker, rawn Re-act sela General explanation kha chu kan mamawh lutuk pawhin kan hre lo a nia.)

Pu Speaker, member, tuna mi kha General explanation anga inngaih kha kan sawifiahna chhana chu, chumi sawi chu ka rawn re-act e ka ti ni hran lovin a rawn re-act vekah ka ngai a, a rawn sawi a nih kha. Ni e, thil tha ngaihthlak hi a ninawm duh khawp a, mi achievement ngaihthlak te hi a ngaihnaawm loh fo thin a, hei tunah hian National level-ah pawh hian hma kan sawnin Sports-ah hian National leh (PU SAIKAPTHIANGA : A achievement-a kha min hrilh se chu a

ngaihnaawm tur a ni a, a dream ringawt kha min hrih mai a ni a. (SPEAKER : Zawh thuai a tumin ka hria, lo tibuai tawh lo ila, zawh thuai a tumin ka hria.) Kan suangtuah mai ni lovin kan thawk mek a ni Pu Speaker, ka sawia kha, kan tawng mek lai a niin ka dreamland mai ni lovin, atakin kan thawk mek a ni. Member ten inhriat leh atan kan sawi duh a ni.

Tichuan, tunah hian District Sports Complex hrang hrang kan buatsaih mek a, tahchuan Lunglei leh Champhai leh Kolasib-ah hian 400 metre tract line thing 6 lane leh 8 lane tling tur tunah hian kan zo tep tawh a, kar hnih velah chuan kan zo thei tawh ang.

Tin, chungah chuan Gallery leh Football Ground la tling mang lo te chei belh a ni a, tin, Gallery leh Pavillion te changkang zawkin toilet system te nen tih mek a ni a. Tin, chubakah Hostel building leh Indoor Stadium lian, heng District hrang hrangah hian kan sa tan mek a, Mamit-ah khuan bul kan tan mek a, tin, Kawrthahah, nichinah khan bialtu khan a rawn sawi lem lova, Kawrthah Playground-ah khuan Public Gallery engemaw zat siam sak turin hma kan la tan bawk a ni tiha kha kan sawi duh a. Tin, District hrang hrangah, Saihaah E.C.M. Field tunah hian kan lai mek a, tin, Indoor Stadium lian kan sa mek bawk a. Tin, khimi field pangngai khi a sir kil compensate a ngaih avangin kan check mek a. Tin, Hostel tur hmun tha kan neih loh avangin mi building lei tumin kan indawr mek a, hmun tha leh rem a mi. Tin, Valley Ball Court pawh kan tan a, work order te kan pe tawh a ni. Tin, Champhai ah pawh cutiangin field bakah Volleyball leh Gallery te nena awm theihna tur Volleyball court leh cricket ball court kan siam bawk a. Hostel lian tha tak kan siam bawk a. Tin, helaiah DONARS Ministry atangin nuai sawm leh pali vel Champhai Indoor Stadium sakna tur Committee-in min remtih sak tawha kan Chief Minister thahnemngaihna. Chutiang bawkin helaiah chutiang chi bawka chu Babutlangah, khilai Bungalow hlui zawng zawnga khi Indoor Stadium inthlenna tur leh discipline hrang hrangte Hostel anga awmna tur tunah hian sanction DONARSA in crore 14 min pe bawk a.

Tin, Durtlangah nichina an zawh kha kan chhang duh a. Durtlang khi main complex tan kan han ti a, hmun kan neih loh avangin kan neih zau ber lai a ni a, kan duhthusamin thil kan dah thei lova a hmunin a zawh loh avangin. Football leh Gallery engemaw chen dah ve a Hockey Ground hi mi ramte compensatea han nawr belh a, tling thei turah kan beisei a. Hostel nen Volley ball court leh Basketball court nena dah kan tum a ni tih member-te nichina an han sawi lana kha kan hriat atanah kan sawilang duh bawk a ni.

Tin, kan vanneih em ema chu inhriat theuh khang District Complex hrang hrang kan sawi bakah khan kan vanneih em ema chu kan zavaia kan vei tlan Stadium puitling kan tih kan thalai tena an sawi an sawia kha crore 50 kan han dil a, kan tum dan takah chuan sawmi A.R. Ground saw tiha 400 metre lane lenga stadium pui tak mai tiha alaiia Football ground tiha kha kan tum ber a ni a. Amaherawhchu, 25 crore minrawn pe a. Hei hian Football ground ringawt nge kan tih ang ka hre lova, helaia hi chu Ground Committee hi Chief Minister hovin kan awm a, Assam Rifles te telin an indawr a, kan Chief Secretary te nen kan Chief Minister ten thahnemngai tkain Assam Rifles-ho pawh an lo dawr a, an aw ka min pawh tan a, bul tan theih mai pawh kan beisei a. Chu chu uluk taka kan PWD te nen emaw NBCC lamah kan ti dawn nge ni ang, Khalaiia kha ruahman chhoh meka ni tiha kha inhriat chak ka ringa kan sawi duh a.

Tin, chubakah chuan kan L.A.D. Minister chungah hian lawmthu sawi tulin ka hria a, Minister-in thahnem min ngaihpuia kan Sport Ministry lam leh kan DONARS atanga kan tih theih loh deuh pawh NBCC atangin Lunglei.... number one nuai 190 minrawn, Gallery leh khatiang improvement Approach Road te tihna tur minrawn pe a, tunah hian hna an tan tep a an ti tan meka. Tin, chubakah tunah hian Project min siam sak leh a, Chitelui zawng zawng khu nichina member in a sawi pakhat kha khulai ruam thla khu MBCC atanga project kan siam a, 20 crore chuang tunah hian Project an siam a, beiseina sang tak kan nei a ni. Ni e, a bak enge, khalampangah khan chuan, sawi tur a tamhle mai a, kha, ngawi rawh kan sawi leh law law teh ang, inhriat atan a kan member pakhatin nichina a sawia kha.

Awle, National Level leh Gold Medal kan lak zat hi ka han hrilh ve duh che u a. Member zahawm takin J.Hrokhu a kha SAI Meet a Gold Medalist a ni a. Tin, chubakah best Boxer ah an thlang nghe nghe a. Tin, Jenny Lalremliani tunah hian Russia ah India ai awhin a kal meka. Tin, Discipline hrang hrang atam Gold, Silver leh Bronze kan lak zawng zawng kumin chhung hian National leh North East ah hian 101 a ni a. Hmaih palh kan la nei mai thei a ni. Chutiang chuan achievement hi a tha em em a A bikin contact Sports kan member sawi ang khan contact Sports ah pheichuan anrawn hawn hnem hle a. Discipline dang sawilan ka duh chu - Kan talent pakhat dang nia ka hriat a chu tunah bul tan tur kan ni a, Rifle shooting, shooting lam hi kan talent tur niin kan hria a. Olympic thlengin chance kan neiin ka hria a. Chu chu din tumin Rifle Association of India guideline ang deuhin tunah kan duang meka. Tunah hian Rifle Association of Mizoram din tumin kan duang meka. Rules draft te kan en a, guideline ang a tih a ngai si a, chu chu ruahman meka ni.

Tin, Thenzawl chungchang kha Football  
ground mai a ni lova, tunah hian Women Hockey ten hma an sawn hle a.  
Sawmi Residential Coaching kan neihah sawn Thla ni chhung ringawt

**PU ZH. ROPUIA  
MINISTER**

: Pu Speaker, ka lawm e.

**S P E A K E R**

: Minister 4 Demand chai kan ni baw k a.  
Nidang aiin kan rei a, Member te tan  
lakna leh indawhttheihna avangin lawm  
thu ka sawi a.

Vawiin kan Business kan zo ta a. Kan  
tin ang a. Naktuk March 24, 2005 zing dar 10:30 ah kan thu leh dawn nia.

Sitting adjourned 8:25 P.M.